











কপালিনী

Babu Anand Bhattacharya  
Gift to author

শ্রীমহেন্দ্রনাথ মিত্র ।

**CALCUTTA:**

PRINTED BY SARAT CHANDRA CHAKRABURTY,  
**AT THE KALIKA PRESS.**

*17, Hundo Coomar Chow 'hury's 2nd Lane.*

AND

PUBLISHED BY GURUDAS CHATTERJI.

*201, Cornwallis Street, Calcutta.*

অগ্রজতুল্য পূজ্য, পরমাত্মীয়

দেব-প্রতিম-চরিত্রে,

সর্বশাস্ত্রে সুপণ্ডিত দার্শনিক,

আমার সাহিত্য-গুরু

শ্রীযুক্ত দেবেন্দ্রবিজয় বসু এম্. এ.

মহানুভবের শ্রীচরণে,

এই গ্রন্থ

আন্তরিক ভক্তির উপহার স্বরূপ

উৎসর্গ করিলাম ।

---





# ভূমিকা ।



রঙ্গালয়ের উদ্দেশ্য সাধনে সাধারণতঃ দৃষ্টকাব্য সৃষ্ট হইয়া থাকে । কিন্তু সে উদ্দেশ্য লক্ষ্য করিয়া, আমি প্রথমে এই পুস্তক প্রণয়নে প্রবৃত্ত হই নাই । বঙ্গসাহিত্য-তরুর অপূর্ণ ফল “সিরাজ-দৌল্লা”র রসাস্বাদ লাভ করিয়া, হৃদয়ের আবেগে আমি হতভাগ্য নবাবের চরিত্র নাটকাকারে চিত্রিত করিতে স্বতঃপ্রবৃত্ত হই । তবে যে শক্তিতে উক্ত গ্রন্থ সুবিকাশিত হইয়াছে, সেই শক্তির অভাবে দুর্ভাগ্য সিরাজের ঐতিহাসিক চরিত্র প্রক্ষুট করিতে কতদূর কৃতকাৰ্য্য হইয়াছি—বলিতে পারি না । যাহা হউক, যাহার “সিরাজদৌল্লা” পাঠ করিয়া আমি এ কার্য্যে হস্তক্ষেপ করি, বঙ্গ-সাহিত্য-জগতের সেই সমুজ্জল রত্ন পূজ্যপাদ শ্রীবৃদ্ধ অক্ষয়কুমার মৈত্রেয় মহোদয়ের নিকটে আমি চিরঋণী ।

প্রথমে এই নাটকের চারি অঙ্ক লেখা হইলে, নানা কারণে আমাকে ইহার শেষ অঙ্ক লেখা বন্ধ রাখিতে হয় । কিন্তু “শিবপুর” ইঞ্জিনিয়ারিং কলেজের “নাট্য সমিতি” দ্বারা ইহার অভিনয়-উদ্দেশ্যে, আমার জীবনবাণী মেহের আধার কনিষ্ঠ মহোদর শ্রীমান জিতেন্দ্রনাথের আগ্রহে ও উত্তেজনায়, আমি অসম্পূর্ণ গ্রন্থ সমাপ্ত করিতে বাধ্য হই ; এবং উক্ত সুযোগ্য ছাত্রসমিতি কর্তৃক, ১৮৯৯ সাল ৯ই ফ্রেব্রুয়ারি তারিখে শিবপুর ইঞ্জিনিয়ারিং কলেজে হইয়া অভিনীত হয় । নাটকের সৌন্দর্য্য বৃদ্ধি করিয়া অভিনয় এত সুন্দর হয় যে, উপস্থিত সাহিত্যসেবী মহোদয়গণ অভিনয় দর্শনে প্রীত হইয়া, পুস্তক মুদ্রিত করিতে

আমাকে বিশেষ অনুরোধ করেন। যাহা হউক, আমার কাব্য-প্রিয় উত্তমশীল ভ্রাতার ও তাঁহার কাব্যানুরাগী সহাধ্যায়ী বন্ধুবর্গের উৎসাহ-না পাইলে, হয়ত আমার এ উত্তম সফল হইত না। এক্ষণে তাঁহারা ছাত্রজীবন অতিক্রম করিয়া কার্যক্ষেত্রে অবতীর্ণ;—আজ, প্রীতিপূর্ণ হৃদয়ে তাঁহাদিগকে আমি আন্তরিক ধন্যবাদ প্রদান করিতেছি।

ষট্টিচক্রে প্রায় চারি বর্ষ পরে, আজ যাহার আগ্রহে ও অনুগ্রহে এই গ্রন্থ মুদ্রিত হইল, আমার সেই অগ্রজতুল্য শ্রদ্ধা-ভাজন সুহৃদ, শ্রীযুক্ত জলধর সেন মহাশয়ের নিকটে আমি চির-কৃতজ্ঞতা-পাশে আবদ্ধ রহিলাম। তিনি স্বহস্তে মুদ্রাক্ষনের ভার গ্রহণ না করিলে, এত শীঘ্র ইহা প্রকাশিত হইত না। তিনি স্বয়ং সাহিত্য সেবায় সতত ব্রতী থাকিয়াও, সহৃদয়তাগুণে আমার প্রতি যে দয়া প্রকাশ করিয়াছেন—তাহা কখন বিস্মৃত হইতে পারিব না।

আর আমার শ্রদ্ধাস্পদ সুহৃদ শ্রীযুক্ত ললিতচন্দ্র মিত্র এম. এ. মহোদয় প্রমুখ যে সকল সাহিত্যোৎসাহী কৃতবিশ্ব মহোদয় ব্যক্তি অনুগ্রহপূর্ব্বক এই গ্রন্থেব পাণ্ডুলিপি দেখিয়া দিয়া ও স্থান-বিশেষ পরিশোধিত করিতে নির্দেশ করিয়া, ইহার মুদ্রাক্ষনে আমাকে বিশেষ উৎসাহিত করিয়াছেন, তাঁহাদিগকে সর্বাস্তঃ-করণে ধন্যবাদ প্রদান করিতেছি।

কোন্নগর।

সন ১৩১০ সাল, ২০শে অগ্রহায়ণ।

গ্রন্থকার।

# নাটোল্লিখিত পাত্র-পাত্রী ।

## পুরুষ ।

ব্রহ্মচারী	...	সংসারত্যাগী সন্ন্যাসী ও ভৈরবদলের গুরু ।
চণ্ডদেব	} ...	ভৈরবদলের নায়ক ।
উগ্রদেব		
সমরলাল	...	জনৈক দেশত্যাগী জমিদার-পুত্র ।
সিরাজদৌলা	...	বঙ্গের নবাব ।
রুদ্রপাল	...	নবাবের প্রধান পারিষদ ।
মির্জাফর	...	নবাবের প্রধান সেনাপতি ।
মোহনলাল	} ...	নবাবের সৈন্যধ্যক্ষ ।
রামচন্দ্র ভট্টাচার্য		
মিরণ	...	মির্জাফরের পুত্র ।
মির কাশেম	...	মির্জাফরের জামাতা ।
মির দাউদ	...	মির্জাফরের ভ্রাতা ।
কৃষ্ণবল্লভ	...	রাজা রাজবল্লভের পুত্র ।
জয়মল	...	রুদ্রপালের অনুচর ।
ভগা ও খগা	...	রুদ্রপালের গুপ্তচর ।
মহম্মদী বেগ	...	ঘাতক ।
দেবো	...	চণ্ডাল ।

ভৈরবগণ, পারিষদগণ, সৈনিকগণ, গ্রহরী, দূত ও ফৌজদার ।

## স্ত্রী ।

মহামায়া	...	...	ব্রহ্মচারীর জ্যেষ্ঠা কন্যা ও রুদ্র- শালের পত্নী ।
কপালিনী	...	..	ব্রহ্মচারীর কনিষ্ঠা কন্যা ।
কুণ্ডলিনী	...	...	কপালিনীর ঐশ্বী ।
শু ংফুল্লিনী	}	...	নবাবের বেগমদ্বয় ।
মনিয়া			
বাদী	...	...	মনিয়াব পরিচারণিকা ।

---

# কপালিনী ।

---

## প্রথম অঙ্ক ।

### প্রথম দৃশ্য ।

স্থান—রাজমহল—গঙ্গাতীরে আশান ।

সময়—রাত্রি—তৃতীয় প্রহর ।

---

চিতাগর্ভস্থিত দক্ষবংশদণ্ড ধরিয়া উদ্ভাদবেশে সমরলাল দণ্ডায়মান ।

স । ( দীর্ঘ নিশ্বাস ফেলিয়া ) উঃ—

পাষাণি ! চরণে তোর সঁপেছি জীবন,

সঁপেছি জগৎ মোরে ইহ-পর-লোক,

পূজিতে কি রমণীর পাষাণ হৃদয় ?

রমণী-চরণ-তীর্থে, ধর্ম্মে কর্ম্মে দিয়া

জলাঞ্জলি—দিয়া বলি আমিহ আমার,

করি ছিন্ন হৃৎপিণ্ড—করিমু সাধনা,

ফল তার, রমণি রে, শুধু কি যাতনা ?—

অধু দাহ ?—অর্ন্তনাদ ?—জীবন্তে মরণ  
 ঘোর !! ( ক্ষণ বিলম্বে শ্বাস ফেলিয়া )  
 না না, সে ত নারী নঃ ! হিয়াহীনা  
 পাষণ-প্রতিমা !! এ যে পাষণী পূজায়,  
 হারান্ন সর্বস্ব, হায় ! হইল উন্মাদ !  
 উন্মাদ কুকুর সম দ্বারে দ্বারে ফিরি,  
 ঘুরি মরু—ঘোর বন—আঁধার শ্মশান !—  
 না নিভে অনল ; ছুটি জালায় চাঁৎকারি ।  
 হেরি মোরে—হাসে ধরা, হাসে তারা, হাসে  
 নিশ্চয় সংসার ! ছি-ছি ! হাসিস্, রমণি—  
 পাষণি—রাঙ্গসি,—তুই ? হা-হা ! জলে যায়  
 অস্থি-মজ্জা,—জলে যায় হিয়া ! যায়—যায়—  
 জলে যায় এ সংসার রমণী-পূজার !!

[ অবসন্ন হইয়া ভূমে পতন । ]

দেখো চণ্ডালের প্রবেশ ।

দে । ( সবিস্ময়ে ) কই ! কেউ কোত্তা নি ! আরে মোর  
 ভাগ্যি পোড়া ! কদিন নি একডা মড়া ? কান্না শুনে—হেসে  
 মনে, ছুটে এল ঘুম ভেঙে । বঃ—সব ফর্সা ! কেউ কোত্তা নি ?  
 চোক খেয়ে—দেকেও জাবতা, মারে নি লোগ—একডা ।—

( সমরকে ভূপতিত দেখিয়া বিস্ময়ে )

হাদিও—ওকি—ওড়া !! দেখুচি বডে যুদ্ধোর একডা ! যদি নি  
 কড়ি পুড়তে চিতের, ক্যানি নি ডুবে মল্লি গাঙে ? কানি থানা

নিয়ে খুলে, দিচ্ছি এই এক লাথির চোটে ডুব্বয়ে মাঝ দরিয়ায় ।  
( কাপড় খুলিয়া লইতে ভয়ে ও বিস্ময়ে ) আরে বাবা ! নড়ে  
এষে ! জ্যাংস্তো মড়া দেক্‌চি এডা ! জ্যাংস্তে নিদ্ দিয়ে চিতেয়,  
তাই নি জলে হেতায় চিতে !—হাদে ব্যবসাডা মোর দিলে  
জানবে ! রঃ ! রঃ ! যুম্ মারা মজা মেবে—দিচ্ছি ভেঙে ।—

( পোড়া বংশের খোঁচা মারিয়া )

আরে—ও স্মৃন্দি—ই

স । ( সহসা চকিতভাবে দাঁড়াইয়া )

পায়াগি । আনিলি কোথা ? ভারত যুরায়ে  
নাহি দিলি স্থান ;— এ যে আঁধার অশান !!  
সব ভস্ম এ অশানে ! মানবের রূপ,  
দর্প, দীপ্ত অহঙ্কার, বৈভব, বাসনা—  
অই ভস্ম স্তূপাকার !! অই ভস্ম-স্তূপে,  
বিস্মৃতি আবরি' সব ঘনঘোর কাল-  
অন্ধকারে ! আর হেথা—এ হৃদি-অশানে,  
সব ভস্মে পরিণত—আঁধার নিহিত !  
কেন তবে ভস্মস্তূপে, স্ফুলিঙ্গে স্ফুলিঙ্গে  
চমকে কালাগ্নি-স্মৃতি ? শিরায় শিরায়,  
সহস্র শিখায় কেন সে বহ্নি জলিয়ে,  
করে দাহ—করে ক্ষিপ্ত, দিশাহারা মোরে ?  
রক্তগিরে ! স্মৃতি তোর—কেন জ্বলে চিতা  
অস্তরে বাহিরে মোর ? চিতা !—চিতা !! অই



স্মৃতি-চিতা জলে জাহ্নবীর জলে, ব্যাপি

আকাশ-পাতাল—ব্যাপি ইহ-পর-কাল !!

দে। (বিস্ময়ে) আরে—ওঁ যে ক্ষেপ্তা !! বেতর বেহায়া  
এডা,—রমুণী—রমুণী—করে মরে ! হো-হো ! রমুণী ত মেয়ে  
লোগ—দীপ্লিকা লাড্ডু, বলিহারি ! না হলেও, নি—হলেও বাঁচোয়া  
নি, বাবা ! রাকো বুকো—সোবি আচ্ছা ; ‘শাল’ রে যদি—তবেই  
মরেচ, বাপ—অগ্নি সাপ ডঙ্কোধরে ফোঁস ! আরে ক্ষেপ্তা ভাই !  
ছেড়ে দে রে অই রঙ্‌করা রমুণীর জেতে । যোড় হাতে—মুক্ চেয়ে  
—আছি পায়ে পড়ে ; তবু খেয়ে ঠোনার ছোবল—জ্বাক্ ডোবর  
ট্যাঁপোর গাল ছুটো মোর ! মরি। মরি ! তাই বলি—ও বুলি  
ছেড়ে দে ।

স। আরে কে তুই ডাকিস্ ? ডাকিতে আমারে,

নাহিক কেহ ত আর এ দগ্ধ-সংসারে ।

আমি, ডেকে ডেকে ফিরি—হাহাকারি ঘুরি,

হৃদয় ফাটিয়া ঝরে রুধিরের ধারা ;

কেহ না শুধায়—কেহ নাহি ফিরি চায়,

হি-হি-হি সংসার হাসে !! নির্দয়—নিষ্ঠুর—

নিদারুণ এ জগৎ ! সংসার-তাড়িত

এ ক্ষিপ্ত কুকুরে ; তবে, কে তুই ডাকিস্ ?

দে। আরে ক্ষেপ্তা ! রমুণী—পেত্নীর জাত ।—পেলে এক-

বার, চোকের ধাঁধায় তাক্ লাগয়ে, ঘুরয়ে মারে জান্ডা কেড়ে !

যা রে ক্ষেপ্তা ভাই ! এত নি রমুণী আড্ডা ;—এবে জ্যান্ত বোনের

আড্ডা এডা ! সরে পড়ো, বাবা ! শুন্লে এ রমণী-রমণী-বুলি,  
মাগী মোর গর্শ্বে গিয়ে—থাবে মোর মুণ্ড আস্তো কচ্কচিয়ে !  
যা—বাবা ! ছেড়ে যা এ ঠাই ।

[ প্রস্থান।

স । যাব—যাব একেবারে—হৃদনের পরে ।  
একবার—শেষবার—ডাকিব চীৎকারি  
আশা মিটাইয়া ।—যাবে পাষাণ ফাটিয়া  
উঠিবে শ্মশানকাঁদি ! দেখি তার হৃদি-  
অন্তঃস্থলে, কাঁপে কিনা শিরা একবার ।

[ প্রস্থানোপক্রম ।

[ ধীরপদে কপালিনীর প্রবেশ ।

ক । ছি-ছি-ছি ! উন্মাদ তুমি ?

স । না হ'লে উন্মাদ,  
কে পূজে পাষাণী ?

ক । আহা ! পাষাণীর পূজা  
- মাতা প্রকৃতির পূজা—করে যেই, ধন্য  
সেই নর ।

স । হা-হা ! পূজি রমণী-পাষাণী ।

ক । রমণী—পাষাণী নয়, রমণী—জননী ।  
হৃদয়-শোনিতে নিত্য পালিছে সংসার,  
হের, নর, নারীরূপা প্রকৃতি আপনি !

স । নাহি জানি কিবা নারী । জানি শুধু আমি

পূজি যারে হৃদিমাঝে, কুসুম-নির্মিতা  
পাষাণী সে নারী !!

ক ।                      নহে কাহ্না-বিহীন  
সাধনা তোমার, নর !

স ।                      আরে রে যোগিনি !  
কি বুঝিবি এ পূজা-বিধান ?

ক ।                      বুঝিয়াছি —  
পূজা নয়, সে তোমার মনের ক্রিয়ার ।  
বুঝিয়াছি, হে মানব ! নারী-পূজা নাহি  
জান কভু ; কর স্মৃষ্টি ইন্দ্রিয়-সাধনা ।

স ।                      ইন্দ্রিয়-সাধনা !! আরে, সৰ্ব্বস্ব-বর্জ্জন—  
আত্ম-বিসর্জন, সে কি ইন্দ্রিয়-তর্পণ ?  
‘সরে যা’ রমণী-মায়া-মরীচিকা—মহা  
ইন্দ্রজাল !!

ক ।                      যাই—শুন, নর ! মনসাধ—  
গাঁথি মালা তারাকুলে, পরি এই গলে ।  
দিবে পাড়ি’ - নীল-মণ্ডঃ-শোভা অই ফুল  
তারাকুল ?

স ।                      তুইও কি উন্মাদিনী, বালা ?

ক ।                      নহি উন্মাদিনী — সৰ্ব্বত্যাগী সন্ন্যাসিনী ।

স ।                      সন্ন্যাসিনী-হৃদে, তবে, কেন রে সে সাধ—  
মানব-অসাধ্য যাহা ?

## প্রথম অঙ্ক ।

ক ।

কহ, নর, জনি—

সাধ্যাতীত কেন মানবের ?

স ।

দূরে—দূরে,

রহে তারা—বহুদূরে । মর্ত্য-মানবের

সাধ্য সীমা-পারে ।

ক ।

পুড়িতেছ, হে মানব ।

আকাঙ্ক্ষা-অনলে ঘোর । আকাঙ্ক্ষা-বাহিরে

যাহা—জান যদি তাহা সাধ্যের অতীত,

কেন তবে সে নারীর প্রণয়-প্রয়াস ?

অই দূব আকাশেব তারা হ'তে দেখ

ভাবি, নর, আরো দূরে নহে পর-নারী ?

পরনারী !!! কি জানিবি, তুই রে যোগিনি ?

বার স্মৃতি হৃদিমাঝে শক্তি-সঞ্জীবনী,

যে প্রতিমা ইষ্টদেবী-মূর্তি এ অন্তরে,

সেই ত আমার । আমার কি নহেক পুস—

শৈশব হইতে ধারে রেখেছি লুকায়,

অন্তরের অন্তঃস্থল মাঝে ? বার তরে

গৃহত্যাগী—সর্বত্যাগী, প্রাণময়ী সেই

নহে কি আমাব ?

ক ।

নহে সে তোমার আর ।

স ।

সে আমার ।—সে আমার সৌন্দর্য-আধার

সে মোর বাসনা, আশা, ভাবনা, যাতনা ।

হয়েছি উন্মাদ তার তরে ; অশ্বেষণে  
 তার, ফিরিতেছি কত দেশ-দেশান্তর—  
 কত দীর্ঘ-দীর্ঘ বর্ষ ধরি । সে আমার,  
 সেই ত সর্বস্ব মোর--সেই সর্বনাশী ।  
 কি বুঝিবি—

ক ।                    দেখ—দেখ—দেখ নির্বধিরা  
 সৌন্দর্যের পরিণাম—শ্মশান-অঁধারে !  
 শ্মশানের শোভা শাস্তিময়—কালজয়ী !  
 ও শোভায় মগ্ন বিশ্ব-সংসারের শোভা !  
 হের রে উন্মাদ ! যার তরে মৃত তুমি,  
 মৃত্যু সেই তব—সেই সর্বনাশী, যার  
 মহানিদ্রা—অই মহা সৌন্দর্যে মিশিয়া !  
 গায় অন্ধকার ; নাচে ভূত পঞ্চ দিয়া  
 করতালি ; হাসে অই মানব-কপাল !!  
 গাওরে উন্মাদ ! ভুলি ভ্রান্তির বিকার,  
 অনন্ত-সৌন্দর্য-গীত ! হের—হের চির-  
 সৌন্দর্য-মাধুর্যে মহা-গান্ধীর্ঘ্য-মুণ্ডিত,  
 শ্মশানের ঘোর শোভা—মার শোভা কিবা  
 অপরূপ ! এবে ত্যজ—ত্যজহ বিরূপ ।  
 পাবে শান্তি, এস সঙ্গে সত্য-পথে, নর !

ম। ( বিস্মিত ও স্তম্ভিতভাবে )

একি—একি প্রহেলিকা !! কেবা এ বালিকা ?  
ছায়া !—ছায়া !! সেই স্বপ্ন-স্মৃতি-ছায়া !!—সেই  
গীতি-প্রতিধ্বনি !! কেন ভস্ম-স্তূপে, স্মৃতি-  
শাস্তি-শতদল-ছায়া ? বাড়িছে বিষের  
জালা ! থাক্—যাক্ স্মৃতি ;—কোথায় বিস্মৃতি ?  
দূর হ'ক স্বপ্ন ;—মায়াবিনী-মায়া-জাল ।

[ প্রস্থান ।

## প্রথম অঙ্ক ।

দ্বিতীয় দৃশ্য ।

স্থান—রাজমহল—পূর্বত সান্নিধ্যদেশ  
সময়—প্রভাত ।

ব্রহ্মচারীর প্রবেশ ।

ব। অনন্ত ব্রহ্মাণ্ড এই । নাহি শেষ—নাহি  
এর সীমা । এই ধরা, চন্দ্র-সূর্য্য-তারা,  
'রহে অল্প-পরিমাণ বিশ্ব-তুলনায় !

কত কোটি-কোটি গ্রহ উঠে—ফুটে, ঘুরে  
 ঘোর রাশি-চক্র-পথে অনন্ত ঘুরিয়া ;  
 লীন হয় শেষে মহাশূন্যতে মিশিয়া ।  
 মানব-জ্ঞানের সীমা—নহে বিশ্ব-সীমা,—  
 ‘অনন্ত’ দাঁড়ায় সেথা ! কল্পনার পার—  
 হেরি অন্ধকার, ভাবে অন্ত অন্তের !

[ কপালিনীর প্রবেশ ।

ক । পিতা, কেবা সে উন্মাদ ? কই মোরে, হেরি  
 তারে, কেন—কেন পুনঃ হেরিতে বাসনা ?

ব্র । ( দীর্ঘ বিশ্বাস ফেলিয়া )

সাবধান, কপালিনি, বাসনা হইতে ।

ক । তব সাথে কত দেশে, নগরে নগরে,  
 করেছি ভ্রমণ দেব ! করেছি ভ্রমণ  
 মহা বনে, মরুভূমে ; হেরেছি নগ্ননে  
 শত শত নর-নারী, কত জীব-জাতি,  
 তরু-লতা কত, কত ফল-ফুল-রাজি ।  
 বাসনার ছায়া কভু পড়ে নাই মনে ;  
 কেন তবে, কহ, পিতা, ফিরে এ নগ্নন  
 নিরখিতে সে উন্মাদে ?

ব্র । নাহি শঙ্কা ; শুন,  
 সন্ন্যাসিনি ! মহাপথ দে’ছি দেখাইয়া ;  
 বাও চলি চকু মেলি । কণ্টকিত তব

যদি হের পথমাঝে, যে অস্ত্র দিয়াছি—  
 ছিন্ন করি যেও চলি। অই যে মানব,  
 মজি মরু-মরীচিকা-মোহে মুদি অঁাধি  
 মোহ-ভূষানলে করে ঘোর আত্মনাদ,  
 দেহ তারে শাস্তি-বারি, —বাচাও উন্মাদে ;—  
 দেহ পথ-দেখাইয়া। কিন্তু সাবধান —  
 সংসার-অঁাধারে, বৎসে !

ক।

ना जानि संसार

কিবা—কিবা সে আঁধার ! মহা-মত্ত-বলে,  
অনন্ত-সৌন্দর্য্যময়ী জগৎ-প্রতিমা,  
দিয়াছ স্থাপিয়া হৃদে ; জগৎ-জননী  
পূজা—কার্য্যমাত্র মোর এ ছার জীবনে ।  
নিরখি উন্মাদে, কিন্তু, বহুকাল-দৃষ্ট  
বিস্মৃত স্বপন সম, কি যেন কি ছায়া—  
আসে কাছে—কোথা দূরে যাম মিলাইয়া !  
কহ, পিতা, কিবা এই ছায়া ?

५।

**ନାବଧାନ—**

সাবধান, কুপালিনি ! কাল-সংসারের  
ছায়া উহা । ছায়া হতে উদ্ধর বাসনা ;  
বাসনার জ্ঞান-লোপ ; জ্ঞান-লোপে - তবে  
নরক-বিস্তার । আছে যে গূঢ় ব্রহ্ম,  
জানিবে পশ্চাতে । এবে শুন, কপালিনি



মার কার্যো—মহাকাব্যে, করেছি তোমারে  
ব্রতী, এবে, বৎসে, তার পরীক্ষা ভীষণ ।  
যাও, মার কার্যো— জ্যোতির্শ্রম মহাপথে  
ফিরাও মানবে ।

ক। গুরুদেব তুমি ; স্বরি  
ও চরণ, মার কার্য্য করিব সাধনা।

[ প্রস্থান।

ব্র। জগদম্বে ! কি করিলে ? মহাভ্রমে এষে  
ফেলিলে, জননি, পুনঃ । পদে পদে ভ্রম,  
নাহিক নিস্তার । হব কেমনে উদ্ধার,  
মায়ার বিকার হতে, কহ, মহামায়া ?  
পরমা প্রকৃতি তুমি ; প্রকৃতি-সাধনা  
বিনা, নাহি জানে বালা — চির-সন্ন্যাসিনী ।  
কেন তবে, জগন্ময়ি ! সন্ন্যাসিনী-হৃদে,  
সংসার-কুহক-ছায়া পাশে অলক্ষিতে ?  
শ্মশানে রোপিত এই লতা, চিরদিন  
চিতার অঙ্গারে, মাতঃ, হয়েছে বর্দ্ধিত ,  
কেন তবে সে হৃদয়ে, হে বাসনাময়ি !  
বাসনা কোরক হয় অজ্ঞাতে বিকাশ ?  
লীলা তব, লীলাময়ি, নারি বুঝিবারে ।

[ চণ্ডদেব ও কুমার কৃষ্ণবল্লভের প্রবেশ ।

ক। নমো দাস, ভগবন্! (পদধূলি গ্রহণ)

ব্র। হউক মঙ্গল ।

বৎস ! কি সংবাদ ?

কু। ( কুতাজলিপুটে ) ইচ্ছা স্বাকার, প্রভু,  
দুর্লভ নবাব হতে লভিতে নিষ্কৃতি ।  
বিদিত সকলি তব ।

চ। শুনিলাম, দেব !

আসিছে সিরাজ শত্রু জয় করি । তাই,  
প্রভুত্ব-বিলোপ-ভয়ে-- বিলোপি কোশলে  
শক্তিধর দণ্ডধরে, স্বার্থরক্ষা তরে,  
বসাতে সবার বাজ্বা দুর্বল বঞ্চকে !

ব্র। বুঝেছি বাসনা ; শক্তি নাহি কার ক'রে  
যবন নিপাত, ধরে রাজ্য নিজ করে ।

কু। সপ্তশত বর্ষ, দেব, দাসত্ব-দলনে,  
নাহি শক্তি—করে প্রজা রাজার শাসন ।  
তাই এ মন্ত্রণা, দেব ।

ব্র। মাতঃ জন্মভূমি !

না হেরি আঁধার হুতে তোমার উদ্ধার !

কু। হেরি, দেব, এই ঘোর দেশের দুর্গতি,  
প্রাণ নাহি রহে স্থির । রাজা রুদ্রপাল —  
নামে যার উঠে কাঁপি সহস্র নরক,  
সিরাজের পাপ-তুষা বাড়ায় সতত  
প্রলোভনে । ফিরে চর চারিদিকে তার,

হরিতে রূপসী নারী ;—ঘরে ঘরে স্নখু'  
ঘোর হাহাকার ! আর না পারি হেরিতে  
দারুণ পীড়ন, প্রভু !

ব ।

জানিহে কুমার !

দেশের দুর্গতি, কিন্তু নিয়তি সকলি !  
হারাইয়া আৰ্য্যশক্তি, লভি দাসত্বের  
অতি ঘৃণ্য অধোগতি, দিতেছি আহুতি  
নিজে—যবনের পাপ-বিলাস-অনলে !  
কেন হুধ' বালক সিরাজে ? বিজ্ঞেতার  
বিনা অত্যাচার, নাহি ভাঙ্গে কভু নিদ্রা  
বিজিত জাতির,—নাহি জাগে শক্তি, মৃত  
জাতীয় জীবনে ।

ক ।

এবে বিলম্বে যে আর,

বিলুপ্ত হইবে, দেব, এই আৰ্য্য-জাতি,  
পবিত্র ভারত হতে ।

ব ।

তাজ বৃথা ভ্রম ।

অজ্ঞান-তিমিরে ছিল মগ্ন যবে ধরা,  
জ্ঞানালোক আৰ্য্য-হৃদে হয় বিকশিত ।  
সংস্কার-প্রভাবে, বংশ, সে মহা আলোক—  
শক্তি-কণা-পরিমাণে, হিন্দু-জাতি-প্রাণে  
তবু আছে সঞ্চারিত, কভু নাহি হবে  
লুপ্ত এই আৰ্য্য-জাতি

ক । বিদরে হৃদয়,—

হিন্দুর অস্তিত্ব, দেব, কালে মিশাইবে  
যবন-প্লাবনে ।

ব । গুন, বৎস ! প্রকৃতির

নিয়ম-প্রভাবে, সভ্যজাতি-পরাক্রমে,  
অসভ্য বৃক্কর জাতি ধ্বংস হয় ক্রমে ।  
বিনা উৎপীড়নে, জেতা-জিত-ভাব নাহি  
থাকে আর ; যার কালে মিশিয়া প্রবলে—  
দুর্বল যে জাতি । অল্পসরি এই নীতি,  
এ জগতে খ্যাত আকবর ; ছিল গুপ্ত  
লক্ষ্য তার—করে এক হিন্দু-মুসলমানে ।  
মিবারে—‘প্রতাপ’ উঠি প্রদীপ্ত ভাস্কর,  
যবন-উদ্দেশ্য গূঢ় ভস্ম করে তেজে ।  
হেরি বার্ষ্য সেই নীতি, হিন্দুর উচ্ছেদে,  
নির্যাতন—মূলমন্ত্র করে আরঞ্জেব ।  
নিদাকণ সে পীড়নে, যেনু ভস্মাবৃত  
ফুলিঙ্গ হইতে, ওই দিকে বহ্নি-শিখা  
জলে আচর্ষিতে ! দক্ষিণে মারাঠা জাতি,  
পশ্চিমেতে শিখ—নব অভ্যুদয়ে মাতি—  
মোগল-সাম্রাজ্য-ভিত্তি করেছে শিথিল ;—  
অচিরে মোগল-রাজ্য হইবে পতন ।

ক । ভগবন্ ! কতদিনে—কেমনে হইবে  
যবন-উচ্ছেদ ?

ব্র।

তাজি নীচ প্রতারণা,

আর্থের মহত্বে কর সহ, এ অসহ  
 যবন-পীড়ন। ধর ঐশ্বর্য ;—এক প্রাণে  
 কর সবে সম্ব-সাধনা ; মাতৃ-মস্ত্রে  
 দিয়া আত্ম-বলি, কর শক্তি-আরাধনা ।

কু। এ তত্ত্ব বুঝিল দাস। কিন্তু, ভগবন্!  
 কি জানাব পিতৃপদে, কি দিব উত্তর  
 জিজ্ঞাসিলে ভূমিপাল-দলে,—প্রার্থী সবে  
 পৃজিবারে ও পদ-পঙ্কজ ।

ব্র। ( ক্ষণেক চিন্তিয়া )                      বিনা কৃপা  
 জননীর, হে কুমার ! না হেরি উপায় ।  
 ভারতের ভবিতব্য কিবা কালোদরে—  
 জননী-বাসনা কিবা, জানিব ধ্যানেতে  
 বসি । আজি সন্ধ্যাযোগে, মহাযোগে হব  
 মগ্ন ; ভঙ্গ হবে ধ্যান তৃতীয় সন্ধ্যায় ; —  
 জননী-আদেশ হবে প্রচারিত । যাও,  
 বৎস ! আশ্রমেতে এবে করগে বিশ্রাম ;  
 দেবীর আদেশে কার্য্য করিব সাধন ।

কু। কৃতার্থ হইল দাস। ( পদধূলি গ্রহণ )

ব্র।

যাও, চণ্ডদেব !

রেখ' লক্ষ্য অলক্ষ্যে রহিয়া, যবনের  
 এবে কার্য্য-লক্ষ্য কিবা ।

চ ।

যে আদেশ, দেব !

[ কৃষ্ণবল্লভ ও চণ্ডদেবের প্রস্থান ।

ব্র । সসীম মানব-বল । অসীম বাসনা

স্বধু । বাসনায় নর গ্রাসে বসুন্ধরা,  
করে চূর্ণ গ্রহ-তারা ; সমীরণে রোধে  
কারাগারে ; পারাবারে ধরে করতলে ।

বাসনা জীবন-ব্যাপী ; কভু নাহি মিটে  
মানব-বাসনা-তৃষী । যত যায় দিন,

ক্ষুদ্র কেন্দ্র বাসনা হইতে, বাড়ে ক্রমে  
পরিধি তাহার—ব্যাপি বিশ্বচরাচর ?

সতত বাসনা-মদে প্রমত্ত মানব,

শিয়রে মরণ—তবু পতঙ্গ-ক্ৰীড়ায়

পুড়ে বিশ্ব-বিস্তারিত বাসনা-শিখায় !

হুর্জয় বাসনা জলে চক্রীদল-হৃদে—

বধিবে যবনে শ্বেত-বগিক-সহায়ে ।

নাহি ভাবে কভু, এ বাসনা ফলে, কি যে

প্রদীপ্ত অনল-রাশি জলিবে ভারতে !—

নাহি ভাবে মনে এ বাসনা পরিণাম !

বাঞ্ছাময়ি ! দেখি কিবা বাসনা তোমার ।

[ প্রস্থান ।

## প্রথম অঙ্ক

তৃতীয় দৃশ্য ।

স্থান—রাজমহল—ভাগিরথী-তীর—আরে নবাব-শিবির ।

সময়—সন্ধ্যা ।

[ নবাব সিরাজদ্দৌলার চিন্তামণ্ডাবস্থায় প্রবেশ ।

সি । গতানু সকলে—ছিল যারা প্রতিদ্বন্দী,  
এ বঙ্গের রাজদণ্ড হরিতে কোশলে ।  
গতানু সমর-ক্ষেত্রে, গর্বিত নির্যোধ  
ভ্রাতা সওকতজঙ্গ । রণজয়ী আমি ;  
রণ-জয়-দৃষ্ট এই সেনাদল মম,  
বীর-নাদে জয়ধ্বনি করিছে আকাশি ।—  
কাঁপিছে জাহ্নবী জল,—কাঁপিছে অম্বর  
এই ভীম জয়-নাদে ;—কাঁপিছে সভয়ে  
বঙ্গভূমি । কিন্তু, হায়, এই হৃদাকাশ  
সুদূর জলদ-ছায়ে কেন ছায়াবৃত ?  
এই জয়োল্লাসে, করি দীপ্ত-স্মিজনাল,  
না পারে হরিতে কেন অন্ধকার-ছায়া,  
হৃদয় মাঝার হতে ? ভবিষ্য-জীবনে,

না জানি কি বিভীষিকা যবনিকা তুলি,  
ধরিবে বিকট রক্ত—ঘোর রক্তলীলা !!

[ সহসা নবাব আলিবন্দী খারপ্রতাপ্তার আবির্ভাব ।

আ । সিরাজ ! ভাবন# বৃথা । ভবিষ্য-ভাবিয়া

ঘোর, ডাকে মাতামহ তোর—হের, বৎস !

( সিরাজের সন্নিহিত স্তম্ভিতভাবে করযোড়ে দণ্ডায়মান )

তোরি তরে রক্ষিবারে বঙ্গ-সিংহাসন,

এ বৃদ্ধ-জীবন অলি হস্তে রণাঙ্গনে

করেছি যাপন । বৎস ! ছিল রে বাসী—

উচ্ছেদি সমূলে ক্রমে স্পর্ধিত বণিকে,

নিষ্ফলক রাজ্যে তোরে দিব বসাইলা ।

না মিটিতে সে কামনা, হায় ! কাল-কীটে

কাটিল জীবন-বৃন্ত ;—ফুরাইল আশা ।

ইংরাজ-জলদ-জালে, এবে হেরি, বৎস,

ঘোরাবৃত ভবিষ্যৎ-ভাগ্যাকাশ তোর’

আইলু ছুটিয়ে । সেই অস্তিম-শয্যায়

মোর, যে প্রতিজ্ঞা করেছিলি, প্রাণাধিক,

প্রজাকুল-হিতে,—পবিত্রতা স্মরি তার,

না বর্জিতে, সে বণিকে হবে খেদাইতে

দূর সিদ্ধ পারে । ~~অস্তিম~~ নিজ ধর্ম—স্মরি

প্রতিজ্ঞা আপন, কর বঙ্গ-সুশাসন ।

[ ক্রমে অদৃশ্য হওন ।



সি । ( নতজানু হইয়া কৃতাজলিপুটে )

কৃতার্থ এ দাস তব পবিত্র দর্শনে ।  
করেছিহু যে প্রতিজ্ঞা পরশি ও পদ,  
নাহি হবে তাহা কভু বিশ্বৃত কিঙ্কর ।  
যে মদিরা হলাহল, করেছিল মোর  
এ জীবন—পাপময়, উচ্ছৃঙ্খল ধৌর,  
রক্ষিতে প্রতিজ্ঞা, তাত, পদাঘাতে তাই  
সে গরল-সুরা-পাত্র করেছি চূর্ণিত !  
অনুসরি প্রজাহিত, এই রাজ্য মম  
করিব শাসন । হয় যদি প্রয়োজন—  
দিব প্রাণ বিসর্জন ইংরাজ-উচ্ছেদে ।

( দণ্ডায়মান হইয়া ক্ষণবিলম্বে )

ধরি রাজদণ্ড, হেরি মৃত্যু-বিভীষিকা !—  
চক্রাস্ত চৌদিকে !! ক্ষম, তাত ! রক্ষ দাসে ;  
দেহ শাস্তি—রক্ষিবারে মোগল-প্রভাব ।

[ মৌহনলালের প্রবেশ ।

এস, বীরবর ! বন্ধুবর !

মো ।

বন্ধেশ্বর !

পূর্ণিয়া-শাসন-ভার অপি মম করে,  
করেছ যে পুরস্কৃত, প্রভু কভু দাস  
না হবে বিশ্বৃত । রণজয়ে জয়ী আজি ;

বৈরী ধরাশায়ী ; তব বিপুল বাহিনী,  
করে উচ্চ জয়ধ্বনি মাতিয়া উল্লাসে ।  
কেন তবে নরনাথ । এ আনন্দে হেন  
নিরানন্দ আজি ? কেন ত্রিসমাণ ?—কেন  
উল্লাস-প্লাবিত অই শিবির তাজিয়ে,  
একাকী বিজনে এবে কর বিচরণ ?

সি । সত্য বটে, গৃহ-বৈরী একে একে সবে  
ধরাশায়ী । করি ক্ষমা—বরি উচ্চ পদে  
রাজদ্রোহীপ্ৰণে, করি যত্ন—করিবারে  
বশীভূত । কিন্তু হায় । নহে নিকটক  
রাজ্য মম । ক্ষুদ্র যেই কাল-ভুজঙ্গম—  
করিলে গর্জন মাঝে-মাঝে গৃহ-মাঝে,  
না বধিয়া—গৃহস্থামী পারে কি নিশ্চিন্তে  
কভু ঘুমাইতে ? ধরি দিবা ছায়া-মুষ্টি,  
কহিলেন মমতায় মাতামহ মম—  
“ইংরাজ-জলদ-জালে, এবে হেরি বৎস,  
ঘোরাবৃত ভবিষ্যৎ-ভাগ্যাকাশ তব ।”

মো । ( স্বগত ) ভয়ঙ্কর ভবিষ্যৎ-বাণী ॥ সত্য কি এ  
তবে—দৃশ্য ব্রিটিশের অদৃষ্ট প্রবাহে,  
যাবে ভাসি এ যবন ? না-না—বৃথা শঙ্কা ।  
ষড়যন্ত্র চারিদিকে ; শশঙ্ক বালক,  
জাগ্রতে দেখেছে স্বপ্ন চিন্তার বিকারে ।

( প্রকাশ্যে )

বুঝিহু, নৃমণি ! চিন্তা তব । দেহ আজ্ঞা  
 এ মেঘ না হতে ঘনীভূত, প্রভু, ভীম  
 প্রভঞ্জন-বলে, দিই দূর সিঙ্খু-পারে  
 সমূলে উড়ায় । নহে ঈহারাত্র-দস্তা  
 হৃদাস্ত প্রবল—নহে দিল্লীর মোঘল  
 ধন-বল-শালী ; কেন তবে, বঙ্গেশ্বর !  
 ডরিব এ মুষ্টিমেয় বণিকে আর্মরা ?  
 কর্ণাটে ক্লাইব-নাম হয়েছে প্রচার ;  
 তাই কি ইংরাজ ভয়ে হয়েছে আকুল  
 তুমি—বঙ্গ-অধীশ্বর ? বীরবর তুমি ;  
 পূর্ণিমা-সমর সজ্জা নাহি ত্যজি, বীর,  
 চল যাই রণরঙ্গে ইংরাজ-উচ্ছেদে ।  
 গর্বিত খৃষ্টান তবে, শুক হবে হেরি—  
 কিবা বল ধরে ভুজে হিন্দু-মুসলমান ।

সি । হে বীর ! বীরত্বে তব নাহিক সংশয় ।  
 তব বাহু-বলে আজি বিজয়ী সিরাজ,—  
 তব পাশে চির-ঋণী বঙ্গ-অধিপতি ।  
 কিন্তু, কি করিবে বাহুবল, যেথা, বীর,  
 বঞ্চনা প্রবল সদা ? চাতুর্যের বলে,  
 হরিতে প্রভুত্ব মম—ইচ্ছা ইংরাজের ।  
 শান্তি তরে, ত্যজি স্বার্থ—অর্থ দিয়া সন্ধি

করিব বন্ধন ।—হ'ল অলীক স্বপন !!

ফরাশি-বিরোধ-ছলে, আবাস ইংরাজ

চায় দিতে বাধা মম স্বাধীন ইচ্ছায় !

মো । বুখা এ ভাবনা ত্যজ এবে, বঙ্গেশ্বর !

ধরিতে কুপাণ এই—র'বে যতক্ষণ

শক্তি ভূঁজে ইমার, নিজ কর্তব্য-সাধনে—

প্রভুকার্য্যে প্রাণপণে র'বে নিয়োজিত ।

না তুলিতে ফণী, দিতে হবে ভাঙ্গি, প্রভু,

ইংরাজ-ভুজঙ্গ-দন্ত—বীরত্ব-প্রতাপে ।

নতুবা সঞ্চয়ি বল—হইলে সবল,

হইবে হৃদম এই খেত বিষধর—

চাতুর্য্যে অতুলনীয় । জানে—বীর্য্য-বল

হিন্দুবীর ; নাহি জানে—চাতুর্য্য-ছলনা ।

দেহ আজ্ঞা—যাই এবে ; এ ফুল সক্ষ্যায়,

রক্তময়ী প্রকৃতির সৌন্দর্য্য-সন্তোগে,

দিব না ব্যাঘাত, প্রভু !

[ অভিবাদন পূর্ব্বক প্রস্থান ।

সি ।

এ হেন বিশ্বস্ত

বীর মহাযোদ্ধা, যদি রহিত আমার

পঞ্চজন আর—তুচ্ছ ব্রিটিশ-বণিকে ;

জাহ্নবীর জলে, এতদিনে স্নানশয়

হৃদ্যন্ত হৃদয় বর্গী হ'ত নিমজ্জিত ।

কিন্তু, হায় ! যত রাজকর্মচারী নম,  
 বিশ্বাসঘাতক সবে—কৃতঘ্ন—বঞ্চক !  
 ভাগ্যে যাহা থাকে, নাহি ভাবি ভবিষ্যৎ—  
 করি কার্য্য এবে রাজ-কর্তব্য-সাধনে ।

(শীর পদে বিচরণ ।)

[ মিরণের প্রবেশ ।

মি । ( স্বগত ) সিরাজ করিছে স্বপ্নে সাম্রাজ্য-সন্তোষ !  
 আছে যে ক'দিন, রক্ত-শ্রোতে পরিষ্কার  
 করুক আমার পথ । জানে না এ মূঢ়,  
 কার তরে রুদ্রপাল কুট-বুদ্ধি-বলে,  
 করে রক্ষা সিংহাসন । জানে না, অচিরে  
 ও বক্ষে খেলিবে ছুরি—শোভিবে এ শিরে  
 এ বজ্র-কিরীট দীপ্ত ! অস্ত শির নত  
 এই ; কল্যা ধূলি-বিলুপ্তিত ও মুণ্ডে দর্শিত,  
 পাতি রাজ-সিংহাসন বসিবে মিরণ,—  
 কামিনী-কুসুম-হারে শোভিয়া সুলভ ।

( অগ্রসর হইয়া সসম্মুখে )

জাঁহাপনা ! পুরিহরি প্রমোদ-উল্লাস,  
 বিরলে বিজ্ঞন ভূমে কেন একা কর  
 বিচরণ ? অদর্শনে তব সহচর সবে,  
 বিষন্ন উল্লাসহীন,—বিজ্ঞন-উল্লাসে  
 উল্লসিত কর সবে দিয়া দরশন ।

সি। শুন, বন্ধু ! এ সুদিনে কাতর অন্তর,  
স্বর্গীয় নবারে অরি । কাপে বঙ্গ মম  
অমিত বিক্রমে ; এ প্রভাধি—পরাক্রম,  
নারিন্দু দেখাতে, হায় ! সেই স্নেহময়  
মাতামহে ! তাই, বন্ধু,—বিষাদে বিরলে  
ফেলি অশ্রুধূল ।

মি। হেন শুভদিনে অরি  
মৃতজনে, নাহি ফল, হে জনাব ! আজি  
শত্রু-জয়ী তুমি ; শত্রু-হীন এবে বঙ্গ-  
অধিপতি ।

সি। কহ, বন্ধু সত্য কি সিরাজ  
শত্রুশূন্য আজি ?

মি। সত্য—সত্য সুনিশ্চিত !

সি। হ'ক সত্য বাক্য তব । চল, সবে মিলি,  
বৈরী-নাশে মাতি আজ বিজয়-উল্লাসে ।

[ উভয়ের প্রস্থান ।

[ চণ্ডদেবের প্রবেশ ।

চ। এই কি সিরাজ সেই—ছর্নাম সর্বত্র  
যার নরাকার প্রেত বলি ? বুঝিলাম—  
বিজ্রোহী বঞ্চক সবে, বালকের শিরে  
ঢালি চির-কলঙ্কের কালি—করে কেলি

শুশ্রূষাভাবে স্নান, সদা স্বার্থ-সিদ্ধি-তরে !  
 হেরিছ—সিরাজ নহে মস্তপ পিশাচ ;  
 ধরে শক্তি হৃদে—ধরিবারে রাজদণ্ড  
 প্রজ্ঞার পালনে । ছিল ইচ্ছা—এই শূলে  
 বন্ধ দীর্ঘ করি, দিব ঘুচায়ে পাপের  
 লীলা—বন্ধে হাহাকার । কিন্তু, হেঁয় শক্তি  
 বালক-হৃদয়ে অই, আনত ত্রিশূল  
 মম । যাক্—দেখিলাম সব শুশ্রূষাভাবে ।  
 দেখি এবে কেমনে হইবে বন্ধে, পুনঃ  
 হিন্দুরাজ্য প্রতিষ্ঠিত, ভবানী-কুপায় ।

[ প্রস্থান ।

## প্রথম অঙ্ক ।

### চতুর্থ দৃশ্য ।

স্থান—রাজমহল—নবাব-শিবিরের অভ্যন্তরভাগ ।

সময়—প্রথম রাত্রি ।

নবীন ও প্রবীন দুইজন পারিষদ সমাসীন ।

( সম্মুখে নানাবিধ সুরা ও পানপাত্র সজ্জিত )

ন-পা । ( স্ফটিক পাত্রে সুরা ঢালিয়া ) ধর, বাবা ! মাঝে  
কোসে টান্ ।

প্র-পা। আস্লে নবাব ; আগে এতটা ভাল নয়, হে ভায়া !

ন-পা। আর, বাবা, ভাল-মন্দ ! সে ভরসা নাই বড়—বৃদ্ধ বন্ধু ! ঢুক করে যা পার এখন—ধর !

প্র-পা। ( সুরাপাত্র হস্তে লইয়া ) বটে,—হ'ল কিহে ভায়া ?

ন-পা। ছিল সেটনা ব্যাঙ—ডুবে মদে ; হ'ল বোড়া কোঁস—বসে মস্নদে ! আর বাবা ! লাগাও এখন কোসে চুমুক । যান—যাক্ জাহান্নমে এ ছনিয়া !

প্র-পা। ( এক দমে পান করিয়া ) আঃ ! আঃ ! তোফা !—তোফা !! ( শূন্যপাত্র পূর্ণ করিয়া ) ধর, ভায়া ! মারো টানু।—আসুক উড়ে পরিজান্ !

ন-পা। তবে—তবে—বৃদ্ধ বন্ধু ! এখন তোমার সে জলন্ত রূপসীর—ক্ষরন্ত সুধা করি পান । ( পান করিয়া পাত্র রাখিয়া দেওন )

প্র-পা। হো-হো ! সেত আর নয় আধ-কোটা কমলের কুঁড়ি ; সে যে অভভেদী বিজ্ঞাগিরি—এখন নতশির, ভায়া !

ন-পা। তবু—তবু এখনও রসের নিৰ্ঝর যা ছুটে, ভেসে যান—বন্ধু, কত—কত মত্ত হাতী !

প্র-পা। বেশ ভায়া ! বলিহারি ! যাক্—সত্য বলতে কি, আমার সেই কুরঙ্গনয়নী রঙ্গিনী প্রেমসীরে বলেছিলাম—যে ছদিন রও, বুড়ো আলিবর্দিকে গোয়ে যেতে দাও,—তা হলেই কিস্তি-মাং !—ইন্তক-বিস্তক-কাবার !—আমরাও আদত নবাব !!



তখন বেগম সাহেবা না চাহিতে, একটা কি—অমন শ'থানেক আকাশের চাঁদ ধরে দিব ;—সাগর-ছেঁচা অমন দশ-বিশ-গুণা মুক্ত-মাণিকের বুড়ি খুলে দিব । এখন ভণ্ডামির বেতর ব্যাপার দেখে—তাক্ লেগেছে, বাপ্ ! হায় রে কপাল ! এ কপালে এখন আছে দেখছি সুধু—সে রজিণীর রজিন চরণ-ভজিমা !!

ন-পা । যা বলেছ, বন্ধু ! ঐ ভয়ে ঘরে কাওয়া বন্ধ—একে-বারে । সেথা আমার তিনি—সেই ঘোবন-জোয়ার-টানে ঢল্-ঢল্ ঢল্ পদ্মিনী মানিনী—সেই রাগে ফোঁস্-ফোঁস্-ফোঁস্-গর্জনে গর্জিনী প্রেরসী আমার, আহা ! আশাপথ-চেয়ে আঁচল বিছায়ে আছে !

প্র-পা । পেয়েছ খেতাব—‘বাহাদুর’ । ভয় কি, বাপ্ ! যাও—এখন বিবিজ্ঞানকে ছেড়ে দাওগে বাহাদুরী ! হো-হো-হো !

ন-পা । সে বড় বিষম ঠাই, বন্ধু ! সেথা সুধু করলে ফাঁকা বাহাদুরী, সেই রুণু-রুণু-বুহু-নিতম্ব-রজিণী—রণ-রজিনী রূপে সম্বারজ্জনী ধরি, হয় অতি ভয়ঙ্করী !! ভয়ে এই দিগ্‌গজ পুরুষ, ছুনিয়া আঁধার দেখে—শ্রীপদ-পঙ্কজে পড়ি বারবার করে নমস্কার ! তবে—তবে মুকিল আসান্ হয়, বাবা !

প্র-পা । সাবাস্ ! সাবাস্ বাহাদুরী ! যাক্, যা থাকে কপালে ! এখন ঢাল—ঢাল মদিরা-মধু । মজুক্—মজুক্ অভাগা সিরাজ !

ন-পা । পথে এস, বাবা ! (সুরা ঢালিবার উপক্রম)

প্র-পা । (ত্র্যস্ত হইয়া) রও—রও—কে আসে ঐ ?

ন-পা । ( সুরাপাত্র যথাস্থানে রাখিয়া ) দেখো, বাপ্ ! চাল না বেচাল হয় ।

প্র-পা । বড়—কিছু ভয় নাই ।

[ মিরণের প্রবেশ ।

আঃ ! সেনাপতিপুত্র—তুমি ?—তুমি একা ? নবাব কোথায় ? যুদ্ধে জয় হ'ল ; সে বোকা সওকতজঙ্গ নিপাত গেল ; সেনাদল আমোদে মাতোয়ারা ; চারিদিকে জয়ধ্বনি—উল্লাসের রোল ! এমন একটা উৎসবের দিনে—কোথায় এ নবাব-শিবিরে, সুরা-সিকু-মস্থনে—লহরে লহরে শতশত রঙ্গময়ী ঘোড়শী মোহিনীর রূপের ফোয়ারা ছুটবে ;—আর আমরা তায় স্বর্গস্থখে হাবুডুবু খাব ! না—কোথা আজ ঠুঁটো জগন্নাথ হয়ে বসে !! না মরতে বুড়ো আলিবর্দি, এমন ছোকরা বয়সে—সেই সিরাজ হল কি ছুদিনে, বাপ্ !

মি । বৃদ্ধের অধম !!

প্র-পা । না বসতে মস্নদে, একেবারে এত মেজাজ গরম—ভাল নয় ।

ন-পা । ভাল নয়—তাঁত ঠিক । জাহান্নমে বাবার লক্ষণ ! তবে দেখা যাক, কতদিন—কতদূর আর চলে এই চাল ! ( পাত্রে সুরা ঢালিয়া মিরণের হস্তে প্রদান ) যাক—জাহান্নমে যাক পাগল সিরাজ । ধর, বন্ধু ! এস—নূতন স্বর্গের সৃষ্টি করা যাক ।

মি । ( সুরাপূর্ণ পাত্র হস্তে ধরিয়া )

দেখ দেখি—মন-বিমোহিনী রঙ্গময়ী  
 সুরা এই, সুরের বেহস্ত লয়ে, কিবা  
 ব্যঙ্গভরে করে টল্‌মল্‌ ! মূৰ্খ ঘেই—  
 নাহি ভজে সুরাদেবী । এস, দেবি ! পূজে  
 কৃতজ্ঞ এ ভক্ত তোমা প্রেম-ভক্তি-ভরে ।

ন-পা । ( পাত্রে সুরা ঢালিয়া ও ক্ষণেক হস্তে ধরিয়া )

হে সুরা-সুন্দরি ! চির-শক্তিময়ী তুমি,  
 বিধে—বিশ্ব-বিজয়িনী ! তোমার প্রবাহে,  
 ভাসি যায় কালে কত রাজ্য—কত জাতি ।

সিরাজ ত তুচ্ছ তৃণ !! ডুবায়ে অধমে  
 আবর্তে তোমার, দাও ভাঙ্গি বৃথা দর্প ।

যাক্—দাও ভাসিয়ে ছুনিয়া ! এস এবে  
 চুমিয়া তোমায়, করি শক্তি-আরাধনা ।

( পান করিয়া পাত্র রাখিয়া দেওন )

মি । হ'ও না অধীর এবে এই ভাবে । দেখি,  
 এই হাতে বাধা জল, গড়ায়—কোথায়—  
 কতদূরে ।

প্র-পা ।                      বালক যখন—সুরা-সরে,

নলিনী-ললনা-সঙ্গে, নিত্য নব-রসে

মরাল-মরালী-রঙ্গে দিয়াছে সাঁতার ।

ছুটিলে যৌবন-উৎস, হইলে নবাব—

ছিল আশা, দিয়া ঝাঁপ সুরা-সিঁদু-মাঝে,

রমণী-তরণি-বন্ধে ভাসিবে নিম্নত ।

অলীক স্বপন এবে !!

[ ত্রস্তাভাবে জনৈক পারিষদের প্রবেশ ।

পা । স্থির রও সবে ;

আসিছে নবাব ।

মি । কর সবে সংবর্দ্ধনা

বিজয়-উল্লাসে ।

[ পারিষদগণ ও পশ্চাতে রূজপালের প্রবেশ ।

( পারিষদগণ একস্বরে )

জয়—যুদ্ধে বৈরী-জয়ী

বঙ্গ-অধীশ্বর !

মি । জয়—জয়—জয়ী ভাবী

ভারত-ঈশ্বর !

সি । বঙ্গগণ ! এই জয়-

সংবর্দ্ধনা, চিরদিন করুক বিজয়ী

মোরে ;—জাগি স্মৃতি-পথে রহিবে সতত ।

মি । জাঁহাপনা ! অদর্শনে তব, ত্রিয়মান

বান্ধব-মণ্ডলী ।

সি । এবে, বঙ্গগণ, হও

আনন্দ-হিলোলে মত্ত । কর ইচ্ছা বাহা ;

নাহি দিব বাধা আজি বিজয়-উল্লাসে ।

(পারিষদগণ সম্মুখ)

জয়—বঙ্গ-অধীশ্বর ! ঢালয়ে মদিরা !—

মি। (সুরাপূর্ণ বোতল উর্ধ্বে ধরিয়া)

তুমি সুরা শক্তিময়ী ! সাজে কি তোমারে

ভঙ্গুর আধারে রুদ্ধ ? এই সুরা-উৎসে

মধুর লহর উঠি, দিক্ ভাসাইয়া

পলকে ত্রিলোক সহ ত্রিকালের স্মৃতি !

জয়—জয় বঙ্গের ঈশ্বর ! দাও খুলি

সুরা-শ্রোত ; ডুবাইয়া অবসাদ, বঙ্গে

এ সুধা-তরঙ্গ-ভঙ্গে, ভাসুক উথলি

শত স্বর্গ সুখের হিলোলে ।

(মিরণের হস্ত হইতে স্ফটিক আধার লইয়া, নবীন পারিষদ

কর্তৃক পাত্রে সুরা ঢালা)

প্র-পা।

দাও খুলি

রুদ্ধ শ্রোত ! ধরশ্রোতে ছুটি সুধা, দিক্

ভাসাইয়া এ ছনিয়া ! জয়—জয় বঙ্গ-

অধিপতি ! এস সবে ; জয়-গানে মাতি,

কামিনী-কমল-দলে পূজি রঙ্গময়ী

সুরাদেবী ।

ন-পা। (সুরাপূর্ণ পাত্র হস্তে ধরিয়া)

জয়—বঙ্গ-অধীশ্বর ! মাত'

সবে ; খুলিলাম রুদ্ধ মদিরা-মিষর ;—

ধারে ধারে সুধা-ধারা ছুটি, দি'ক খুলি  
বেহেস্ত বাহার ! ( সিরাজের সম্মুখে সুরাপাত্র ধরিয়া )

এবে, হে জনাব ! পিয়ে .

এ অমিয়া সুখ-সরে ভাসীও সবারে ;—

কুতার্থ হইয়া সবে করি জয়-গান ।

সি । দিয়াছি আদেশ—এই বিজয়-উৎসবে,

কর পান সুরা ; কর আনন্দ-উল্লাস ।

কিন্তু, কিন্তু - বন্ধুগণ ! কেমনে প্রতিজ্ঞা

লজ্জি, পরশে সিরাজ সুরা ?

ন-পা ।

জাহাঁপনা ।

শত্রুজয়ে—শুভদিনে, সুধাপানে চাই

এ সুখ-সাধনা ! ধর, প্রভু, সুধা-পাত্র ।—

সি । না, না—বন্ধুগণ ! স্বীর স্বর্গীয় নবাবে ।

হেরি—অই পবিত্র প্রেতাঙ্গা তাঁর, অন-

দাতা পিতা সবা'কার, দাড়ায়ে সম্মুখে -

করি ঘোর ভ্রুকুটি-ভং'সনা ! হেরি—অই

ইঙ্গিতে দেখান মোরে, রাজদণ্ড ধরি

রাজার কর্তব্য কিবা রাজ্য-সুশাসনে !

হেরি—অই বিকৃত বদনে—হের—হের—

দেখান আমারে, অতীতের সেই পাপ-

দৃশ্য যত বিভীষিকাময়—ধরি দীপ্ত

কবর-অঁধারে কি নরক ভয়ঙ্কর !!

না—না, মা স্পর্শিব কভু সে প্রতিজ্ঞা মম ;  
 মা স্পর্শিব কভু আর সুরা ॥ ভাঙ্গ—ভাঙ্গ  
 অই পাম-পাত্র;—কর চূর্ণ পদাঘাতে ;—  
 দাও—দাও জীহ্বারথে অদিরা-গব্বল ।

[ সবেগে প্রস্থান ।

( পারিষদের কম্পিত হস্ত হইতে সুরাপাত্র পতিত  
 হইয়া চূর্ণ হওন—স্তম্ভিত হইয়া সকলের  
 কণেক অবস্থান, )

রুদ্র । একি প্রহেলিকা !! কিঞ্চিৎ কি নবাব ? সেই  
 সুরা-নামে শিহরিয়া, একি বিভীষিকা  
 করে দরশন !

( স্বগত ) যাও, মূঢ় ! হেরিতেছ  
 কালের করাল ছায়া ! পলাবে কোথায় ?  
 কাল আমি শিয়রেতে আছি দাঁড়াইয়া ।

[ প্রস্থান ।

মি । ( স্বগত ) অমৃতে অরুচি যার, ক'দিন জীবন  
 তার ? সাধ—ভণ্ড শঠ আলিবর্দী হতে !  
 ধরি রাজদণ্ড, করি স্পর্ধা, করে মূর্থ  
 অবজ্ঞা সবারে ! নাই বিলম্ব অধিক ।  
 রুদ্রপাল কুট-বুদ্ধি-প্রভাব-প্রবাহে,  
 পারে ভাসাইতে আরঞ্জেব ঐরাবতে ;—  
 তুই ত সিরাজ—রুদ্র ভেক । বাবি ভাসি  
 ছিন্ন তুণ মম । সাধে কুকুর অধম





চ । অতীত—কঙ্কাল-রাশি । কিন্তু, উগ্রদেব,  
ছায়ামাত্র—ভবিষ্যৎ !

উ । আশা —ভবিষ্যৎ ;  
যন্ত্রণা—অতীত ।

চ । কিন্তু, ভ্রাতঃ, প্রতিষ্ঠিলে  
ভবিষ্যৎ—অতীতের মহত্ব-ভূমিতে,  
হয় ভিত্তি দৃঢ় অতি ।

উ । বুঝলাম—চিন্তা  
তব, চণ্ডদেব ।

চ । কিন্তু বুঝ নাই, ভ্রাতঃ,  
ভবিষ্যৎ কিবা ।

উ । আজি সে তৃতীয় সন্ধ্যা ;  
অচিরে যাইবে জানা কিবা ভবিষ্যৎ ।

চ । মহাকাল-বন্ধ খুলি, করিতে দর্শন  
ভারত-ভবিষ্য-ভাগ্য, তিন দিন নয়  
মহাযোগে গুরুদেব । তিন দিন নহে  
উদিত তপন ! রুদ্ধ-শ্বাস চণ্ডাচর  
দাঁড়ানে স্তম্ভিত ! কিবা ভারত নিয়তি  
করিতে শ্রবণ, অই প্রশ্রবণ নাহি  
ছুটে আর,— নাহি বহে স্তব্ধ সমীরণ ।  
নিস্তব্ধ নির্ঝাক বসি, শাখে শাখীকুল ;

কুরঙ্গ-নিকর ভুলি খেলা, উর্দ্ধমুখে  
আছে দাঁড়াইয়া । স্তব্ধ সব—শব্দহীন !  
প্রলয়ের পূর্ব-শান্তি বিরাজে কেবল !

উ । সত্য, চণ্ডদেব । ঘোর জলদ-মণ্ডলে,  
ব্যাপ্ত ব্যোমদেশ । বিদারিয়া মাঝে মাঝে  
কাদম্বিনী-কায়া, ছায়া—সুবিকট ছায়া—  
ছুটিয়া পলায় । স্তব্ধ বসুন্ধরা, হেরি  
বিভীষিকা ছায়া ॥

চ । নহে প্রসঙ্গা ভবানী ।

তাই অন্ধকার ; বুঝি, আরো অন্ধকার  
ভারতের ভবিষ্যৎ ! তাই গুরুদেব  
অকাল-বিপ্লব ভাবি, আকুল চিন্তায় ।  
তাই স্তব্ধ চরাচর !

উ । জগদম্বে ! এই

বাঞ্ছা তব ? গেছে ধর্ম ; গেছে জাতি ; গেছে  
কুল-মান ; জন্মভূমি হয়েছে অশান !  
ভারত-সন্তান মৃত প্রাণ শব-রাশি !—  
যবন-শৃগাল পাল্পে পালে, স্তব্ধ অস্থি  
করিছে চর্ষণ । আর্য্যজাতি এ দুর্গতি,  
অহো ! কতকাল আর হেরিবি, জননি ?

চ । হা জননী জন্মভূমি ! বিদরে হৃদয়,  
হেরি তব স্রষ্ট্রামলা স্রজলা স্রফলা

শোভা—এবে মহামরু-বালুকার লীলা !—

মৃগ-তৃষ্ণিকার মরে ভারত-সন্তান ।

( সহসা মেঘগর্জন )

উ । কি ভীষণ মেঘের গর্জন ! হেরি এই

মূর্তি প্রকৃতির, প্রাণ উঠিছে শিহরি !

চ । আসে বৃষ্টি, ঝঙ্কাবাত বজ্রাঘাত সহ !

উ । লইগে আশ্রয় চল কৈরব-গুহার !

[ উভয়ের দ্রুত প্রস্থান ।

( ঘোর শব্দে ঝড় ও বৃষ্টি ) ।

[ ব্রহ্মচারীর ধ্যানভঙ্গ ও গুহা বহির্ভাগে আগমন ।

ব্র । ( দীর্ঘনিশ্বাস ফেলিয়া )

ভয়ঙ্কর ভবিষ্যৎ !! ভাগ্যদেব-করে,

ভারত-নিয়তি-চিত্র অতি ভয়ঙ্কর !!

উঠে ঘোর ধূমরাশি ; মাঝে তার বসি

ভারত-জননী একা ।— সর্বঅঙ্গ ক্ষত,

বহে রুধিরের ধারা ! ভয়াল শৃঙ্খাল

পড়ি পার্শ্বে—ছিন্নদেহ ! স্বেচ্ছ কেশরী

এক, লোল রসনায় করিছে লেহন,

ক্ষত অঙ্গ জননীর ! অহো ! বুঝিলাম

ভাগ্য তব, জন্মভূমি !

( ক্রমে ঝড়-বৃষ্টি মন্দীভূত হওন )

## প্রথম অঙ্ক ।

মাতঃ জগন্ময়ি !

একি এ বিধান ! এই কি বাসনা তব,  
ভারত-জননী—ধন-ধাত্ত-বহুময়ী—  
ধূমাবতী-রূপে কি মা হবে পরিণত ?  
ধ্বংস-স্তূপ অট্টালিকা সম, অতীতের  
গৌরব প্রকাশি, রবে পড়ি এ ভারত  
পশুর আবাস হ'য়ে ? না আগাবে যদি  
নিদ্রিত এ জাতি, সংহারিণী তুমি, মাতঃ !  
কর লয় এ ভারত প্রলয়-প্লাবনে ।

( গুহামধ্যে সহসা ঘোর বজ্রনাদ ও অপূর্ণ আলোক-  
বিকাশে দেবী কালিকা-মূর্তির আবির্ভাব ;  
গুহাঘারে করঘোড়ে ব্রহ্মচারীর শুভিত  
ভাবে অবস্থান । )

( গুহামধ্যে দৈববাণী )

“কেন বৃথা অবসাদ তব, হে ধীমান্ !  
হিন্দু-সূর্য্য কবলিত, যবন-জলদে ;  
সুহৃন্তর সিদ্ধু-পার হতে, অভিন্নর  
জাতি এক—নব-শক্তি-বলে পশি হেথা,  
অতি ভীম প্রজ্ঞান-প্রভাবে অচিরে,  
যবন-জলদ-জাল দিবে উদ্ধারি ;  
হবে দূর অন্ধকার, পাশ্চাত্য আলোকে ।

তুলিয়াছ শিক্ষা, দীক্ষা, ধর্ম, জাতি-মান ;  
 নব-বলে বলী-সেই শ্বেত মহাজাতি,  
 শিখাইবে শক্তি-পূজা—জাতীয় সম্মান ।  
 এ বিশ্ব হইবে মুগ্ধ হেরি—বৈদেশিক  
 শক্তি-মন্ত্র-মহত্ব-প্রভাবে—একীভূত  
 সমগ্র ভারত এক জাতীয় বন্ধনে ।  
 সে পাশ্চাত্য নব মহাজাতি-অভ্যুদয়ে  
 হেথা, মৃতপ্রায় এ প্রাচীন প্রাচ্যজাতি  
 হবে সঞ্জীবিত—পুনঃ নব অভ্যুদয়ে ।  
 নব-রাগে নব-ভানু ভাতিবে আবার,  
 আচ্ছন্ন ভারত-নভে । দূর ভবিষ্যৎ,  
 কহিলু তোমায়ে ।”

ব ।

( প্রণিপাত করিয়া )

কৃপা করি কহ দাসে,  
 কৃপাময়ি ! কোন্ মহাক্ষেত্রে ধর্মক্ষেত্রে,  
 শক্তি-বীজ পুনঃ, মাতঃ, হইবে সঞ্চার ?

( গুহামধ্যে পুনঃ দৈববাণী )

“অদূরে পলাসী-ক্ষেত্র ; যবন-রুধির  
 করিবে উর্বর সেই ভূমি । মহাক্ষেত্রে  
 সেই, যেই শক্তিবীজ হইবে সঞ্চার,  
 পাশ্চাত্য প্রভাব-বলে হইয়া রক্ষিত—  
 কালে, পূর্ব-মহিমা, মহীকূহে পুনঃ

হবে পরিণত—ব্যাপ্ত করিবে ভারত ।  
 হে ধীমান্ ! ত্যজি অভিমান, মহোল্লাসে,  
 ভারত-মঙ্গলে, বৈদেশিক শক্তি সেই  
 কর আবাহন ।”

[ সহসা আলোক সহ দেবীমূর্তির তিরোধান ।

ব্র । ( দণ্ডায়মান হইয়া করবোধে )

মাতঃ ! সকলি তোমার  
 ইচ্ছা । কি বুঝিবে মূঢ় এই, লীলা তব,  
 লীলাময়ি ? এক চক্ষে তুমি মা হাসাও ;  
 কাঁদাও তুমিই পুনঃ আর চক্ষু দিয়া !  
 জ্বল' তুমি কাল-চিতা শক্তির আবাসে ;  
 ফুটাও আবার তুমি ফুল পারিজাত,  
 ভীষণ শ্মশানে ! ভুলি হৃদয়-বেদন—  
 লৌহের নিগড় ভাঙ্গি, পরিব চরণে,  
 আদেশে তোমার, মাতঃ, স্রবর্ণ-শৃঙ্খল

[ চণ্ডদেব ও উগ্রদেবের প্রবেশ ।

উভয়ে । ( প্রণিপাত পূর্বক সমস্বরে )

কতদিনে—গুরুদেব ! কতদিনে হবে  
 যবন-নিপাত ?

ব্র ।                      এবে যবন-নিপাতে;

নাহি হবে ভারত-উদ্ধার ।

চ।

তবে, দেব !

যবন-বর্ষরূপদ-দাপে, লুপ্ত হবে

আর্য্য-মহাজাতি ?—এই কি সে ভবিষ্যৎ ?

উ।

হা ধিক্ ! অধর্ম্ম-জয়—এই কিগো, প্রভু,

বিধাতা-বিধান ?

ব্র।

নহে বিরূপ বিধাতা

হেরিলাম কাল-গর্ভে অদৃষ্ট-ফলকে—

তীষণ শৃগালে নাশি, ভারত-ভূষণ

ধরেশিরে খেত এক সিংহ মহাকার ।

উ।

যতোধর্ম্মন্ততোজয়—মহা-ধর্ম্ম-বাণী,

তবে কি, জননি, বিপর্য্যয় আর্য্য-

জাতি-নাশে ?

চ।

হা ধিক্ অদৃষ্ট ! বধি ধ্বজ

যবন-শৃগালে, মাতঃ, ব্রিটিশ-কেশরী

বসিবে ভারত-বক্ষে—দৃপ্ত দন্ত-বলে ?

[কৃষ্ণবল্লভের প্রবেশ ও অগ্নিপাত করিয়া পার্শ্বে দণ্ডায়মান ।]

ব্র।

এস হে কুমার ! এবে, চণ্ডদেব, কর

আহ্বান ভৈরব-দলে—ভবানী-পূজায় ।

( চণ্ডদেব কর্তৃক উচ্চ শব্দনাদ )

[ কণ-বিলম্বে চতুর্দিক হইতে ভৈরবদলের প্রবেশ । ]

ভৈ-দ।

( সকলে উচ্চে সম্মুখেরে )

জয়—জয় জয়দেবে ! জয় গুরুদেবে !

( সকলে ব্রহ্মচারীকে প্রণিপাত পূর্বক

ভবানীর উদ্দেশে প্রণাম করিয়া )

জয় মা ভবানি ! কর যবন নিপাত ।

ত্র। গুন, বৎসগণ ! ক্ষেত-জাতি-অভ্যুদয়ে,

যবন-পতন ঘুরা । ধরিবে সে জাতি

ভারতের রক্তদ্রুণ—ভারত-মঙ্গলে,

ভবানী আদেশে । সেই মহাশক্তিশালী

জাতি ধরি দীপ এ অঁধারে—উদ্ধারিবে

নষ্ট-জ্ঞান-মণি ; শিখাইবে শক্তিপূজা।

পতিত ভারতে,—জাগাইবে জাতিগত-

প্রাণ মৃত জাতি-হৃদে । লভিবে ভারত

সে পূর্ব-গৌরব মহা—পুনঃ অভ্যুদয়ে ।

এই অধীনতা-তমে, শাস্তির ছায়ায়,

যেই শক্তি-প্রদীপ্ত-প্রভায় দীপ্ত হবে

এ ভারত, হবে ধন্য পতিত এ জাতি ।

মহাশক্তি-মহাদেশে, জননী-পূজায়,

পুল্লগণ, বৈদেশিক নব শক্তি কর

আবাহন ; হবে কালে ভারত-মঙ্গল ।

যাও সবে, পূজ আজি মায়ে মহোৎসবে ।

ভৈ-দ । জয় গুরুদেব ! হবে ভারত-মঙ্গল ।



ব্র । শুনিলে, কুমার ! এবে কহিও সভায়,  
 গুপ্ত-ইষ্ট সবাচার হইবে সাধন ;  
 অচিরে পাইবে সবে সাক্ষাৎ আমার ।

কৃ । কৃতার্থ কিঙ্কর । হবে কৃতার্থ সে সভা,  
 শ্রীপদ-পরশে ।

ব্র । চল, বৎসগণ ! ত্যজি  
 বর্তমান—অরি দূর ভবিষ্য-ভারত-  
 মঙ্গল, পূজিগে মায়ে ।  
 ( সকলে সমস্বরে ) জয় জগদম্বে !

[ সকলের প্রস্থান ।

# দ্বিতীয় অঙ্ক ।

প্রথম দৃশ্য ।

স্থান—আজিমগঞ্জ রাজা রুদ্রপালের অট্টালিকা—মহলাগার ।

সময়—নিশীথ রাত্রি ।

---

রুদ্রপালের ধীরে পাদচারণ ।

রু। মূলমন্ত্র—উচ্চাকাঙ্ক্ষা । উচ্চাকাঙ্ক্ষা-বলে  
ক্ষুদ্র হয় স্রব্ধং । কিন্তু, নাহি এই  
আকাঙ্ক্ষার শেষ । মিটে বত আশা, বাড়ে  
তত সীমা ; দেখাইয়া দেয় দূরে—দীপ্ত-  
রত্ন রাজদণ্ড ! কিন্তু পথ সুছর্গম  
অতি ! জলে কোথা ঘোর উত্তপ্ত বালুকা—  
জলন্ত অঙ্গার সম ! নররক্ত ঢালি,  
নাশিলে উত্তাপ সেই, তবে হয় সাধা  
ক্রমে পছা অতিক্রমে । কোথা স্থানে স্থানে,  
কি তুল'জ্য গভীর গহ্বর তমোময় !  
নরভালে পুরি' সে গহ্বর, অস্থি জালি'  
সে আঁধারে, হয় সাধ্য হ'তে অগ্রসর

এ দুর্গম পথে । এই পথে—পদে পদে  
 হস্ত-পদ হয় তপ্ত-রুধির-রঞ্জিত !!  
 দুর্বল-হৃদয় কাঁপে হেরি রক্ত-লীলা ;—  
 বলি’—মহাপাপ, উঠে আতকে শিহরি !  
 কোথা পাপ ?—পাপ-পুণ্য স্বরগ-নরক,  
 কিছু নয়—কিছু নয়, - মনের বিকার !  
 ক্ষুদ্রাশয় ভীরু কাঁপে ; কাঁপুক’ সে ভয়ে ।  
 এই শক্তিশালী হৃদি, ভ্রমে উচ্চাকাঙ্ক্ষা-  
 পথে, পদাঘাতে করে দূর পাপ-পুণ্য—  
 অলীক-স্বপনে !

( কণেক স্থিরভাবে দাঁড়াইয়া )

কই, না আসে এখনো  
 জয়মল ? ক্রমে নিশা অবসান-প্রায় !  
 অপূর্ব সন্ন্যাসী এক, শুনি, রাজনীতি-  
 গুরু রাজদ্রোহীদলে ! শেঠের ভবনে,  
 বসিয়াছে গুপ্ত সভা কোশল বিস্তারি ।  
 দেখি—চক্রীদল আজি চরম সিদ্ধান্তে  
 কোথা হয় উপনীত ।

( বিরক্ত ভাবে ) কোথা জয়মল ?

না বুঝে নির্বোধ এই হৃদয়-উদ্বেগ ।

( দ্বারোদঘাটন শব্দ শুনিয়া )

এই আসে জয়মল—( দ্বারদেশে অগ্রসর হওন )

## দ্বিতীয় অঙ্ক ।

মহামারার প্রবেশ ।

( সবিস্ময়ে পিছাইয়া ) তুমি !!—তুমি কেন ?—

ম । পত্নী তব—কেন না আসিবে ?

ক । হেথা নয় ।

ম । স্বামী গৃহে সর্বস্থানে, আছে মম সম-  
অধিকার । হেথা তুমি ; কহ, কেন তবে  
না আসিব, রাজা ?

ক । এই স্থান নহে যোগ্য

তব, রাণি ! যাও নিজ স্থানে ।

ম । পতি যেথা,  
পত্নীর অধোগ্য কভু নহে সেই স্থান ।

ক । প্রিয়তমে !—

ম । কেন, রাজা, না ঘুমাও ? হের—  
রাত্রি অবসান ! কেন পাপ-চিন্তা-বিষে  
জর্জরিত, রাজা ?

ক । রাজনীতি-মার্গে, রাণি,  
ভ্রমি অহর্নিশি ; কহ, কেমনে ঘুমাই ?

ম । ভূলাও আমারে কেন ?

ক । তোমারে ভূলাই ?—

কেন মিথ্যা বল, রাণি ? রেখেছ ভূলায়ে  
কারে, দুঃখ-পোষ্য শিশু লম্ব, এই দীর্ঘ  
দ্বাদশ বরষ । পরিলীলা পত্নী তুমি

কিন্তু—কিন্তু নাহি মোর অধিকার,—নাহি  
সাধ্য, করি স্পর্শ কভু আপন ভার্যায় !

ভাব এ প্রভাব মম । হ্রস্ব নবাবে  
রাখি করতলে এই ; “হৃদ্যাস্ত ভূষামী-  
দল লুপ্তে পদতলে—ডরে মোরে সদা  
শার্দূল সদৃশ ! কিন্তু, অঙ্গুলি-চালনে  
তব, মন্ত্রমুগ্ধ বিষহীন অহি ধখা,

সভয়ে লুকাই ! ধন্ত তব ইন্দ্রজাল !!

বাক্—এস, প্রিয়ে !—এস, মিটাও এ তৃষা ।—

( বাহু-প্রসারণে ধরিবার উপক্রম )

ম । ( পশ্চাতে হটিয়া ও দক্ষিণ হস্ত তুলিয়া )

সাবধান—সাবধান, রাজা ! নহে পূর্ণ

দ্বাদশ বৎসর ।

[ প্রহান ।

ক্ল । ( সবিস্ময়ে সসঙ্কোচে ) একি ঘোর প্রহেলিকা !!

জ্ঞানে এই মহামায়া মায়াবিনী-মায়া ;

আসে যায়—রাখে মোরে মন্ত্র-মুগ্ধ সদা ।

এ নারী-ক্রোধে, কেন হই দিশাহারা ?—

কেন কাঁপে হিয়া ?—হই স্তম্ভিত নির্ঝাঁক !

ভাবি হেন দুর্বলতা আপনি বিস্মিত !

দলি নিত্য স্নেহকোমল কামিনী-কুসুম,

এ হৃদয়-কঠিনতা করেছি সাধন ;

## দ্বিতীয় অঙ্ক ।

কেন তবে চক্রনাথ-কন্যা-ভয়ে, স্বতঃ  
লুকাই সে কঠিনতা,—সহি স্পর্ধা এত  
তার ? সাবধান মহামায়া । ভাবিও না—  
ভাবিও না এ হৃদয় প্রণয়-কাতর ।  
সুখু বালা-স্মৃতি—সেই প্রণয়-স্বপন,  
জাগে হৃদে অলক্ষিতে —নিরখিলে অই  
মোহিনী-মুরতি ।—করে মোরে দিশাহারা !  
না পারি দলিতে তাই ও কম-কুসুমে ।

[ জয়মলের প্রবেশ ।

জয়মল ?—

জ । আসিয়াছে দাস ।

রু । অবসান

এ শরীরী । রে নির্ঝোঁধ । নাহি ভাব' এই  
হৃদয়-উদ্বেগ ?

জ । দাস গিয়াছে যখন,  
প্রভু-কার্য্য না উদ্ধারি—কভু না ফিরিবে ।

রু । উত্তম । পাইবে যোগ্য পুরস্কার, জয় !  
কহ বিবরণ ।

জ । ছিন্ন শেঠের ভবনে  
ছদ্মবেশে লুকাইয়া । নিমন্ত্ৰণ-হলে,  
একে একে এ নিশায়, হ'ল উপনীত  
রাজদ্রোহী দল ; এল ব্রহ্মচারী এক—

সহ এক ভৈরব ভীষণ । হল বাদ-  
বিতর্ক কতই । শেষ সিদ্ধান্ত তাহার,  
আহ্বানি ইংরাজ দলে বধিবে নবাবে ।  
সেনাপতি মির্জাফর না করিবে রণ ;  
বিনা রণে, হবে শ্বেত-ইংরাজ বিজয়ী ।  
ইংরাজের রক্ষাধীনে, বৃদ্ধ মির্জাফর  
হবে বঙ্গ-অধীশ্বর । হইল মীমাংসা,  
প্রভু, যাবে দূত দ্বারা ইংরাজ-আহ্বানে ।

রু । উত্তম এ, জয়মল !

জ । কিন্তু —

রু । কিন্তু কিবা ?—

জ । দুষ্ট ভূমিপাল-দল চাহে, প্রভু, প্রাণ-  
দণ্ড তব ; কিন্তু, চির-কারাবাস হ'ল  
শেষে স্থির—ব্রহ্মচারী-আদেশ রক্ষায় ।

রু । উত্তম—উত্তম অতি । কহ, জয়মল !  
হেরিলে কিরূপ সেই ব্রহ্মচারী ?

জ । প্রভু,  
পশ্চিম আকাশে যথা শান্ত তেজঃপুঞ্জ  
দীপ্ত দিনকর ! দীর্ঘাকার, উচ্চ শির—  
হিমাঙ্গ-শিখর । বৃষ্টি—জ্ঞানপূর্ণ—পূর্ণ  
রাজনীতি ; পণ্ডিত এ ব্রহ্মচারী । হেন  
অদ্ভুত সন্ন্যাসী, প্রভু, হেরি নাই কভু ।

রু। করগে বিশ্রাম, জয়মল !

[ অভিবাদন পূর্বক জয়মলের প্রস্থান ।

কেবা এই

ব্রহ্মচারী ? সর্বত্যাগী সংসার-বিরাগী  
 যোগী, রাজনীতি-মার্গে কি ফল লভিবে  
 পশি—মিশি রাজদ্রোহী-দলে ? ছদ্মবেশী  
 নিশ্চয় সন্ন্যাসী । যাঁক, বুঝিলাম এবে  
 চক্রীদল-অভিসন্ধি ; বুঝিলাম ভাগ্য  
 মম । ভীকু ফেরুপাল চাহে মম প্রাণ !—  
 অলীক স্বপন ! রহ—রহ—মূঢ়গণ !  
 কর পস্থা নিষ্কণ্টক মম ; বধ' অই  
 নবাব সিরাজে । তার পর, হবে সিদ্ধ  
 মনস্কাম মম । তার পর—তার পর—  
 লুঠিবে ভূতলে ছিন্ন মুণ্ড সবাকার ।

[ প্রস্থান ।



কপালিনী ।

## দ্বিতীয় অঙ্ক ।

দ্বিতীয় দৃশ্য ।

স্থান—আজিমগঞ্জ—রাণী মহামায়ার আশ্রম  
সময়—সন্ধ্যা ।

উন্মত্তভাবে সমরলালের প্রবেশ ।

স। এই ত আশ্রম সেই । কোথা সর্বনাশী ?  
হের রে রাক্ষসি ! করেছিস্ কি হৃদশা  
ভয়ঙ্কর এই ! হের—হেরিয়া আমায়,  
হাসিছে সংসার হা-হা ঘোর অট্টহাসি !  
হয়ে দিশাহারা, লজ্জি হুলস্থল প্রাচীর,  
আইলু ছুটিয়া, কই—না পাই হেরিতে !  
আকাশে চন্দ্রমা—অই কোটি কোটি কত  
সুদীপ্ত তারকা, কেন তবে রস্কর  
অন্ধকার এত ? যায় প্রাণ,—কিছু নাহি  
চায় অন্ধ এ উন্মাদ ; এসেছে হেথায়,  
একবার শেষবার হেরিতে, পাষাণি,  
পাষাণ-হৃদয় তোর ।

( মন্দির মধ্যে ঘণ্টা-ধ্বনি )

শুনি ষষ্ঠী-ধ্বনি,  
 কেন হিয়া যুগপৎ উঠিল কাঁপিয়া ?  
 কাঁপিল বসুধা ! হল চূর্ণ এ নিষেধে,  
 যেন এ জগৎ—অন্ত জগৎ-ঘর্ষণে !!  
 কেন বা আইলু হেথা ?—গত কত কাল—  
 এতদিনে পরিণত পাষাণে সে হৃদি ।  
 কাজ নাই হেরি ; দেশ-দেশান্তর ঘুরি,  
 জলধি-কল্লোল-তানে, গাইব শৈশব-  
 গাথা—মরমের জালা ! যাই—দেখি যাই,  
 কে আছে মন্দিরে অই ।

( অগ্রসর হইয়া রুদ্ধ মন্দিরদ্বারে আঘাত করণ )

( নেপথ্যে )                      কে তুমি ?—

স ।

কে আমি ?—

না জানি কে আমি ! নর কি রাক্ষস—কি দ্বা  
 কিবা আমি, থাকে যদি হিয়া—বাহিরিয়া  
 হের একবার ।

( বৃক্ষতলে আসিয়া দণ্ডায়মান ও দ্বারোদঘাটনে  
 মহামায়াকে দর্শনে বিশ্বমোহনভাবে )

একি ! একি সে পাষাণী !!

এ যে জ্যোতির্ময়ী দেবী-মূর্তি !! তেজে আঁখি  
 গেল জলি ! কোথা মোর মহামায়া ? যার—

## কপালিনী ।

জলি যায় হিয়া ! থাক,- জলুক-জলুক  
এ বিশ্ব-সংসার !!—

[ আছাড়ি পতন ও মূর্ছা ।

[ মন্দির-বহির্ভাগে মহামায়ার আগমন ।

ম। ( সবিস্ময়ে চাহিয়া ) কেবা এ নাম উচ্চারি,  
পড়িল চিৎকারি !

( মূর্ছিত সমরলালকে দেখিয়া ও তনিকটবর্তী হইয়া )

এ কে ?—উন্মাদ !—সমর !!

শৈশব-স্বপন, ভ্রান্ত, নহ কি বিস্মৃত ?

( ক্রণেক স্তম্ভিতভাবে দাঁড়াইয়া )

এ ভাবে এ বেশে কভু প্রবেশ হেথাব,  
পুরুষে সঙ্গত নয়। চলিলাম। কিন্তু,  
ফেলিয়া মূর্ছিতে হেথা কেমনে বা যাই ?  
যাক, আনি স্নিগ্ধ বারি ।

[ মন্দিরাত্যন্তরে গমন ।

[ দ্রুতপদে কপালের প্রবেশ ।

রু। ( চতুর্দিকে চাহিয়া ) বাহির হইতে  
শুনিলু চিৎকার ! নাহি কার অধিকার,  
পশে এ আশ্রমে ।

( পতিত সমরলালকে সহসা দেখিয়া সবিস্ময়ে )

এ-কে !!—মৃত না মূর্ছিত ?

বাতুল-আকার নয় !! রহস্ত বিষম

নিহিত নিশ্চয় আছে । কোথা মহামায়া ?

সাবধান—মহামায়া ! দেবী সম জ্যোতা

দি'ছি অধিকার । ভাবি'দেবী, রহি দূরে

সশক্তিতে—চাপিয়া এ হৃদয়-লালসা ।

কিন্তু, হলে প্রতারিত—

( জলপাত্র হস্তে মহামায়াকে মন্দিরদ্বারে দেখিয়া )

না-না,—না সম্ভবে

প্রতারণা এ ললনা-হৃদে কভু । থাকি

অন্তরালে, দেখি কিবা অভিনয় ; যদি

হই প্রতারিত—রাখি ছুরিকা জাগ্রত !

[ ছোরা খুথিয়া অন্তরালে গমন ।

[ মহামায়ার পুনরাগমন ও সমরলালের মুখে জল-সিঞ্চন ।

স । গেছি ঝলসিয়া !! ছুটে—শিরায় শিরায়—

বজ্রাঘ্নি প্রবাহ !! জলে হৃদে—চিতাশিখা !!

ম । ( জল সিঞ্চন করিতে করিতে )

সমর !—সমর !—

স । ( সচকিতে দাঁড়াইয়া ) তুমি ?—কে তুমি, রমণি ?

কি হেরি এ স্বপ্ন-ঘোরে ! কোথা মহামায়া ?

ম । মৃত্যু তব মহামায়া ।

স । কিবা এ নিরথি ?

ম । ছায়া ! ছায়া তার, হের, আছে দাঁড়াইয়া ।

স । দাঁড়াইয়া মৃত্যু-রূপে মোর ?

## কপালিনী ।

ম ।

মহে-মৃত্যু ;

দাঁড়াইয়া—দিতে নব-জীবন তোমায় ।

স । না চাহি জীবন । হাঁ-হা ! জীবন—যজ্ঞাণা !—  
আশা-মরীচিকা ! থাকে হৃদি—দেহ মৃত্যু ।

ম । পবিত্র এ স্থান ; ত্যজ কাঁতুল-বাসনা ।

স । কতু অপবিত্র নহে এই প্রাণ । কোথা  
স্থান ? দিয়া স্থান, দেখ—কে লয়েছে কাড়ি !

ম । কি চাহ, সমর ?

স । জলে হিয়া অবিরাম ;—

কামনা-প্রার্থনা আর নাহি পায় স্থান !

ম । শাস্তি যদি কামনার—কেন এ চিৎকার ?  
কেন আপনার মন না বুঝ আপনি—  
ভ্রান্ত তুমি ? যাও, চলিলাম—নহে এবে  
সাক্ষ মোর পূজা ।

( প্রস্থানোত্তত )

স ।

না-না, ক্ষণেক দাঁড়াও ;

সাক্ষ করি পূজা মোর আগে, বলিদানে  
এ ছার জীবন—অই পাষাণী চরণে ।

ম । নাহি কি হৃদয় মম ?

স

নাহি রমণীর

হিয়া ! মুক্তকণ্ঠে বলি, গগন বিদারি—  
নাহি ও পাষাণী হিয়া !

ম।

সমর !—সমর !—

নিজ ভাগ্য-দোষে, কেন বৃথা হুঁস' মোরে ?

স। কেন—কেন হুঁসি ? আরে—আরে রে পাষণি !

কে করিল এ হৃদশা মম ? কেন মোর

শৈশব-আকাশ, করেছিলি দীপ্ত—দীপ্ত

ঋবতারা সম ? কেন কৈশোর-হৃদয়ে,

ফুটন-উন্মুখ যুথিকাব মধু-হাসি

করিলি বিকাশ ? কেন এ হৃদি-দর্পণে,

ও দেবী-প্রতিমা-মূর্ত্তি করিলি বিস্থিত ?

কেন আজি এ বঞ্চনা ? দেখায়ে আলোক,

কেন চির-অন্ধকার ঢালিলি এ হৃদে ?

কেন অন্ধকার ঢালি, কাল-সর্পিণীর

দংশন ভীষণ এই ?

ম।

নিরোধে নিতান্ত

তুমি। নিজ দোষে তাই হুঁসিছ আমার।

দ্বাদশ বৎসব ধবি, কি কঠোর ত্রতে

বিচূর্ণ করেছি হৃদি—জানে অন্তর্য্যামী।

নাহি আর মহামায়া। যাও ভুলি পূর্ব্ব-

স্মৃতি ; ফেল মুছি সেই বালা-প্রতিবিম্ব,

ও হৃদি-দর্পণ হতে।

স।

কেমনে মুছিব ?—

সে ত মুছিবান্ নহ্ন ! গুণানে এ দেহ

যবে হবে ভস্মীভূত, এতি অণু সনে  
সেই স্মৃতি রবে প্রজ্জলিত !

ম ।

কর দূর

কল্লনা-ছলনা । দূত কর মন, যাবে  
ভুলিয়া স্বপন ।

স ।

সে ত ভুলিবার নয় ।

ভুলিবার তরে, ত্যজি স্বজন স্বদেশ,  
ভয়ে দূর দক্ষিণাত্যে করি পলায়ন ।  
ভুলিব ভাবনা ভাবি রণরঙ্গে, দীর্ঘ  
বর্ষ ছয় রণাঙ্গণে করেছে যাপন ।  
যবন-রূপাণ দৌণ্ড—কৃতান্তের সম,  
উঠিয়াছে ঝলসিয়া মস্তক উপরে,—  
হেরেছি নয়নে অই মোহিনী-মুরতি !  
পড়িয়াছে শত্রু-অসি বক্ষের উপরি—  
দেখ এই অস্ত্র-লেখা,—বলি ‘মহামায়া’  
পড়েছি চীৎকারি ঘোর অশ্ব-পৃষ্ঠ হতে  
নারিনু ভুলিতে, তাই ত্যজিনু সৈনিক-  
ব্রত ; হরে আত্মাহারা ভ্রমিনু ভারত ।  
ভ্রমি তীর্থ যত—ভ্রমি গিরি-শৃঙ্গ, নদী-  
মূল, অকূল জলধি-কূল, কাঁটাইনু  
পঞ্চ বর্ষ । উন্মাদের সম হাহাকারি

অবিরাম, ঘুরিলাম শ্মশান-শ্মশান  
কত । স্মৃতি-জালা তবু নহে নির্দোষিত !!

ম । নহে ক্ষুদ্র বীর-হিয়া । ত্যজ ভ্রম ; মিছা  
মোহে কর পদাঘাত । তাজি স্বার্থ-প্রেম—  
বিশ্ব-প্রেম কর পূজা ।

স । প্রেম কিবা আর ?—  
সেই স্মৃতি মাত্র সার । সেই স্মৃতি-পূজা—  
আত্ম-বলি-দানেক মোর প্রেমের সাধনা ।  
কি বুঝিবি এ পূজা, পাষণি ?

ম । পূজা তব  
বুঝিবার, নাহি আর অধিকার মম ।  
নিষ্ঠুর সময় ! চাহ—জ্বালিতে বাসনা-  
বহ্নি এ অবলা-হৃদে ? জানেন দেবতা—  
সাক্ষী এই জগৎ-সংসার, আমা হ'তে  
পাছে, হয় সংবর্দ্ধিত পাপ-ভার তব,  
সেই ভয়ে এ হৃদয় করেছি দলিত ।—  
করেছি বিদগ্ধ মহা মরুভূমি । সেই  
ফুল রঙ্গময়ী উল্লাসিনী কল্লোলিনী  
জীবন-তটিনী । হায় ! স্বার্থপর তুমি,  
নিদ্দিছ আমারে তাই ।

( কণবিলম্বে দীর্ঘশ্বাস ফেলিয়া )



## কপালিনী

প্রবেশিতে হেথা

পুরুষের নাহি অধিকার ; যাও, ভ্রান্ত !—

যাও, আসিও না আর কভু এই পথে—

বিভ্রম-প্রমাদে ।

[ প্রস্থান ।

স । (মহামায়ার প্রস্থানে ক্ষণেক সেইদিকে দৃষ্টিপাত করিয়া)

লক্ষ্যহীন এ জীবন,

কেন না ত্যজিছু দেবী-পাষাণী-চরণে ?

হইত নিৰ্বাণ হৃদে জলন্ত অনল ।

ভাঙ্গিল স্বপন এবে । যাই ;—কিস্তি কোথা

যাই ?—কোথা পাব ঠাই ? বন্ধন-বিচ্যুত

কক্ষ-ভ্রষ্ট গ্রহ সম, পারি না ঘুরিতে

চিরদিন ; কতদিনে আর, মহাশূণ্ডে

হইব বিলীন ?

[ প্রস্থান ।

[ অন্তরাল হইতে কল্পপালের পুনরাগমন ।

ক ।

হেরিলাম অভিনয় ;

নাহি হবে ষবনিকা পতিত হেথায় ।

বুঝিছু রহস্ত গুঢ় । দেবী—মহামায়া ;

দানব—সমর । বুঝিলাম মহামায়া,

সংকল্প তোমার কিবা—কিবা তব ব্রত ।

বুঝিছু প্রণয়-মদে প্রমত্ত এ মুঢ়,

চাহে ডুবাইতে পঙ্কে স্বরগের চাঁদে !

অসহ ধৃষ্টতা এই ;—মৃত্যু প্রতিফল ।  
 রে অধম ! এই করে—করেছি ভিখারী ;  
 এই করে—হস্তগত রমণী-ললাম  
 লয়েছি কাড়িয়া ; মৃত তবু নহ, মূর্থ ?  
 থাকিতে জীবন্ত, কিন্তু, ক্ষিপ্ত এ কুকুর,  
 মোর নহে মহামায়া । ভাবিলাম—করি  
 শেষ এ মুহূর্তে মূঢ়ে ; কিন্তু, নাহি বাঞ্ছা  
 রঞ্জিতে কথিরে এই স্থান । দেখি, যার  
 কোথা ? জাগাইয়া যত্নে রাখিছ ছুরিকা ।

[ প্রস্থান ।

## দ্বিতীয় অঙ্ক ।

তৃতীয় দৃশ্য ।

স্থান—আজিমগঞ্জের অদূরবর্তী পরপার—  
 ভাগীরথী তীরস্থ গহনকানন ।  
 সময়—সন্ধ্যা ।

[ কপালিনীর প্রবেশ ।

মা ! মা ! আহা ! চারিদিকে হেরি মা আমার !!  
 এত রূপ, এত শোভা, এত শান্তি, এত  
 আনন্দ লইয়ে, মা'গো, রয়েছে দাঁড়িয়ে !

গগনে তপনে অই, নব ছুর্বাদলে  
 এই, ফুলে, ফলে, জলে, পলবে, মুকুলে,  
 মা আমার বিরাজিতা । কোটি-কোটি-রূপে,  
 মায়ের বিকাশ কিবা ! এই বায়ু-ভরে,  
 অই বিহগের স্বরে, সুরসে, সৌরভে,  
 মার নিত্য সুরবিকাশ ! কি বলে ডাকিব  
 মাগো ? ক্ষুদ্র হিয়া মোর, বিশ্বময়ী-রূপে  
 তোর মুগ্ধ অনুক্ষণ—বিভোর নয়ন !

[ কুণ্ডলিনীর প্রবেশ ।

কু । আছিস্ হেথায়, কপালিনী ?

ক ।

এসেছিস্,

কুণ্ডলিনী ? আয় সখি । দেখ দেখি কত  
 রূপ—কত সৌন্দর্য্য-মাধুর্য্য মার । হের  
 অই ভাগীরথী-বঙ্গ-বাহী কল্লোলিত  
 তরঙ্গ-হিল্লোলে, মরি, মরি ! কিবা মার  
 প্রেমের উচ্ছ্বাস-লীলা ! হের দিকে দিকে,  
 কোটি কোটি বাহু হতে করুণাময়ীর,  
 ঝরে অবিরাম স্নেহ-করুণা-নির্ঝর !  
 এই তৃণ—অই ক্ষুদ্র বালু-কণা-মাঝে,  
 হেজি জগন্ময়ী মার মোহিনী-মুরতি  
 কিবা ! তবু মা, মা ব'লে, কত মার ছেলে,  
 ছুটে হাহাকারে ;—কেন নারে হেস্তিয়ারে ?

একি খেলা মাগো ? কেন দেখা নাহি দাও ?—  
 আড়ালে লুকাও !! আয়—আয় হো স্বজনি !  
 দেখি আয় মোরা মার মুক্ত রূপ-রাশি ।  
 না পা'স দেখিতে কি লো ! কোথা মা লুকাবে ?—  
 এই ক্ষুদ্র বক্ষ চিরি, দেখাইব তোরে  
 অনন্ত-রূপিনী মার প্রশান্ত মূর্তি !  
 একি, কুণ্ডলিনী ?—সন্ন্যাসিনী তুই ; তবে  
 কেন লো কাঁদিস্ ?

কু । কাঁদি নাই, কপালিনি !

দেখি তোর ভাব, ঝরে নয়ন-আমার—  
 হৃদয় দ্রবিসা । এত ভক্তি, এত প্রেম  
 ও ক্ষুদ্র অন্তরে ? হেরি তোরে, ভুলে যাই  
 সব—ভুলি মর্ম্ম-জালা ।

ক । সন্ন্যাসিনী-হৃদে,  
 কিসের যাতনা, সখি ?

কু । কাজ নাই—ওনি  
 এ হৃদয়-ব্যথা ।

ক । ব্যথা ? সন্ন্যাসিনী আমি,  
 সুখ-দুঃখ নাহি জানি । এ হৃদয়ে নাহি  
 ব্যথার বেদন কভু ।

কু । অতীতের স্মৃতি,  
 অন্ধরে যন্ত্রণা জালে ।

ক। স্বৃতি ?—অতীতের

স্বৃতি, নাহি দহে মোরে ; নাহি পড়ে হৃদে  
কভু ভবিষ্যৎ-ছায়া ; করি খেলা, লয়ে  
বর্ত্তমান । কর, সখি, মায়ের সাধনা ;  
ভুলিবে বেদনা—যাবে স্বৃতির যাতনা ।

কু। না চাহি বিস্মৃতি কভু স্বৃতির, আমার ।  
কি বুঝিবি তুই— চির-সন্ধ্যাসিনী, এই  
স্বৃতির মহিমা ?

ক। সত্য বটে, নাহি বুঝি  
জীবনের গতি তোর—হৃদয়ের ব্যথা !

কু। বিদারি অন্তর এই, দেখ, কপালিনী ।—  
দেখিবি, হৃদয়-পদ্মে পূজি মিত্য স্বামী  
ইষ্টদেবে ।

ক। স্বামী ?—জর্গতের পতি যিনি ?

কু। স্বামী—প্রাণেশ্বর । ইহ-পন্ন-লোক—স্বামী ;  
স্বামী—স্বর্গ ; স্বামী—ধর্ম ; স্বামী—সখা, গুরু ।  
নারীর সর্বস্ব স্বামী । স্বামী-পূজা হ'তে  
মোক্ষ রমণীর । বিনা স্বামী-পূজা, অগ্র  
পূজা নাহি রমণীর আর ।

ক। স্বামী যদি

সর্বস্ব নারীর, তবে সে স্বামী ভাজিয়ে,  
কেন—কেন গো স্বজনি ! সাক্ষিনি যোগিনী ?

কু। হায় ! কপালিনি । কতু সাজ্জিনি ইচ্ছায়  
সন্ন্যাসিনী । রাজরাণী ছিন্ন অভাগিনী ।  
শুন, লো ভগিনি ! তবে অভাগীর সেই  
সে-পূর্ব-কাহিনী । এই ছার রূপ-রাশি  
হ'ল মোর কাল । এই রূপের গৌরব,  
পশিল পিঁশাচ পাখী রুদ্রপাল-কাণে ।  
নবাব-প্রসাদ-লোভে, হা ধিক্ ! যাচিল  
মোরে হিন্দু-কুলাঙ্গার—ভেটিতে ববনে ।  
সরোষে প্রাণেশ পদাঘাতি, দূতে তার  
করিলেন দূর । হায় ! ভাঙ্গিল কপাল !  
ভাঙ্গিল সে সুখ-স্বপ্ন ॥

ক। মানুষ—মানুষে  
কেন করে নির্যাতন ?

কু । শুন, যার দিন—  
 নিশিযোগে এক, হেরি দস্তায়ে ঘিরেছে  
 পুরী ! গুপ্তকক্ষে রক্ষি মোরে—আলিঙ্গিয়া  
 শেষ, অসি হস্তে প্রভু হলেন বিদায় ।  
 হায় ! সেই শেষ দিন ! আর না হেরিছ  
 সে দেব-মুরতি । ভাষি কাল-ভবিষ্যৎ,  
 ভাবিলাম—করি শেষ এই ভব-লীলা ।  
 কিন্তু, মারাবিনী আশা দাঁড়াল সম্মুখে ।  
 হস্ত হতে তীক্ষ্ণ ছুরি পড়িল খসিয়া ;



[ জগা ও খগার প্রবেশ ।

জ । আরে—কি মুন্সিল, বাবা ! এবার দেক্‌চি—জান্টা টানাটানি !

খ । আরে বাবা ! মোদের হাতে, মুন্সিল ত মুন্সিল—মুন্সিলের বাপ্ আশান্ হবে !

জ । বলে কিনা—ঐ জানা কাটা বুনো পরীটাকে, আজই ধরে নিয়ে দিতে হবে । তা না পাল্লে, মোর এই গর্দানটা নেবে ! বড় কড়া হুকুম—গুনে আক্কেল গুড়ুম্ !

খ । হোঃ-হোঃ ! এরি তবে এত ডর ? কত মরদের বুক ভেঙে—কত কত সুন্দরী কেড়ে এনিচি ; কত লাঠি খেয়ে—কত ঘর ভেঙে—বুকের ছেলে ছুড়ে ফেলে কত কত রূপসী ধরে এনিচি ; কত ঘরে আগুনের ভেল্‌কি লাগ্‌য়ে—কত শত খোপ্পুরত ছুক্‌রি লোপাট্‌ করে এনিচি ; আর এত একট্রা বুনো ডব্‌কা ঝাকা মেয়ে—রে জগা ! হোঃ-হোঃ ! এ আর শক্তো কিরে ?—এত দিব্যি নরম মোলায়েম কাজ, বাবা !

জ । তা বড় নয়, বন্দু ! এ আগুন !—আগুন !! হাত দিলে ঝলসে যাবি—ঘটবে সর্বোনাশ, রে জগা !—ঘটবে সর্বোনাশ ।

খ । ঢের—ঢের ঝাকা গ্যাচে সর্বোনাশ ! মুই খগা বাগ্‌দী ; নামে মোর—আঁৎকে ওটে আঁতুড়ে ছেলে, ঘাটে বুড়ো, রাজা পরজা এ মুলুকে ! হোঃ-হোঃ ! এ তোঁর ডর দেকে হাসি পায়, বাবা !

জ । আরে খগা ! জগা হাড়ি—মুই । কত কত বুকের



ব্যাড়া ভেঙে, এনেচি হিঁচড়ে ধরে—দেহুতে পরী কতশত ডব্কা  
মেয়ে ! দন্না মারা নেইকে—পোড়া কুকে ! কিন্তু, খগা! জাই !  
মনিষ্যি নয়—এ মেয়ে-সন্নিসী ; ঠিক যেন আকাশের দ্যাঘতা—  
বিশ্বদয়ী !—আগুনের ফুলকি ধক্ধকে !! ছুঁলে যাবো মারা  
রে—যাবো মারা !

খ। আচ্ছা, জগা ! বল দেখি—রাজা রুদ্দুরপালের খেয়ালটা  
কি ? খুঁজলে আছে—এখনো কত ধরে লুকোনো ঘর-আলো  
ফুটোস্তো ফুল ; এ আদ্যোটা বুনে ফুলে কি কাজ হবে রে ?

জ। আরে—জানিস্ নি কি শয়তান রাজা রুদ্দুরপাল ।  
সে ধরে মাছ—না ছোঁয় পানি । আজ চারু-চার বচোর ধরে,  
দেশ উজোড় করে এনিচি নিত্যি কত শত রূপসী সুন্দরী—  
একটাও তার নিজের ভোগে নয় ;—সব ঢেলেচে নবাব-খপ্পোরে ;  
আজকাল গুন্টি, নবাবের বড়ই মোন্দাঘি—তাই এই চাটনির  
ফর্শা ! জা, বাবা, মো হতে হবে না ; বাস—যাবে সুতুটা পর্দান  
থেকে ।

খ। চুপ্‌মার । ঐ যে গাঁঙের ব্যাকে দৌড়িয়ে সন্নিসিনী !  
সত্যি, জগা, যেন আগুনের শিখে !!

জ। ছুঁলেই জ্বর—খগা !

খ। আরে বোকা ব্যাড়া ! যেবেটা ঐ—বদি হয় সত্যি  
আগুন, যাবে বল্‌সে মারা রাজা ব্যাটা—পুড়ে ছাই হবে নবাব  
শালা ! মোদেরও কাজ ফর্শা !! আর যদি তোর এ আগুন হয়—  
জ্বল, বহুৎ আচ্ছা—মার্কো শিরোপা বক্‌সিস্, কাজ, বহুৎ বা—সরে

বা আড়ালে ; না ছুঁয়ে, ধরে নিয়ে যাব—নিরে থাকই ঠিক—ঐ  
ঘোনের পাকি । চাই, বাবা, শিরোপার ষাড়া ভাগ—দেখিস্ ?  
পাতি ফাঁদ ! বা দেগুগে আড়াল থেকে মোর বাহাছরি ।

জ । ওঃ ! কি জোলস্ !! ডর লাগে দেকে । ওঃ—ওঃ—  
আগুনের হকা যেন !! সরে পড়ি, বাবা ! দেকি তোর বাহাছরীর  
বহরখানা কত ।

[ অন্তরালে গমন ।

খ । ( বৃক্ষতলে বসিয়া ক্রন্দনের স্বরে ) হায় ! হায় ! মাকে  
খুঁজে ত পেলুম্ না ! কি হবে রাজার ? কি হবে গো মোর হাল ?  
কোতা মাগো ? শুনিচি যে বড় দয়া তোর ; একটিবার ঙ্কা  
দেগো কাতোর সন্তানে ।—

[ কপালিনীর ব্যস্তভাবে প্রবেশ ।

ক । কে তুমি কাঁদিছ হেথা, একা বনমাঝে ?

খ । ( ভূমিষ্ঠ প্রণাম করিয়া করবোধে ) তুই কি, মা, সেই  
সন্নিসিনী ? অশানে মোশানে ঘুরে, করিস্ গো কাতোরে  
সান্তোনা ? বড় বিপদে পড়েচি, মা ! রক্ষে করো—রক্ষে করো,  
—রক্ষে করো, দয়ামই !

ক । না কর রোদন । কহ, কি বিপদ তব ;

মাধ্য থাকে, শ্রাণ দিয়া করিব উদ্ধার ।

খ । জানি তোর দয়া, মাগো ! রাজা রত্নরূপাল পড়েচে  
মুকিলে বড়ো । রাজ্যের মোকোলে, কি এক রাজকাজ সাধবার

তরে, কি এক পূজোতে—রাজা ঐ চরোণ দর্শোন মাগে। না  
গেলে মা, মারা যাবে রাজা ;—মারা যাবো মুই—মারা যাবে  
মরি, কচিকচি মোর হৃথের ছাবাব গুলি ! বাঁচা মা সবারে ।

ক। সামান্তা মানবী আমি। এ অবলা হতে,

কহ, কিবা রাজকার্য্য হবে সংসাধিত ?

খ। ক্ষুদ্রুর পরাণী মোরা। না জানি কি রাজকাজ, মাগো !  
জানি স্নহ, না নিষে যেতে পাল্লৈ তোরে—মারা যাবো গুটি  
স্নদো মোরা। বাঁচা মা তোর এ ছাবালে। কত খুঁজে খুঁজে  
পেয়েছি যে তোরে। ( পদপ্রান্তে পড়িয়া ) বাঁচা, মা !—বাঁচা,  
মা ! আজ এ বিপদে।—

ক। সংবর রোদন। গেলে আমি সন্ন্যাসিনী,

হয় যদি রক্ষা তব বিপন্ন জীবন,

কৃতার্থ হইব ! মারে অরি, চল—চল—

কতদূর ? কিন্তু, নাহি পিতার আদেশ।

খ। মা গো ! বিলম্বে মোর সন্ধানাশ হবে। দূরে নয়,  
ঐ ও পারে দ্যাকা যায়। আচে ডিঙি হোতা বাঁধা, মা গো !  
পূজো হলেই সাক্ষো—এখনি তোরে রেখে যাবো হেতা।  
আয়—মা—

ক। ( স্বগত ) রাজ-কার্য্য—মার কার্য্য বিশেষ এ জন

হয়েছে বিপন্ন বড়। বিপন্ন উদ্ধারে,

কষ্ট নন কভু পিতা।

( প্রকাশ্যে )

চল, যাই তবে।

খ। ( করঘোড়ে ) এসো, মা গো ! সাক্ষেৎ যগ্গের দ্যাবতা  
আপুনি !

[ উভয়ের প্রস্থান ।

[ জগার অন্তরাল হইতে লক্ষ্যে আগমন ।

জ। বাঃ-বাঃ ! কি মজা ! খগা ছোঁড়ার বুদ্ধি বটে ! এম্নি  
চারের চোট—যেম্নি আসা, অম্নি টপ্ করে টোপ্ গেলা ।  
এখন খেলয়ে তোলা ? তা বাচ্চি, ঐ পতে আগে গিয়ে ডিঙি  
থানা ঠিক করে বসিগে । সাবাস্ ! বলিহারি ! আশুন—জল  
কোরেচে বটে !

[ দ্রুত প্রস্থান ।

## দ্বিতীয় অঙ্ক ।

চতুর্থ দৃশ্য ।

স্থান—আজিমগঞ্জ—রাজা রুদ্রপালের প্রাসাদ-

সংলগ্ন দেবালয়-প্রাঙ্গণ ।

সময়—রাত্রি—প্রথম প্রহর অতীত ।

মহামায়া উর্ধ্বে দৃষ্টি করিয়া যুক্তকরে দণ্ডায়মানা ।

ম। হে বিশ্ব-মোহন ! পূজি তোমা হৃদি-মাঝে ।

কিন্তু, হেরি শশধরে নৈশ নীলাকাশে,

কেন, হৃষিকেশ, ছায়া সম পড়ে মনে

শৈশবের স্মৃতি ? শুক বহুদিন সেই  
নির্ঝর-প্রবাহ ; কেন, হে হৃদয়নাথ !  
এ হৃদি-প্রসূর-সুরে, সেই স্মৃতি-ধারা-  
রেখা নহে অন্তর্হিত ? দেহ বল ; দেহ  
মুছে, ওহে মহাকাল ! কাল-বক্ষ হতে,  
অতীতের ছায়া সেই—হৃদয়ের রেখা ।

( অদূর পদশব্দ শ্রবণে চকিত হইয়া )

অই ধীর পদ-ক্ষেপে কে আসে মন্দিরে ?  
রাজা যে আপনি !! ঘোর চিন্তা মেঘে সদা  
আচ্ছন্ন বদন অই ! না জানি, হা দেব !  
কোথা যাবে ভাসি, ভাসাইয়া অভাগীরে  
স্বদেশ স্বজন সহ, অই দুরাকাঙ্ক্ষা  
কুচিন্তা প্লাবনে ! দেবদেব বিশ্বপতি !  
রক্ষা কর পতিদেবে মম ; অন্তরালে  
রহি, দেখি, কি উদ্দেশে দেবস্থানে এবে ।

[ মহামায়ার অন্তরালে গমন ও রূপপালের অশ্রুমনে ধীরে প্রবেশ ।

রূ । উঠিয়াছি বহু উর্দ্ধে । আকাঙ্ক্ষা—হইব  
একছত্র অধীশ্বর সমগ্র-বঙ্গের ।  
নহে ইহা পঙ্কুর প্রয়াস । কে জানিত—  
এই ক্ষুদ্র দীপ, দীপ্ত করিবে আলোকে  
এই বঙ্গভূমি ! নহে দূর আর এবে—

বসিতে ও সিংহাসনে । হয় যদি কভু  
চরণ-স্থলন, জানি—হইবে পতন ।  
মৃত্যু যদি পরিণাম উচ্চ-আঁকাঙ্ক্ষার,—  
আম্বুজ মরণ ; ধরি ক্ষুদ্র আশা-দীপ,  
না চাহি চলিতে কভু জীবনের পথে ।  
কার সাধ্য—রোধে আর গতি ?\* তমোময়  
মাতৃ-গর্ভ-হতে,† পড়েছিহু আরো ঘোর  
তমঃ-ঘোরে । হেরি নাই পিতা-মাতা ; ছিহু  
দরিদ্র অনাথ ; অন্ধকারে অনাদরে  
হয়েছি বর্জিত । জানে নাই—ভাবে নাই  
কভু এ সংসার, দলিত এ সর্প-শিশু  
\*তুলিবে বিষম ফণা দিগন্ত ত্রাসিয়ে !

[ মহামাণ্ডার অন্তরাল হইতে আগমন ।

ম । সত্য, রাজা, যে গরল করিছ উগার,  
কল্পিত সংসার ত্রাসে ।

রু । ( চমকিত হইয়া ) হেথা কেন, রাণি ?

ম । দেবস্থানে—স্থান মম সদা ।

রু । ( সবিস্ময়ে চাহিয়া ) দেবালয় ?—

কোথা যেতে, চিন্তা-ঘোরে আইলাম কোথা !

( প্রস্থানোত্তত )

ম । দাঁড়াও ক্ষণেক ।



ম ।

মাখি রক্ত,

কহ—সত্য কহ, রাজা ! কি ফল লভিলে  
এতদিনে ?

রু ।

লভি তোমা, না পাইলুম, রাণি,

হৃদয় অতল তব ! তাই সে হতাশে,  
ছুটে অগ্নি পথে এবে আকাজক্ষা হুঁসার ।

ম ।

চাও এ হৃদয় যদি, ত্যজ হুরাকাজ্জা—  
তম কর নাশ ।

রু ।

নাহি সাধ্য আর, রাণি !

মহা মহীরূহে পরিণত উচ্চাকাজ্জা ;  
শত ভীম ঝঞ্ঝাবাতে হয়েছে বর্ধিত,  
বন্ধমূল—তমোময় পাতাল গহ্বরে ;  
দৃঢ় শাখাবলি ব্যাপ্ত আকাশ-মণ্ডলে ;  
অচিরে ফলিবে ফলস্বরতন-কিরীট !—  
হইবে সাধিত মম উচ্চাকাজ্জা ব্রত,  
হবে সাক্ষ কন্স্ব তমোময় । সাক্ষ হবে  
তব নিদারুণ ব্রত—পাইব তোমায় ।

( কণ্ঠে ক নিস্তব্ধভাবে থাকিয়া স্বগতঃ )

কিন্তু, থাকিতে সে ক্ষুদ্র স্বর্ণিত অধম,  
তুমি না হইবে মম, সাক্ষ নাহি হবে  
ব্রত !



( প্রকাশে ) না ভুলিব, রাণি ! না ছাড়িব আজি—  
এস হৃদে, প্রিয়তমে !—( হস্ত প্রসারণ )

ম । ( পশ্চাতে হটিয়া ) সাবধান, রাজা !

স্বরহ প্রতিজ্ঞা মম ;—‘ভাব নিজ হৃদে

প্রতিজ্ঞা আপন ।

রু । কেন প্রতারণা, রাণি ?

লুকাতে বাসনা—কেন বৃথা বিড়ম্বনা ?

ম । বৃথা এ ভৎসনা । কেন লুকাব বাসনা ?

বাসনা বিলুপ্ত এই হৃদয়-কন্দরে ।

পতি তুমি না পার হেরিতে, হায় ! এই ‘

অবলা পত্নীর হৃদি ? সাক্ষী অন্তর্যামী ;

থাকি দূরে—ভাবি, পাছে হও প্রতারিত ।

[ প্রস্থান ।

রু । থাক্—থাক্ এ ছলনা । পথ হতে অগ্রে,  
করি সে কণ্টক দূর । বাও, মায়াবিনি !—

[ প্রতিলারী প্রবেশ ।

প্র । ব্রহ্মচারী এক চাহে প্রভুর দর্শন ।

রু । ব্রহ্মচারী !—কেন আসে ?

প্র । কামনা কি তাঁর—

না জানে কিঙ্কর ।

রু । ( স্বগত ) ভণ্ড—সন্ন্যাসীর দল ।

সুধু মিথ্যা ধর্ম্মাধর্ম্ম পাপ-পুণ্য-দোরে—

যুরি মিথ্যা কখনায়, চাহে মজাইতে  
মানব-জগৎ । যত মান্নাবী সন্ন্যাসী,  
বাক্য-হলনায় আঁকি স্বরগ-নরক,  
ভুলায় মানবে । ধর্ম মম—উচ্চাকাঙ্ক্ষা  
তেজস্বীর ধর্ম—ভাবে অধর্ম দুর্বলে ।  
কেন—কি উদ্দেশ্যে হেথা আসে ব্রহ্মচারী ?

প্র । প্রভুর আদেশ ?

রু । বেশ, আসুক সন্ন্যাসী ।

[ অভিবাদন করিয়া প্রতিহারীর প্রস্থান ।

কেবা এ সন্ন্যাসী ? তেজ-পুঞ্জ কাস্তি এ যে !

[ ব্রহ্মচারীর প্রবেশ ।

ব্র । হউক মঙ্গল ।

রু । ( বিন্ময়-ভয়-কল্পিত অশ্রুটস্বরে )

একি ! এ যে হেরি—রাজা

চন্দ্রনাথ প্রেত-আত্মা !!

ব্র । ত্যজহ বিন্ময় ।

রু । দূর হও, প্রেত-আত্মা !

ব্র । নহি প্রেত-আত্মা ;

জীবন্ত সে চন্দ্রনাথ ।

রু । মিথ্যা—মিথ্যা । মৃত

চন্দ্রনাথ । ~~এই মৃত্যু সেই রাজার~~

চন্দ্রনাথ । এই কর, স্মৃত্যু করিয়ে

তার, রহে আজিও রঞ্জিত ! কাল-সিন্ধু  
পারেনি তুলিতে জ্বলে সে রক্ত-কালিমা !  
সেই রক্তে হয়েছে রোপিত উচ্চাকাঙ্ক্ষা ।  
নাই—নাই—চন্দ্রনাথ । চন্দ্রনাথ-হস্তা  
আমি—সর্বস্বাস্তকারী ।

ব্র । হও শাস্ত্র । শুন,  
কেবা করে করে হত্যা ?—কেবা কার করে  
সর্বস্ব-হরণ ? বৎস ! আশীষ তোমারে,  
তোমা হতে লভিয়াছি এ নব জীবন ।

রু । নাহি আমি চন্দ্রনাথ-হত্যাকারী ! সত্য  
কি জীবিত রাজা চন্দ্রনাথ ?

ব্র । ত্যজ ভ্রম ।  
জীবিত সে আমি চন্দ্রনাথ । নহি রাজা ;  
সংসার-বিরাগী আমি ভিক্ষুক সন্ন্যাসী ।  
পারে নাই সে আঁধারে পশিতে এ বক্ষে,  
করাল ছুরিকা তব । পার্শ্বস্থ বালক-  
রক্তে, তৃপ্ত সেই তব ছুরিকার তৃষা ।

রু । ব্যর্থ লক্ষ্য ?—নহে তৃপ্ত ছুরি !! হস্ত নহে  
সঙ্কুচিত, কার্য্যেদ্ধারে কুধির-ক্রীড়ায় ।

ব্র । শব্দক অহঙ্কার ; ত্যজ আকাঙ্ক্ষা দুর্বীর ।

সংসার-বিরাগী আমি ভিক্ষুক সন্ন্যাসী ।

সঞ্চয় করহ

ক।

ধর্ম ! কোথা ধর্ম ?—

কি সে ধর্ম ? নিজ নিজ ধর্ম, নিজ নিজ  
হৃদে স্বতঃ হয় সমুদ্ভূত । তব ধর্ম—  
অধর্ম আমার । তুলি শোণিত-তুফান,  
রণরঙ্গে করে পূর্ণ আকাজ্জকা নৃপতি,  
হয় রক্ষা—রাজধর্ম । অথ্যে একাবন্দু  
করে যদি রক্তপাত—উচ্চাকাঙ্ক্ষা-পথ-  
করিতে স্নগম—হয় মহাপাপ ! ধন্য  
এ বিচার ! ধন্য পাপ-পুণ্যের ছলনা !  
হেন ধর্মে করি পদাঘাত ; ধর্ম্যাধর্ম্য  
যাতুমস্ত্রে নহে মুক্ত রাজা রুদ্রপাল ।  
জীবিত সে যদি চন্দ্রনাথ, কি কারণ  
হেন বেশে হেথা আগমন ?

ব।

জানি তব

পাপ-মুক্ত প্রাণ ; জানি তব অতি ক্ষুদ্র  
কলুষিত মন ; জানি তব ছুরাকাঙ্ক্ষা ;  
জানি উচ্চপদ তব যবন-প্রমাদ ।  
সন্ন্যাসীর সমজ্ঞান শত্রু-মিত্র সবে ;  
নাহি থাকে হিংসা-দেষ ; তুমি-আমি নাহি  
ভেদাভেদ । হেরি তব মৃত্যু সন্নিকট,  
এসেছি হেথায় । ধর বাক্য ; পরিহর  
বৃথা বাহ্য । থাকে যদি উচ্চ-অভিলাষ

বৃহস্পতি নভিতে, অগ্নে ক্ষুদ্রত্ব ডুবাও—  
ডুবাও ও তম-রাশি ; নতুবা পতন  
তব কহিলাম স্থির ।

রু । উত্থান-পতন,  
 এ বিশ্ব-নিয়ম সে ত । নহি তা বিস্মৃত—  
 ছিহ্ন অন্নদাস তব ; আজি তব সম  
 ভূস্বামী যতেক, করে চরণ-লেহন ।  
 ছিহ্ন অজ্ঞানিত ;—অজ্ঞানিত থাকে যথা  
 মূহুর্ত সমীপে কাল ঝটিকা-প্রভাব !  
 দাপে এবে কাঁপে বঙ্গ, কি ভয় দেখাও ?

ব্র। রুদ্রপাল ! জানি তব হৃদয় হৃদয় ।  
 হিন্দুকুলে জন্ম তব ; যবন-দাসত্বে  
 কর পদাঘাত । ভুল এবে' অতীতের  
 ঘোর স্মৃতি । জননী আদেশে, হও বৎস,  
 হিন্দুর সহায় ! হিন্দুভূমিপাল দলে  
 করি সম্মিলিত, কর যবন শাসন ।  
 ছনাম হইবে দূর ; সুনাম সুযশ  
 গাহিবে অগণ নিত্য ।

রূ ।                      রাজ-বিদ্রোহিতা ?  
 একি ভয়ানক কথা ! হও সাবধান,  
 তও যোগী !

ব্র।                      জেন, যুড়, ভারতের হিত্তে,

জগৎ-জননী ইচ্ছা—যবন-উচ্ছেদ ।

লজ্জি মাতৃ আঞ্জা, কেন আন রে ডাকিয়া

অকাল মরণ নিজ ?

রূ । রাজদ্রোহী হতে,

মরণ মঙ্গল ।

ব্র । মোরা মায়ের সন্তান ;

নাহি জানি কপটতা ; অধর্ম নাশিতে,

ধরি ধর্ম অসি, জগন্ময়ী মহাশক্তি

আছেন দাঁড়িয়ে অই ! এবে সাবধান,

রে হুস্মিতি ! কহিলু যা' মায়ের আদেশ ;—

কর ইচ্ছা যাহা, আঁছ নিজ বিবে নিজে

জর্জরিত । থাকিতে সমর, ধূলি আঁধি—

তাজহ কুমতি ?

[ প্রস্থান ।

রূ । ( কণেক স্তম্ভিতভাবে দাঁড়াইয়া )

বুঝিলাম ছদ্মবেশী

চন্দ্রনাথ, গুরু এবে বিদ্রোহীদের ।

গুপ্ত অভিসন্ধি হুদে, বুদ্ধির প্রভাবে

করিবে উচ্ছেদ মোর—দিতে প্রতিশোধ ।

রহ, চন্দ্রনাথ, রাজ-বিদ্রোহিতা জালে

জড়িত হু'দিন ; রহি হু'দিন মগন

প্রতিশোধ-স্বপ্ন-স্বখে, সাধ' কার্য্য মম ।

তার পর, আরে ভণ্ড ! করাল ছুরিকা  
 মোর, ল'বে বঞ্চনার ঘোর প্রতিশোধ ।  
 যাই—দেখি যাই কারা-কূপে সে অধমে ।  
 আজই দলিব পদে, ঘৃণিত জীবন  
 তার—দূর করিব কণ্টক । তার পর,  
 মহামায়া ! এই দীর্ঘকাল করেছিস্  
 প্রবঞ্চিত যে স্বপ্ন-ছলনে, অই রক্ত-  
 রঞ্জিত এ করে—স্বপ্ন ভাঙ্গি—বক্ষে তোরে  
 ধরি, ল'ব এইবার সে মোহ-ছলনা-  
 প্রতিশোধ ।—দিতে প্রতিশোধ, হই এবে  
 সুসজ্জিত । যাই—ভাঙ্গিবারে স্বপ্ন সেই,  
 এই পদে বিচূর্ণিব ঘৃণ্য মুণ্ড তার ।

[ সঙ্গপে ভূমে পদাঘাত করিয়া প্রস্থান ।

# তৃতীয় অঙ্ক ।

প্রথম দৃশ্য ।



স্থান—মুরশিদাবাদ—বেগম মহলের সুসজ্জিত কক্ষ ।

সময়—রাপ্ত্রি তৃতীয় প্রহর ।



খট্টাকে অর্কশায়িতভাবে মনিয়া বেগম ।

ম । সিরাজ ! প্রাণেশ ! প্রিয়তম ! প্রাণাধিক !  
এস একবার । আছি বসি, হের জাগি  
সারা নিশি । একে একে কত শত তারা  
ফুটিল—গণিঝু একা । গণি একা, হায় !  
একে একে কত ক্ষুদ্র পতঙ্গ উন্মাদ,  
রূপ-মোহে মরে—অই দীপ্ত দীপালোকে  
পরান সঁপিয়া !—বড় ভাগ্যবান্ তারা ।  
দিয়া ঝাঁপ রূপানলে, কেন নাহি মরে  
মনিয়া পতঙ্গ এই ? এস, প্রাণনাথ !  
না পারে পতঙ্গ আর জীবন্তে পুড়িতে ।  
(দূর শব্দে চমকিত ভাবে উপবেশন করিয়া ।)  
আসিছে প্রাণেশ বুঝি ! এস, প্রাণাধিক !  
দাও প্রাণ একবার মুহূর্তের তরে ;



কারো স্মৃতি না হরিব ; মুহূর্তে মিটাও  
সাধ—মুহূর্তেকে প্রাণে কোটি স্বর্গ দিব  
ভাসাইয়া ।

( ব্যস্তভাবে দ্বারদেশে অগ্রসর হইয়া )

কই প্রাণেশ্বর ?—কোথা তুমি ?  
এলে না—এলে না—প্রিয় প্রাণেশ, নির্দয় !  
চিন্তা মোরে করে উন্মাদিনী ! তমোময়ী  
পিশাচিনী ও কে—পশি প্রাণে তজ্জাবেশে,  
বিকট ছুরিকা যেন ধরে রক্তমাখা !  
না-না—যা'রে পিশাচিনি ! দূর হ' নিরাশা !  
দূর হ' রে ছায়া ! অই আশা মায়াবিনী,  
দেখায় সুন্দর স্বপ্ন !

( পুনঃ পদশব্দে চকিত হইয়া )

অই শুনি পদধ্বনি ! কে আসে ?—প্রাণেশ ?  
এস—ডুবি ও রূপ-সাগরে, ভুলি তীব্র  
মর্মান্তিক মর্শ্ব-জালা ।

[ বাদীর প্রবেশ ।

তুই-পূমঃ কেন,

কালামুখি ?

বা ।                      যান্ন রাতি—নিদ্রা নাই, বিবি ?

মুদি আঁখি, এইবার নিদ্রা যাও দেখি ।

( পাখা লইয়া ব্যজন )

ম। যা' বাদি ! ব্যঞ্জনে সুধু আগুন দ্বিগুণ  
জলে প্রাণে ।

বা। দিন দিন দিবানিশি জাগি,  
ক'দিন বাঁচিবে প্রাণে ?

ম। কি কাজ বাঁচিয়া ?

বারিশূত্র নদী আর ত্যক্ত নারী-হৃদি,  
হুই-ই সমান—হুই শূত্র করে হ-হ !  
হুই শূত্র—নিরাশার ঘোর বিভীষিকা !!

বা। ত্যক্ত কেন ? নহ তুমি নবাব হৃদয়ে  
একা প্রস্ফুটিত—

ম। না জালাম্ আর । জানি—

নম সম প্রস্ফুট কুসুম, এ উত্তানে  
আছে কত শত । তার মাঝে ক্ষুদ্র যদি  
আমি—ক্ষুদ্র কিন্তু নহি হৃদয়-সোরভে ।  
ক্ষুদ্র ফুলে সুধাংশু কি না বিলায় সুধা ?  
মহা সিদ্ধ নাহি কিলো ধরে বক্ষে, ক্ষুদ্র  
স্রোতস্বিনী-ধারা ? অই অনন্ত অম্বর,  
ধরি হৃদে রবি-শশী, ধরে নাকি অই  
কোটি ক্ষুদ্র তারা ?

বা। যত যুবতী রূপসী

ভাবে ভাগ্য—পায় যদি প্রবেশ হেথায়,  
বেগম-মহলে এই । সাজাদা-সন্তোগে,

আসে নিত্য নব নারী ; কল্পজন তার  
পায় স্থান হেথা ? বড় ভাগ্যবতী তুমি—

ম। চুপ্ রহ, বাঁদি ! এই বেগম-মহল—  
বিহঙ্গী-পিঞ্জর স্বর্ণময় !—কুরঙ্গীর  
রক্ত-কারা !! করি রক্ত স্রবর্ণ-পিঞ্জরে,  
সুখ-স্বপ্নে করে চূর্ণ কমল-কোমল  
হিয়া ! নারী—নাহি থাকে নারী কভু হেথা ।  
পুড়ি নিত্য মনাগুনে, হারাইয়া আশা—  
যৌবন-বাসনা-সাধ, ধরে পিশাচীর  
প্রাণ রক্তমাখা !—ঘোর বিভীষিকাময়  
নরক-রঞ্জিত !!

বা। মগ্ন হোয়ে কুচিস্থায়

সুখ ত্যজি কর নষ্ট শরীর আপন ।

ম। সুখ !—কোথা সুখ ? বন্দ্ বাঁদি ! নারী-গৰ্ব-  
হারী এই পুরী, দেখ্ সহস্র বিলাসে  
পূর্ণ ; তার মাঝে, নারী কি বিলাস এক ?  
বন্দ্ দেখি—সুধু পুরুষের ভোগ-স্পৃহা-  
বিলাস-সাধনে কিলো রমণী-স্বজন ?  
নাহি কি রমণী-হিয়া ? পুরুষ-বাসনা-  
দাসী—সুধু কি এ নারী ?

বা। জান না কি, বিবি,

রাজা-রাজ্যেশ্বর দ্বারা, নারীর পরাণ

নাহি ভাবে তারা । তুলি কুল—লয়ে জ্ঞান,  
ফেলি দেয় শেষে দূরে পুরুষ পাষণ ।  
দেখ ভাবি, পিন্ধে মধু,—মধুকর আর  
আসে কি ফিরিয়া ?

ম। এই কি পুরুষ-ধর্ম ?  
 ছলে বলে লগ্নে হরি অবলার প্রাণ—  
 নাহি দেয় প্রতিদান।

[গোজার প্রবেশ।

পেলে কি সংবাদ ?—

নবাব কোথায় ? যা'লো বাঁদি, যা' এখন ।

বাঁ। চলিছে—যমাও তবে।

[ प्रश्न ।

থো।                      শুনিমু—এসেছে

অঙ্কুত কামিনী এক অপূৰ্ণ রূপসী,  
হীরাঝিলে । হেৰিবাঁৱে গেছেন নবাব ।

ম। কেবা এ রমণী ?

( অগ্রমানে ) যাও ।

[ অভিবাদন করিয়া খোজার প্রস্থান ।

বুঝিছ, পুরুষ,  
তোর পশু-বাবহার । \*করেছিন্ চূর্ণ  
হৃদি—চূর্ণ মম ইহ-পর-লোক ।  
করিব, পুরুষ, চূর্ণ সার্থ-দর্প তোর ।  
হা সিরাজ ! হা পিশাচ । নির্বোধ নির্দয় ।

দিয়াছি প্রেম-সুখা ; ত্যজি—প্রতিদানে  
 দিলি হলাহল ? হলাহল—প্রতিশোধ—  
 ধরিবু এ হৃদে ! হলাহল—প্রতিহিংসা—  
 আলাবু এ প্রাণে !! এবে দেখুক ত্রিলোক—  
 নহি নারী আর ;—ছিঁড়ি প্রেম-স্বপ্ন-জাল,  
 সে প্রেমিক বাল। আজি পিশাচী রাক্ষসী !!  
 নিরাশা-বিদগ্ধ হৃদে জলে চিতা-শিখা !—  
 হবে ভস্ম এ অনলে নিষ্ঠুর সিরাজ ।  
 দেখুক সংসার—নারী-প্রতিহিংসা কিবা,—  
 কেমনে রমণী হয় পিশাচী—প্রেতিনী !!

[ প্রস্থান ।

## তৃতীয় অঙ্ক ।

দ্বিতীয় দৃশ্য ।

স্থান—আজিমগঞ্জ—রাজা রুদ্রপালের প্রাসাদস্থিত গুপ্ত অঙ্ক-কক্ষ ।

সময়—নিশীথ রাত্রি ।

সমরলাল শূন্যদৃষ্টিতে দণ্ডায়মান ।

স । ভালবাসা—আত্মদান,—নাই প্রতিদান ?

প্রতিদান ?—প্রেত-স্বার্থ !!—নাহি চায় প্রাণ ।

এ প্রাণ ?—আশান ! সুখ ?—আশানে ক্রন্দন !  
 শাস্তি ?—ভস্ম-স্মৃতি ! মৃত্যু ?—সে স্মৃতি-বিস্মৃতি !!  
 রমণী-হৃদয় ?—হো-হো ! কুসুমে প্রসূর-  
 স্তর !! যার তরে ক্ষিপ্ত আমি—অন্ধ—মত—  
 অস্পৃশ্য—ঘণিত ; যার তরে সৰ্ব্বত্যাগী—  
 আপনা-বিস্মৃত ; মোরে হেরি সে পলায় !!  
 এ কি-এ বিধান, বল', রে অন্ধ বিধাতা ?  
 কেবা স্রষ্টা ?—কেবা দ্রষ্টা ? চক্ষু যদি থাকে,  
 দেখুক—এ প্রাণ নহে নরক বিকট ।  
 কোথা—কোথা—মহামায়া ? দেখে বা' রমণি !—  
 পাষাণি !—রাক্ষসি ! যাই—যাই,—দাঁড়া—দাঁড়া  
 দেখাব এ হৃদি ।—

( ছুটিয়া বাহির হইতে কারা-প্রাচীর আঘাতে পতন ও মুচ্ছা । )

[ গুপ্তদ্বার খুলিয়া রুদ্ধপালের বর্তিকা ও ছুরিকা-হস্তে  
 সশঙ্ক-সন্দিক্ধ-ভাবে দ্বারবাহিরে দণ্ডায়মান ।

রু। ( রুদ্ধস্বরে ) . শব্দহীন—আসহীন—  
 নিস্তরু—নীলব—এই কারাকূপ ! শাস্ত—  
 নিদ্রিত—নির্কোষ অই ! শাস্ত—অন্ধকার !  
 অশাস্ত—হৃদয় সুধু !! অশাস্তি এখন  
 ও অঁধার-শাস্তি ভাজি, শোণিত-তরঙ্গে  
 চির-শাস্তি আনিবে ও প্রাণে !

( ধীর-শঙ্কিত-পদে অন্ধকক্ষে প্রবেশ করিয়া )

মৃত্যু ঘরে,—

তবু নিদ্রা ? মহানিদ্রা এনেছে ছুরিকা ।  
ও বক্ষ-রুধির দিয়া—ঘুমাও, বর্কর,  
অনন্ত নিদ্রায় । ক্রিমি-কীট যেথা করে  
বাস—সেথা মিটাও বাসনা । প্রতিশোধ ।—  
প্রতিশোধ !!—জীবন্ত এ প্রতিশোধ ল'ব  
আজ ! দেখ, অন্ধকার, বসাই ছুরিকা ।  
এ কার্যের, রে অঁধার, অঁধার-উদরে,  
তোর, হোক রে সমাধি ।—মিটুকু জঞ্জাল ।

( সমরকে লক্ষ্য করিয়া ছুরিকা উত্তোলন )

[ শুণ্ডদ্বারে সহসা মহামায়ার প্রবেশ—রুদ্ধপালেব কম্পিত হস্ত হইতে  
বর্জিকা-পতন ও সশঙ্কে পশ্চাতে সরিয়া কিংকর্তব্যবিমূঢ়ভাবে  
দণ্ডায়মানঃ।

ম । এ—কি—রাজা ? উত্তোলিত করাল ছুরিকা !!  
নরহত্যা !—ব্রহ্মহত্যা !! মানবে—মানব-  
রক্তে কেন এ লালসা ? কেন লালায়িত,  
বীভৎস নরক-দ্বার ভাঙ্গিয়া পশিতে ?  
নরক !—নরক !!—রাজা । যাও পিছাইয়া ।

র । এখানে—এখন ?—নাও ত্বর ।

ম ।

মল্লধাত্ত—

এই কি মানুষে ? বধি স্রুমুপ্ত মানবে





দেখি নিজ মন, ভাব' প্রভারণাময়  
 এ বিশ্ব-সংসার ! , থাকে এ বিশ্বাস যদি,  
 কর পান পত্নী-রক্ত— রমণী-রুধির ।  
 উঠাও ছুরিকা, রাজা ! বসাও এ হৃদে ;  
 নতুবা নারিবে কভু নাশিতে এ নরে ।  
 হের, রাজা ! এই দাঁড়ালাম আমি ; কর—  
 কোটি নরকের শক্তি করহ বিকাশ ;—  
 বিফল হইবে আশ ।

রু । ( সঙ্কুচিত ভাবে ) স্বপ্নঘোরে—করি  
 সহ এ অসহ ব্যবহার ! সাবধান !  
 নতুবা এখনি অই রমণী রুধিরে,  
 রঞ্জিত হইত কর । হও সাবধান !  
 রও—রও রে কুকুর !—হের এ আঁধার  
 দুই দিন আর ।

[ ভূপতিত সমরকে পদাঘাত করিয়া প্রস্থান ।

স । ( স্বপ্নোখিতের ত্রাণ সচকিতে দণ্ডায়মান হইয়া )  
 মহামায়া ! কোথা তুমি ?

ম । উন্মাদ !—

সু । কে তুমি ?—

ম । এ কি ললাট বিদারি,  
 বহিছে রুধির !

স । হা-হা ! কোথায় রুধির ?

ছিল যে কুখিয়, সর্বনাশী সে রাঙ্গসী  
করেছে যে পান।

ম।                      ত্যজ ভ্রম। রক্ত-আশে,  
বাতকের তীক্ষ্ণ ছুরী উত্তোলিত হেথা !  
হের—সব রক্তমাখা ছুরিকার ছায়া !!

স। কে ঘাতক ? ঘাতক—সে নারী !! হের—ধীরে  
প্রতিপলে বসায় ছুরিকা সে ঘাতক,  
বিষের জ্বালায় হৃদে ।

য।                      তাজ এ প্রমাপ।  
যাও—তাজি এই কার।

ମ ।                      ଯାବ—କୋଥା ଯାବ ?

ম। দৃষ্টি যেথা যায়।

স।                      হেরি—সেথা সে পাষাণী !!

ম। ত্যজহ মত্ততা ; যাও ত্যজিয়া এ কারা ।

স। খেদায়ো না আর। এই কারা হ'ক মোর  
জীবন্ত সমাধি। অতি সুন্দর এ স্থান !  
নাহি প্রাণী-শ্বাস ; নাহি প্রকৃতি-উচ্ছ্বাস ;  
রুদ্ধ-শ্বাস এই কারা। খুঁজেছি সংসার—  
মিলে নাই ঠাই কোথা ।

ম। : সময় ! প্রণাম  
তাজি, রাধা ও বচন মম।

স। (বিস্মিতভাবে নিরীক্ষণ করিয়া) কেন পুনঃ



শিথিতে সে ভাগবাসা, রহিব স্নদূরে —

স্নদূরে কুরঙ্গী যথা শার্দূলের ত্রাসে ।

স । ( সজোরে দীর্ঘনিশ্বাস ফেলিয়া )

কে আমি ?—কে তুমি ?

ম ।

জল-বুধুদ ঋণিক

বিশ্ব-প্রাণে ।

স ।

কোথা যাব ?

ম ।

ফুটি—ডুবি কত

বার বার, বিশ্ব-প্রাণে যাব মিলাইয়া ।

স । এবে কোথা যাই ?—

ম ।

এস—দেখাইব ঠাই ।

[ মহামায়ার পশ্চাতে সমরলালের প্রস্থান ।

## তৃতীয় অঙ্ক ।

### তৃতীয় দৃশ্য ।

স্থান—মুরশিদাবাদ—নগরপ্রান্তে সমাধিক্ষেত্র ।

সময়—মেঘাবৃত নিশীথ অমানিশা ।

কজপাল দণ্ডায়মান ।

ক । ভীষণ সমাধিক্ষেত্র । ভীষণ আঁধার ;

ভীষণ গগন ঘোর ঘন মেঘাবৃত ;

ভীষণ—ভীষণ—ভীম বজ্রের গর্জন ।

ভীষণ চমক-ছলে, দেখায় চপলা

অন্ধকার-প্রেত-ছায়া । কিন্তু, নিরখিয়া

এ হৃদয়-ভীষণতা ভীতা বিভীষিকা ;

ত্রাসিত সমাধিক্ষেত্র ; স্তম্ভিত অঁধার ;

ক্ষণে ক্ষণে শুক্ক ক্ষণপ্রভা ! শুক্ক মিছে,

হেরি নিজ নির্মমতা—কর্ষ-কঠোরতা !

( পাদচারণ করিতে করিতে )

উচ্চাকাঙ্ক্ষা-মূলমন্ত্র করিতে সাধন,

পরীক্ষা ভীষণ পদে পদে ; পদে পদে

রক্তলীলা । পদে পদে, দলেছি এ পদে

নর-ভাগ্য—নর-নারী না করি প্রভেদ ।

শুক্ক বিশ্ব, হেরি কার্য্য রুধির-রঞ্জিত ।

যে কার্য্য নিরখি—কাঁপে অন্ধকার, কাঁপে

চরাচর, যুদে অঁখি নক্ষত্র-নিকর,

শ্বাসহীন শুক্ক সমীরণ, সশঙ্কিত

স্তম্ভিত শ্মশান ঘোর, সে কার্য্য-সাধনে—

কাঁপে নাই বজ্রমুষ্টি এই, টলে নাই

এ হৃদয়-কঠোরতা—মনের দৃঢ়তা,

চরণ খলিত নহে কভু, পড়ে নাই

অঁখিতে পলক । শেষ পরীক্ষা এবার ।

( অদূরে পদশব্দ শুনিয়া )

কে আসে ও দূরে ? ও কি আঁধারের ছায়া ?  
না—না, আসে মিরণ নিরুোধ । ফাঁদে এবে  
পড়েছে শৃগাল ভীৰু ; দেখি অভিনয়  
অদৃশ্য থাকিয়া ।

[ অন্তরালে গমন ।

[ মিরণের প্রবেশ ।

মি ।

এই সে সমাধি-ক্ষেত্র !

কোথা রূদ্রপাল ? ওঃ ! কি বিকট আঁধার !  
কি ভীষণ স্থান ! ছুটে প্রেত পালে পাল !!

( নেপথ্যে বিকট অট্টহাস্ত )

ওকি ঘোর অট্টহাসি !! কোথা আইলাম ?  
চারিদিকে ভগ্ন-স্তুম্ভ সমাধির সারি  
হতে, কি বিকট অই কঙ্কাল কপাল  
যত — হাসে খিলি খিলি !! না পারি চাহিতে—  
আঁধার !—আঁধার !! কাঁপে পদ,—কাঁপে ডরে  
হৃদি হুরু-হুরু । কেন আনিল কাকের ?

( নেপথ্যে পুনরায় বিকট অট্টহাস্ত )

আবার ও কি বিকট অট্টহাসি !! উঠে  
প্রতিধ্বনি ভয়ঙ্কর—আলোড়ি সমাধি-  
ক্ষেত্র—দূর শূণ্যাকাশে ! প্রেতের তাণ্ডব  
চারিদিকে !! চারিদিকে অই অস্থিময়  
প্রেত-হস্ত শত শত করে কিলি-কিলি—

উৎপাটিতে আঁধি যেন ! পলাই—পলাই,—  
চলে না চরণ এবে ! কোথা রুদ্রপাল ?  
তবে কি বঞ্চনা ?

[ প্রেতসাজে জয়মলের প্রবেশ ।

জ । হবে বন্ধের ঈশ্বর ।  
মি । কে—কে ?—এ-কি এ ছলনা ?  
জ । সত্যই মিরণ—  
ভাবী বঙ্গ অধীশ্বর ।

[ সহসা প্রস্থান ।

মি । বঙ্গ অধীশ্বর ?—  
আমি ? প্রেত-প্রতারণা !!

[ রুদ্রপালের অন্তরাল হইতে আগমন ।

রু । নহে প্রতারণা ।

মি । রুদ্রপাল ? এস, প্রিয়বন্ধু ! হের হেথা  
প্রেতের উৎপাত ! তাজ্জ্বাস, তন্ত্র-মন্ত্রে  
জাগারেছি প্রেতকুল । অই প্রেত সবে  
করিবে বর্দ্ধিত শক্তি তব ; অলঙ্কিতে  
এ বিপ্লবে রক্ষিবে তোমারে ।

মি । সত্য কি সে  
তবে, হবে প্রেতকুল সঙ্ঘাত আমার ?

[ প্রেতসাজে রুদ্রপালের পুনঃপ্রবেশ ।

জ । সত্য । প্রীত প্রেত মোরা, শুন, বন্ধেশ্বর !  
চাই—চাই দৃঢ় মন,—দৃঢ় ও হৃদয় ।

সিরাজের রক্তে আর পিতৃরক্তে নিজ,  
হবে প্রতিষ্ঠিতে সিংহাসন ।

[ সহসা প্রস্থান ।

মি । পিতৃরক্তে !!

রু । পিতৃরক্তে । বিনা কভু স্বজন-শোণিত,  
না ঘটে অদৃষ্টে সুখ—সাম্রাজ্য-সন্তোগ ।  
ভাগ্যবান্ ! মায়া-মমতার লেশ যার  
হৃদে, হতে রাজ্যেশ্বর অযোগ্য সে জন ।  
উঠিতে ও পথে চাহি নিৰ্ম্মমতা—চাহি  
প্রস্তরের কঠিনতা ।

মি । নাশিতে সিরাজে,  
না কাঁপিবে হিয়া । কিন্তু, বধিতে জনকে,  
কেমনে উঠিবে কর ?—

রু । বালক-প্রলাপে  
কার্য্য নাহি হবে । প্রেতাদেশ—পিতৃরক্ত  
চাই সিংহাসন মূলে ; একার্য্য কঠোর,  
অবশ্য সাধিতে হবে । বধি পিতা-ভ্রাতা,  
কত কত রাজা—লভি রাজদণ্ড—খ্যাত  
চরাচরে । নাশ অগ্রে সিরাজেরে ; পরে  
মির্জাকরে—অকস্মণ্য স্থবির পিতারে ।  
তাড়াইব ইংরাজেরে আমি সিদ্ধপারে ;—  
হবে বঙ্গপতি । কর হৃদয় প্রস্তুত ।



( কবর-গহ্বরে লুকায়িত স্মরাভাও উত্তোলিত করিয়া )

মি । ওকি বন্ধু ?—

রু । রহ স্থির ; করাইব পান,

প্রেত-যজ্ঞে সমুদ্ভূত স্মৃধা মহৌষধ ;—

যাবে দুর্বলতা ।

( স্মরাপূর্ণ মৃৎপাত্র হস্তে দিয়া )

কর পান, পাবে শক্তি ;

না রহিবে অবসাদ ।

মি । ( পান করিয়া ) উত্তম এ স্মৃধা !

পান মাত্রে, চমকিত বিদ্যুৎ-চমকে

শক্তি হৃদিমাঝে । রূদ্রপাল ?—

রু । বঙ্গেশ্বর !

মি । হাঁ—হাঁ—বঙ্গেশ্বর !

রু । সন্ধ্যাষিবে চরাচর !

কিন্তু, চাই কার্য—পিতৃরক্ত,

মি । তুচ্ছ কার্য ।

কি তুচ্ছ সে পিতৃ-রক্ত ? নহি সঙ্কুচিত,

প্রবাহিতে-শত-পিতৃ-রক্ত এই করে !

দেখিবে জগৎ, পিতৃ-বধে পুত্র-করে

কত বল ধরে । কত হত্যা চাও আর ?

সুপ্ত শিশু-নারী-বক্ষে বসাইতে ছুরি,

কত নাহি ডরি ।

রু।

জানিলাম—বন্ধভাগ্য

শ্রুস্ত যোগ্য করে ! বরিয়াছে প্রেতকুল ;

দেখি তব হৃদি-বল—বীরত্ব-প্রতাপ ।

মি। না সহ্যে বিলম্ব আর । কিহ রুদ্রপাল !

কবে চাহি পিতৃরক্ত—সিরাজ-শোণিত ?

হবে তুমি রাজ-প্রতিনিধি ; রব আমি

লয়ে সুরা-নারী-নিধি ।

রু।

পূরিবে এ সাধ ।

ধন্য হবে দাস । নিদ্রা যাও এবে গৃহে ।—

ইংরাজ আবর্তে রোধি আসন্ন-বিপ্লব

শ্রোতে, জাগাইব পরে ।

মি।

গৃহে বাই তবে ।

কি ঔষধে জাগাইলে সাম্রাজ্য-পিপাসা—

উচ্চাশা এ হৃদে ! যাই—জাগায়ো সময়ে ।

[ কল্পিত পদে প্রস্থান ।

রু।

জাগাইব একেবারে দলি পদ-তলে ।

(ক্ষণেক দণ্ডায়মান থাকিয়া)

জয়মল অভিনয় করেছে সুন্দর !

প্রতারিত ভীকু ফের । যাক—রুদ্র কীট

এ মিরণ, রাজ্য মোহে দেখুক স্বপন,

পড়ি উর্গানাত-জালে । দেখি কতদিন

অঁধার কবর-গর্ভে রবে রবি আর

গুপ্তভাবে—খজোতের দীপ্তি-ভয়ে ? ফের  
 ফুকারে মুকুট পরি ; অবনত শিরে  
 শার্দূল তাহার দ্বারী রবে কতদিন ?  
 ভাঙ্গিব এ ভবিতব্য ; ফিরাব অদৃষ্ট ।  
 উত্তরিয়া শত বৈতরিণী, সিদ্ধুমাঝে  
 এবে—চারিদিকে ছুটে তরঙ্গ উত্তাল !  
 মিরণ-তরঙ্গী-বক্ষে বসি, সিরাজের  
 স্নতপ্ত শোণিতে নাশি তরঙ্গের তৃষা,  
 সিদ্ধু হব পার । শেষে ডুবাইয়া তরি  
 পদাঘাতে অতলের তলে, উত্তরিব  
 কুলে । কুলে আই দীপ্ত রত্ন-সিংহাসনে  
 রাজদণ্ড ধরি, বিশ্ব করিব বিস্তৃত ।

[ দস্ত-ভরে গ্রহান ।

## তৃতীয় অঙ্ক ।

চতুর্থ দৃশ্য ।

স্থান—আজিমাবাদ—ফৌজাখিল—নবাবের বিলাসকক্ষ ।

সময়—রাত্রি প্রথম প্রহর ।

কপালিনীর প্রবেশ ।

ক । কেন পাঠাইল একা মোরে রুদ্রপাল,  
শূণ্য এই ঘরে ? বলে—আমা হতে হবে  
পূর্ণ রাজ-অভিলাষ ! সন্ন্যাসিনী হতে,  
কি উদ্দেশ্য নবাবের হইবে সাধন ?  
কোথায় আনিলে, মাগো ! এবে রুদ্ধ-শ্বাস  
হতেছে আমার ! হেথা সব রুদ্ধ, মুক্ত  
কিছু নয় ! রুদ্ধ আলো, রুদ্ধ বায়ু, রুদ্ধ  
সৌন্দর্য্য কৃত্রিম । হেথা এক কি-যেন-কি  
আলোকে আঁধার !! হেথা সম্পদের দস্ত,  
ব্যক্তভরে হাসি' স্বার্থ-পরতা জাগায়—  
পরার্থ-ডুবায়, হায়, নিশ্চয়তা আনি  
মানব-হৃদয়ে !

( চতুর্দিকে দৃষ্টিপাত করিয়া )

কই—কোথায় নবাব ?

অই মুক্ত বাতায়নে, পাই যদি—দেখি

মুক্ত প্রকৃতির শোভা ।

( বাতায়ন-পার্শ্বে গিয়া দণ্ডায়মান )

[ সিরাজের প্রবেশ ও সহসা স্তব্ধ ও সঙ্কুচিত ভাবে দ্বারদেশে  
পিছাইয়া দণ্ডায়মান ।

সি । ( স্বগত ) একে—এ রমণী ?

একি রূপালোক !! আহা ! ও রূপ-প্রভায়,  
দীপ্তিহীন—নির্ক্ষাপিত—দীপ্ত দীপালোক !—

নির্ক্ষাপিত—এ হৃদয়ে রূপ-তৃষা-শিখা

ভয়ঙ্করী ! এ বিলাস-কক্ষে, অই মোর

অতীতের কার্য ঘোর—জীবন্ত চিত্রিত !!

এ হৃদে খুলিত হেথা, নারী-আর্তনাদে

সুখের দুয়ার ! কিন্তু, এবে হেরি অই

অলৌকিক নারী-মূর্তি, গেল ঝলসিয়া

আঁধি ! কাঁপে পদ—শিহরিয়া উঠে প্রাণ !

ক । ( অধৈর্য্যভাবে কক্ষ-মধ্যস্থলে আসিয়া )

রুদ্ধ-কক্ষে, রুদ্ধ আর রহিতে না পারি,

নাহি কিছু স্বভাব-সুন্দর হেথা ; সব

কৃত্রিমতা !—প্রাণহীন সৌন্দর্য্য-বিকার !!

এই সব বৈভবের বীভৎস ব্যাপার—

হেরি মোরে—যেন উচ্ছে হাসিছে বিকট !

চলিলাম—মাগো ! দেহ পথ দেখাইয়া ।

( প্রস্থান করিতে দ্বারে সিরাজকে দেখিয়া )

কে তুমি দাঁড়ায়ে ? বল কোথায় নবাব ?

সি । আমিই নবাব ।

ক । তুমি ?—তুমিই নবাব ?

এ রাজ্যের রাজা—দণ্ডধর—তুমি ? তুমি

বঙ্গ-প্রজাকুল-পিতা ? বঙ্গ-নারীকুল-

কুলধর্ম-রক্ষাকর্ত্তা তুমি ?

সি । আমি ;—আমি

বঙ্গপতি । কেবা তুমি ?—নারী নহ কভু !

ক । সন্ন্যাসিনী ।

সি । সন্ন্যাসিনী !!—কি হেতু হেথায় ?

ক । না জানি কি হেতু । নাহি জানি কেন হেথা,

কি কার্য্যে আমাবে, পাঠায়েছে রুদ্রপাল ।

শুনিলাম—মোর তরে নবাব-আদেশ ;

তুমিই নবাব যদি, কহ তব কিবা

প্রয়োজন ?

সি । প্রয়োজন !!

ক । আমা হতে হয়

যদি সংসাধন, কহ, করিব পালন ।

সি । এ-কি-এ স্বপন !

ক। হে রাজন ! জীবে হিত—

ব্রত রমণীর। তুমি রাজ্যেশ্বর ; তব  
হিতে—প্রজাহিত। তব কার্য্য—রাজকার্য্য-  
মাতৃকার্য্য, প্রাণ দিয়া করিব সাধন।

সি। পারিবে না—পারিবে না তুমি সন্ন্যাসিনী,  
সাধিতে বাসনা মম—বিকট—উৎকট।

দিব্য জ্যোতির্ম্ময়—শাস্তিময়—তুমি স্বর্গ !  
সে কার্য্য—নরক, ঘোর বীভৎস—ভীষণ !!

ক। নারিহু বুঝিতে।

সি। কাজ নাই বুঝি আর।\*

ক। কি কার্য্যে আহ্বান, কহ, কি উদ্দেশ্য তব।

সি। সে উদ্দেশ্য নাহি আর।

( স্বগত )

\*নহে ত মর্ত্তের

মানবী ! মহিমময়ী ত্রিদিবের দেবী—

সরলতা মূর্ত্তিমতী ! স্বতঃ এ মস্তক

নত—অলৌকিক অপরূপ রূপালোকে

অই ! সে দারুণ তৃষা মম—সে কামনা

গিয়াছে চলিয়া ! সেই বিকট বীভৎস

ঘোর অতীতের তমোরাশি নাশি, এবে

যে শাস্তি বহিল হৃদে, হ'ল তৃপ্ত—শাস্ত,

অতৃপ্ত—অশাস্ত হৃদি ! গেছে সে বাসনা





প্রজার কল্যাণে, সাধ কল্যাণ আপন,—

হে রাজন্, হইবে মঙ্গল তব । চলু—

( স্বগত )

চলিলাম—দেখাও জনৈনি, মহাপথ

মোহমুগ্ধ ভ্রান্ত এ ভূপালে ।

[ প্রহরীর পশ্চাতে কপালিনীর প্রস্থান ।

সি । ( ক্ষণেক স্তম্ভিতভাবে থাকিয়া ) মুহূর্ত্তেকে

কি এক প্রলয় গেল বহিয়ে হৃদয়ে !

মুহূর্ত্তেতে আলোড়িত ভূত ভবিষ্যৎ-

বর্ত্তমান মম ! মুহূর্ত্তে এ কালব্যাপী

পশুত্ব-প্রভাব, নারী-হৃদি-শক্তি ওই

দিল ভাসাইয়া ! গেল দিয়া দেখাইয়া

প্রেতত্ব—পুরুষে স্নধু, দেবত্ব—নারীতে ।

হিনু ঘোর অন্ধ । প্রজ্জ্বলিত কামানলে

দিয়াছি আহতি, করি সংসার-বিচ্ছিন্ন—

বিদগ্ধ—বিকৃত,—যত কামিনী-কুসুম ।

পাইনি হেরিতে সুরা-মোহে, মাতৃ-মূর্ত্তি

রমণীর ! আজি নারী—মাতৃ-রূপে নাশি

তমোরাশি—যে আলোক জ্বলিল হৃদয়ে,

জাগিল এ প্রাণ ;—ভাঙ্গি গেল মোহ-স্বপ্ন ।

বুঝিলাম, মিথ্যাময় এ সংসার—পূর্ণ

কপটতা । বুঝিলাম, মিত্র যারা—শত্রু

তারা ;—চাহে মোরে, চিরতরে ঘোরাঁধারে  
রাধিতে ডুবায়ে । না—না, অন্ধ নহি আর ।

[ প্রস্থান ।

## তৃতীয় অঙ্ক ।

পঞ্চম দৃশ্য ।

স্থান —মুরশিদাবাদ—বেগমমহল—মনিয়া বেগমের  
সুসজ্জিত কক্ষ ।  
সময়—নিশীথ রাত্রি !

অলঙ্কার খুলিয়া ফেলিতে ফেলিতে বিবশা হইয়া মনিয়া বেগমের  
প্রবেশ ও অলঙ্কার কুড়াইয়া পশ্চাতে বাদীর প্রবেশ ।

ম । নে বাঁদি,—চাহি না আর, অঙ্গভার—যত  
ছার রত্ন-অলঙ্কার ।

বা । কি কর এ, বিবি ?—  
বস'—ব্রিঙ্ক গোলাব সিঙ্কিয়া—

ম । চিতানল  
নিবাবি নীহারে ? ঢালি মদিরা—গরল,

দে' চিতা দ্বিগুণ জালি । জালায়—এ জালা  
জুড়াবে লো তবু দগ্ধ-হৃদে ।

বা । ( সুরাপূর্ণ পাত্র হস্তে দিয়া ) করি পান,  
নিদ্রা যাও, বিবি !

ম । ( পান করিয়া ) আঃ ! আঃ রক্তপান করি  
আগে, নিদ্রা—তার পর—নিদ্রা একেবারে ।

বা । শান্ত হও এবে ।

ম । হা-হা ! একেবারে হব  
শান্ত ! হব শান্ত,—প্রতিশোধ-রক্তে পাব  
শান্তি হবে ! আরে রুদ্রপাল ! ভেবেছি—  
এতদিনে পাপানলে গিয়াছি জলিয়া ?  
না-না, ছিছু এতদিন মত্ত মাতোয়ারা  
রূপ-মোহে । হতাশ-হতাশ-তাপে, গেছে  
টুটি স্বপ্ন-ধাঁধা । মরি নাই ; মরিতাম—  
যদি প্রতিহিংসা ঘোর ক্রকুটি করিয়া,  
রক্তমাখা ছুরি-ধারে না খোদিত এই  
হৃদে, “অগ্রে প্রতিশোধ—মরণ পশ্চাতে ।”

[ খোজা-সাজে রুদ্রপালের শঙ্কিত-পদে প্রবেশ ।

রু । মনোরমা !—

ম । হা-হা—হা-হা !

রু । ভগিনি ! একি—এ ?

ম । কে—ভগিনী ? এ—প্রতি-নী !!

রু। কেন এ আহ্বান ?

ম। রক্ত—রক্ত তরে ।

রু। কি প্রলাপ ! বিলম্বে যে  
ঘটিবে প্রমাদ । বল, কিবা প্রয়োজন ?

ম। রক্তে—রক্তে প্রয়োজন ।

রু। আরে অভাগিনি !  
হয়েছিস্ উন্মাদিনী ?

ম। আমি অভাগিনী ?  
সিরাজ-প্রেমসী আমি—নবাব-মহিষী—  
আমি, অভাগিনী ? অন্নদাস—ক্রীতদাস  
যবনের যেই, হো-হো । ভাগ্যবান্ সেই !

রু। অন্নদাস—রাজা রুদ্রপাল ? কি, রাফসি ।  
ছিলি পর-ভোজী ; দিয়াছি এ কৃপা করি  
রাজ-ভোগে ; তাই স্পর্ধা এত ? কি করেছি-

ম। কি করেছি ? করেছিস্—না পারে মানুষে  
যাহা ! করেছিস্—নিজ ভগিনীকে ভোগ্য  
যবনের !! করেছিস্—হিন্দু-বিধবারে  
টানি ধর্ম-স্বর্গ হতে—কীট নরকের !!  
কি চাস্ করিতে আর ? আরে রে পিশাচ ।  
মুণ্ডপাত করিতাম কবে—সিরাজের  
মূর্ত্তি ওই, না মোহিত যদি এই প্রাণ ।

রু। মনোরমা !—ভগ্নি !

ম । কেন অই সঙ্কোচনে,  
শৈশবের সে পবিত্র স্বর্গ-ছায়া, দিস্  
দেখাইয়া এ নরকে ?

রু । কেন—কেন আর ?—

ম । কেন উচ্চ স্বর্গ হতে, দিয়াছিষ্ ফেলি  
এ নরকে ? কেন এ নরক-মরুভূমে,  
রূপাগ্নি-মরীচি-মায়া জালে তুষা হৃদে ?  
কেন এ তুষায় যায় প্রাণ ? কেন প্রাণে  
এ দারুণ নিরাশা-দাহন ? নিরাশায়—  
জলে প্রতিহিংসা ভয়ঙ্করী !! বিনা রক্ত,  
নাহি হবে তৃপ্ত প্রতিহিংসা-তুষা কভু ।

রু । থাক—চলিলাম তবে ।

ম । না—না, সব মিথ্যা ।  
আসিয়াছ, ভ্রাতঃ ? বস' । করেছ আমারে  
রাজ-রাণী ; তাই ভাবি—উন্মাদিনী আমিঃ  
হের মম বিপুল বিভব ; ভ্রাতা তুমি,  
দিতে তোমা ধন-রত্ন, ডেকেছি গোপনে ।  
বস'—আনি রত্নরাজি ।

[ কক্ষান্তরে প্রস্থান ।

রু । কি বলে পিশাচী ?

হয়েছে পাগল এ বে ! হ'ল না—হবে না—  
সে উদ্দেশ্য এ হৃদে সাধন আর । এবে ।

রাখিলে হেথায়, গুঢ় কথা পারে কিস্তা  
করিতে প্রকাশ । কাজ মূই,—করি যাই  
শেষ এর । নিজ ভগ্নী, তাই কি কাঁপবে  
কর ?—কভু নয়—কভু নয় । এই কব  
রঞ্জিত রুধিরে নিত্য । এ রক্ত-কালিমা  
করিব প্রপাচ্ আজি,—রমণী—ভগ্নিনী-  
রক্তে ! কাল-সিঙ্হু-নীবে, নারিবে—নারিবে  
কভু তুলিতে এ কালি !

[ খুদ্যাপূর্ণ পাত্র হস্তে মনিষাব পুনঃপ্রবেশ ।

ম । ( স্বগত ) এনেছি এ খাণ্ডে

বিষ—বিষ—তীব্র বিষ ; প্রতিহিংসা-বিষ  
হবে নিষাপিত !

( প্রকাশ্যে ) ধব, ভ্রাতঃ । ভগ্নী-গৃহে,  
কর অগ্রে মিষ্টমুখ ।

রু । ( খাণ্ডপাত্র নিষ্ক্ষেপ করিয়া ) শয়তানি । হবে  
মিষ্টমুখ, আর—উষ্ণ-রক্তপানে তোর ।—

( লুকাইত স্মৃতীক ছোরা বাহির করিয়া )  
মনিষার বক্ষে বসাইবার উপক্রম )

( নেপথ্যে )

আসেন হেথায়—ধনে রূপে অদ্বিতীয়,  
প্রতাপেতে পরম্পর বঙ্গ-অধীশ্বর । ..

ক। (সচকিত সঙ্গতভাবে পশ্চাতে হটিয়া)

আসিছে নবাব—হেথা ॥—

[ ছোরা ফেলিয়া অন্তর্দিক দিয়া বেগে প্রস্থান ।

[ অন্ত্যমানে সিরাজের প্রবেশ ।

मि ।                      मनिष्ठा !—मनिष्ठा !

ম। ( ভূমে অর্ধ উপবেশন অবস্থায় )

কে তুই আবার ? খুলি নরকের দ্বার,  
এসেছিস লগ্নে যেতে মোরে ?

সি ।                      প্রিয়তমে !

তাজি তদ্রা ভাস স্বপ্ন ।

ম। (দণ্ডায়মানা হইয়া) স্বপ্ন গেছে ভান্দি ;

নিরাশায়—গেছে নেশা ছুটি।

সি। (মনিয়ার বিকৃতভাব দর্শনে সবিস্ময়ে)

## কেন জ্বলে

আজি ও কটাক্ষে চিতা-শিখা ? কেন—কেন

বিবসনা—বিবশা, সুন্দরি ? প্রাণেশ্বর !

### কেন উম্মাদিনী-অটুহাসি ?

३ । उन्नादिनी—

নিতে প্রতিশোধ !

সি ।                      সাবধান, রে মনিয়া !

ভুলেছি—নারী-হৃদি দলিতে এ পদে,

हिन कि उल्लास ह्यदे ? मनि कथु हून्,

মনিয়া-প্রহনে রেখেছিহু কেন মৃত  
সমতনে ?—ছিল মধু-কণা ক্ষুদ্র প্রাণে ।  
অকারণে, কেন বিষ তুলিলি স্মৃদায় ?  
লভি অধিকার, কেন ভুজঙ্গী-স্পর্শায়  
এত আক্ষালন ? আয় হৃদে ;—কি করেছি—  
চাস্ প্রতিশোধ ?

ম । করেছিহু সর্বনাশ—

ধর্মনাশ ; হা-হা ! ইচ্ছা এবে প্রাণ-নাশে ।

আশায় মাতারে, ও মোহন-চাঁদ-রূপে  
নাচায়ে তটিনী গুরু—করি কল্লোলিনী  
তরঙ্গিনী, কেন সে তরঙ্গে জ্বালাটিলি  
নিরাশা-বাড়বানল ? ও রূপ-সাগরে,  
আত্মহার্য প্রেম-প্রবাহিনী—প্রাণ কেন  
না পায় মিশাতে ?

( রুদ্রপাল-নিষ্কিণ্টু ছোরা হস্তে তুলিয়া )

আলিঙ্গন এ ছুরিকা—বাবে সব তুষা !

সি । বুঝিহু, মনিয়া—ভুজঙ্গিনী !!

ম । ভুজঙ্গিনী—

নিরাশা-গরলে । হা-হা ! কি নির্বোধ মূর্খ  
বজ্রের নবাব । ভ্রাতা মোর রুদ্রপাল—

সি । কি—কি, ভ্রাতা—রুদ্রপাল ?

ম । নহি পত্নী—ভগ্নী

তার আমি ।



সি। পত্নী ~~ক~~—সে ?

ম। রাণী মহামায়া ।

সি। না করিস্ এ বঞ্চনা ।—রুদ্রপাল করে  
প্রতারণা ? না—না; না বলিস্ মিথ্যা, আরে  
শয়তানি !

ম। 'মিথ্যা সব ! মিথ্যা তবে— পশি  
এবে এই গৃহে, চায় রাজা রুদ্রপাল  
সিরাঙ্গ প্রেমসী-প্রাণ এই ছুরিকায় ?  
মিথ্যা সব । সত্য—প্রতিহিংসা !! সত্য—  
এ ছুরিকা !! সত্য—সত্য অগ্রে ভ্রাতৃরক্তে  
প্রতারণা-প্রতিশোধ !! সত্য—সত্য পরে  
তপ্ত রক্তে প্রাণেশ্বর—নিরাশা-তর্পণ !!  
সত্য—শেষে এই হৃদি-রক্তে, মনিয়ার  
জালা-শেষ—সব শাস্তি !! সত্য—মূর্থ এই  
বজ্রের নবাব !! হা-হা !—হা-হা ! বাই তবে,  
হৃদয়েশ ! মাখি ভ্রাতৃ-রক্ত, আসি দিব  
আলিঙ্গন !

[ বেগে প্রস্থান ।

সি। কি বলিল এ সর্পিনী ? একি  
প্রহেলিকা ! তবে সত্য এ কি সব ?—তবে  
খুঁত রুদ্রপাল-করে, বজ্রের নবাব  
আমি—আমি প্রতারিত ? গৃহে পশি চোর,

না পারি হরিতে মোর মনিয়া রতনে—  
গেছে করি উন্মাদিনী তাবু! এ চাতুরী-  
প্রতিফল, পাবে প্রতারক। এই করে  
বিশ্বাস-ঘাতকে আজ দিব প্রতিশোধ।

[ প্রস্থান ।

## তৃতীয় অঙ্ক ।

ষষ্ঠ দৃশ্য ।

স্থান—মুরশিদাবাদ-নগরপ্রান্তভাগ—উচ্চ নদীকূল—  
নিম্নে খরস্রোতে ভাগিরথী প্রবাহিতা ।  
সময়—ঘোর মেঘাচ্ছন্ন সন্ধ্যা ।

সমরলাল দণ্ডায়মান ।

স । রমণী—পাষাণী । গাও উচ্চে তুলি তান—  
গাও সবে বিশ্ব-প্রাণী—রমণী —পাষাণী !!  
গাও, প্রভঞ্জন, গাও গভীর গর্জনে  
ঘোব প্রতিধ্বনি-মুখে—রমণী—পাষাণী !!  
ধরি বক্ষে এ সঙ্গীত, তরঙ্গ তরঙ্গ  
ঢাল, গদগদ, সিঁদু-হৃদে, উজ্জ্বল উচ্চাসে

আলোড়ি অকূল-হৃদি, প্রলয়ের তানে  
 উঠুক এ প্রতিধ্বনি—রমণী—পাষণী !!  
 এ' ঘোর সঙ্কীত-প্রতিধ্বনি-ঘাতে, চূর্ণ  
 হ'ক একেবারে স্বর্গ-মর্ত্য-রসাতল !  
 থাকে স্রষ্টা—বিধাতা বা কেহ, ভেঙ্গে যাক,  
 সে নিশ্চয় হৃদি—মর্শ্বেভেদ্য এ সঙ্কীর্ণ  
 তরঙ্গ-আঘাতে । দাঁড়া—বিশ্ব, স্বর্গ, মর্ত্য ;—  
 দাঁড়া—জল, স্থল ; সাক্ষী রও—চন্দ্র, সূর্য্য,—  
 রও সাক্ষী—বসুন্ধরা ; রমণী-চরণে  
 সমর্পি জীবন—ভাগীরথী-গর্ভে করি  
 দেহ বিসর্জন । ধর, গঙ্গে ! এ সংসার  
 নাহি দিল স্থান—দাও স্থান, ভাগিরথি !  
 দেখ্ রে পাষণি !—

( নদীগর্ভে পতনোত্তত )

[ সহসা ব্রহ্মচারীর প্রবেশ ।

ব্র । ( সমরের হস্ত ধরিয়া ) একি !—কি কর, সমর ?

স । কিছু না ; কে তুমি ? হেত্র—রমণী-পূজার  
 এই পরিণাম !

ব্র । ছি-ছি ! ছব' না—সমর !—  
 প্রাণাধিক !

স । কেবা তুমি—শৈশবের স্বপ্ন-  
 ছায়া, কেন এ জাগাও ? এই শুন—শুন

জননী-আহ্বান । স্থান না দিল সংসার ;—  
 মাতৃ-বক্ষে লভেছি আশ্রয় । দিও না এ  
 বাধা—জালা জুড়াইতে ; যাও—হে সন্ন্যাসী !  
 ব্র । আত্মহত্যা অভিলাষ !! • ছি-ছি ! এ মরণে  
 নাহিক মঙ্গল তব । হের, মৃত্যু অই  
 সহস্র নরক খুলি বীভৎস বিকট,  
 হাসে ঘোর অট্টহাসি বিকৃত ভীষণ !  
 এ মরণে নিভিবে না জালা ;—হবে মাত্র  
 জীবন্ত যন্ত্রণা !! যার তরে চাও মৃত্যু,  
 ছায়া স্তার ও নরকে না পাবে হেরিতে—  
 না পাবে স্মরিতে কভু স্মৃতি তার—ঘোর  
 জালার জলনে ।

স । এ মরণে, স্মৃতি তার  
 না পাব স্মরিতে ? , তবে হ'ল নাক মরা ;—  
 বৃথা এ মরণ ! না—না, এ মৃত্যু—অসহ  
 চাই মৃত্যু—যাহে সেই স্মৃতি, দিবে ঢালি  
 শাস্তি-সুখা প্রাণে ।

ব্র । এস তবে—অই পথ  
 জ্যোতির্ময় ! অই পথে, হের, দাঁড়াইয়া  
 ডাকে তোমা মহামায়া ।

স । ডাকে মহামায়া !  
 আমান সে মহামায়া—ভাঙিছে আমার

অই পথে ? যাক—স্বপ্ন-যাক ভেঙ্গে ।

ও পথে কেমনে যাব ?

ব্র ।

আছে অই পথে,

লইতে তোমার কোর্সে, কোটি নারী-রূপে

দাঁড়িয়ে আপনি মহামায়া ! অই পথে,

নর-নারী নাহি ভেদাভেদ ! অই পথে,

প্রবাহিত প্রেম-শক্তি-আনন্দ অকুল !

অই পথে, প্রেম-নেত্রে হাসিবে ভুবন,—

ভাতিবে তপন হৃদে,—নাহি র'বে কভু

অঁধার-স্বপন । এস—এস—মহাজন !

অই পথে—মাতি মহাপ্রেমে, ত্রিসংসার

কর একাকার ;—দিবে কোল মহামায়া ।

স । কেমনে পাইব শক্তি, অন্ধকার নাশি

পশিতে ও পথে ?

ব্র ।

শক্তি—আপন হৃদয়ে ।

চাহি—চিত্ত-সংযমনে সে শক্তি-সাধন ;—

টুটিবে মোহের ভ্রম ; স্বতঃ আলোকিত

হবে পথ । পূজ, বৎস, এবে মহামায়া

মহাশক্তি ; বিকাশিয়া অঁধারে আলোব

রমণী—জননী-মুখি ভাতিবে হৃদয়ে ।

ভয় হবে নাশ ; নব-জীবন লভিবে ।

এস, বৎস, মোর সাথে—করিতে গ্রহণ

মাতৃপূজা—মহামন্ত্র, হবে শাস্তি লাভ ।

[ প্রস্থান ।

স । ( কণেক নিমন্ত্রণভাবে দীণ্ডায়মান থাকিয়া )

কি যেন জলদ-ছায়া যেতেছে সরিয়া,

এ হৃদি-অাকাশ হতে ! অমায়ুধী মূর্তি

ধরি—ধরি এ অঁধারে কি-এক আলোক,

ও-যে দাঁড়াইয়া মহামায়া ! আর ও-কে

যোগিনী-রূপিণী—দিয়া প্রাণ, মুছি অশ্রু—

জ্যোতির্ময় মহাপথ দেয় দেখাইয়া !

ভাঙ্গি স্বপ্ন, দেখি হৃদে—কে আমি--কোথায় ।

[ অদূরে বৃক্ষমূলে ধীবে উপবেশন ।

[ কপালিনী ব প্রবেশ ।

ক । ( স্বগত )

আহা ! সে মানব অই বসি বৃক্ষমূলে,—

পাঠালেন পিতা মোর বাহার উদ্দেশে,—

সংজ্ঞাশূন্য—চিন্তাময় ! ভাবময় শাস্ত

অকূল জলধি, যথা ঝটিকা-প্রভাব

হলে প্রশমিত । আলোড়িত গিরি-গর্ভে,

অগ্নি-উর্ধ্ব-মালা যেন শাস্ত—নির্কাপিত !

ভেদি ভ্রাস্তি-কুহেলিকা, জ্ঞান-ভাঙ্গ-প্রভা

স্তম্বিত করেছে নরে ।

[ প্রকাশ্যে ]

কি চিন্তায় মগ্ন

এবে, হে মানব ? হের, দিব্য মহাপথে  
জগৎ-জননী অই ডাকেন সন্তানে ।

স । ( চমক-ভঙ্গে দণ্ডায়মান হইয়া )

কে তুমি গো দেবি ? কোথা মাতা—অন্ধে দাও  
দেখাইয়া ।

ক ।

দেখ অই নয়ন উন্মীলি

সুশ্রামল হৃৎকাদলে, সুনীল আকাশে,  
জলে-স্থলে, ফুলে-ফলে—মহাশক্তি, আব  
শক্তির বিকাশ ! বিশ্বময়ী শক্তি এই ;  
বিশ্ব-রূপী মাতা । কর চিন্তা, যেই শক্তি  
হতে—মাতৃ-বক্ষে, ক্ষরে সুধা-ধারা ; যেই  
শক্তি হতে—বৃক্ষে ফুল, ফলে পরিমল-  
সৌরভ-বিকাশ, ফলে শাখে জীব-প্রাণ ;  
যেই শক্তি হতে—গ্রহে উপগ্রহে, সৌর-  
জগতে জগতে ছুটে প্রেম-আকর্ষণ ;  
যেই শক্তি হতে—চন্দ্রে রশ্মি, সূর্য্যে জ্যোতিঃ,  
মেঘে জল, জলে শ্রোত, অনলে উত্তাপ,  
জীবে তৃণ-জন্ম-মৃত্যু ;—কর—কর চিন্তা  
সেই মহাশক্তি । সৌর-জগৎ-মালিনী,  
চন্দ্র-কিরীটিনী, জগন্ময়ী মহামায়া  
ডাকেন তোমায় । এস—এস—হে মানব !

হও অগ্রসর, অই কৰ্মক্ষেত্রে, কৰ্মে  
করু মার পূজা ।

স। দেবি! খুলিয়ে এ অঁধি,  
দেখাইলে মাতৃমুক্তি মহা । দেখাইয়া  
দাও এবে কিবা কৰ্ম—কৰ্মক্ষেত্র কোথা ।

ক। ত্যজ চিন্তা । হের মহাপথে—মাতৃভূমি  
এই কৰ্মক্ষেত্র তব । ভুলি মাতৃ-পূজা—  
মহাশক্তির সাধনা, জড়ত্বে বিকল  
মায়ের সন্তান । স্মৃশ্রামল মাতৃ-হৃদি  
হের কি ভীষণ প্রেতভূমি !! কৰ্ম তব—  
এ শ্মশানে মাতৃপূজা শক্তির সাধনা ;  
শুন ভগ্নী আৰ্ত্তনাদ ; ভ্রাতার নির্বাক  
নিরাশ-ক্ৰন্দন !! হের—মৰ্ম্ম-বজ্রণায়  
নারী-হৃদি দ্রবি, দীপ্ত-বহ্নি-অশ্রু-জল  
নিঃশব্দে নীরবে ঝরি বিন্দু-বিন্দু—কিবা  
অগ্নিময় ভয়ঙ্কর বিপ্লব-পাথার  
করেছে সৃজন ! দাও নিভায়ে অনল ।  
ডাকেন জননী অই ! এস—নরমণি !  
হও কৰ্ম্মবোগী বীর ইন্দ্রিয়-বিজয়ী ।

স। বিশ্বতি ভাঙ্গিয়া—ভাঙ্গি মোহ-স্বপ্ন, দিলে  
জাগাইয়া দেবি, এ যে মাতৃভূমি-মুক্তি !  
যে হৃদয় ছিল ঘোর হতাশন-চিত্তা,



কি-জানি-কি তব মস্ত্রে আজি সে অনল  
গলি, তপ্ত-অঁধি-ধারে পড়িল ধরায় ।

ক । তবে চল, মহাজন ! পূজিগে মায়েরে  
সাজাইয়া শতদল-হারে । জগন্ময়ী মাতা  
সর্বভূতে বিরাজিতা । তুলিগে কমল—  
চল । এস—গাঁথি মালা, উন্মি-মাক্সা-ময়ী  
প্রবাহিণী-বক্ষ-বাহী মরাল-মরালী-  
গলে দিই পরাইয়া, চির-শোভাময়ী  
মার মোর বাড়িবে কতই শোভা ! দিব  
তব গলে কমল-কোরক-মালা—মার  
কার্যে মহাব্রতে ব্রতী আজি তুমি, ওহে  
সুন্দর মানব—মহাজন ! প্রাণ দিয়া  
পূজিগে মায়েরে—এস ।

[ অশ্রু মুছিয়া সহসা প্রস্থান ।

স ।

কারব এ পূজা ।

কিস্ত কোথা বালা ? মূর্তে দিয়া প্রাণ, ফেলি  
অশ্রু—কেবা এই বালা সহসা কোঁথায়  
হল অন্তর্হিতা ?—এ কি প্রহেলিকা ? হায় !  
কে শিখাবে মহামায়া-মহাশক্তি-পূজা ?  
অই মর্গ-ভেদী ভ্রাতা-ভগ্নী-আর্জনাৎ  
পশিছে এ প্রাণে !

[ চণ্ডদেবের প্রবেশ ।

চ ।

এস এবু—এস ভাই ।

গুরুদেব করেন আস্থান । চল তবে,  
চল লবে মহাদীক্ষা—মাতৃ-সেবা-ব্রত ।  
হের—দলে দলে অই যবন-পিশাচ,  
অকারণ ক্রাতৃদলে করে নির্যাতন ;---  
দলে ভগিনীর প্রাণ—সতীত্ব-কুসুম !  
নীরবে ফেলিয়া অশ্রু মরম-জ্বালায়,  
সমর্পিয়া প্রতিশোধ পুরুষের করে,  
মরে, হাঁয়, কত ফুল বঙ্গ-কুল-বালা—  
প্রেত যবনের কোলে । জাগ, এস, ভাই  
পূজিগে মায়েবে, দিয়া বলি ও থর্পরে  
যবন-অধমে । মোর মায়ের সন্তান ; —  
সন্তানের ব্রত আজি করহ গ্রহণ ।  
এস মার ছেলে—চল করি মাতৃ-পূজা ।

[ সমরলালের হস্ত ধবিয়া প্রস্থান ।

# চতুর্থ অঙ্ক ।

প্রথম দৃশ্য ।

স্থান—আজিমগঞ্জ—রাজা রুদ্রপালের প্রাসাদ অন্তঃপুর-  
সুসজ্জিত কক্ষ ।

সময়—অপরাহ্ন ।

—  
মহামায়ার প্রবেশ ।

ম। শূন্য কক্ষ । শূন্য এ হৃদয় । এতদিনে  
বুঝিলাম—বিনা পতি, পূর্ণ নহে নারী ।  
এ জগৎ স্থাপি হৃদে, তবু নাহি পূরে  
প্রাণের শূন্যতা—সেই কি-এক অভাব !  
পূজা অগ্রে, ধরে যথা মূন্ময়ী-প্রতিমা  
কি-যেন-কি শূন্য-ভাব—দেবত্ব-অভাব ;—  
না পূজিলে পতি-দেবে, অভাগী নারীও  
তেমতি—দেবত্ব-শূন্য অভাব-মূর্তি !!  
দাও শক্তি হৃদে, মহাদেব ! ইষ্টদেব-  
পতি-ধ্যানে মজি, পারি যেন মুছাইতে  
সেই কাল-স্বতি-ছায়া ।

[ রক্তপালের প্রবেশ ।

- রু। (সবিস্ময়ে) কে হেথা রমণী ?
- ম। অষ্ঠাগিনী মহামায়া ;
- রু। (অশ্রুমনে) মহামায়া ?—হেথা ?
- ম। আসিয়াছে দাসী, প্রভু, পতি-দরশনে ।
- রু। কি কাজ, ছলনে ?
- ম। ছরাশায় মজি, মৃত্যু  
আনিও না আর ।
- রু। নহে মৃত্যু । উচ্চাশায়  
উচ্চ-মস্তে, লভিয়াছি এ উচ্চ জীবন ।  
আজি এ নক্ষত্র, কালি—হেরিবে জগৎ  
সূর্য্যে পরিণত । আজি ভালে বঙ্গ-রত্ন,  
শোভিবে এ শিরে কালি—ভারত-ভূষণ ।  
প্রতিষ্ঠিব হিন্দু-রাজ্য ; দেখিবে তখন—  
বৃথা নাহি করি এই কলঙ্ক-বহন ।
- ম। দেখিছ স্বপন, দেব । রাজ্য-সংস্থাপনে,  
চাহি হৃদি-ধর্ম-বল—মহাশ্ব আপন ;  
অধর্মের কি পণ্ড-বলে, কভু নাহি হয়  
সাম্রাজ্য-স্থাপন । এবে অধর্ম ত্যজিয়ে,  
ধর্ম লয়ে কর্মে হও ব্রজী ।
- রু। নারী তুমি ;  
পুরুষের কর্ম বুঝি আমি । নারী-হৃদে

করুণা-মমতা যেথা, সেথা কৰ্ম-চক্রে  
 পুরুষের করে অধু কৰ্ম-কঠোরতা ।  
 তান্ত্রিক যেমতি, দিয়া পশু-বলি, করে  
 পূজা ইষ্টদেবে—অধু স্বর্গ-কামনায় ;  
 আমিও তেমতি, উচ্চাকাঙ্ক্ষা-মহামন্ত্রে  
 দিয়া বলি নর-নারী, করি মহাযজ্ঞ—  
 সংস্থাপিতে হিন্দু-রাজ্য । রমণী ভূলাতে  
 ধর্ম সৃষ্টি—ধর্ম কর তুমি ; পাপ হ'ক—  
 পুণ্য হ'ক, পরিকৃত কৰ্ম-পথ মম ।  
 স্থাপিব সাম্রাজ্য—তুমি সম্রাট মহিষী—  
 ম । না চাহি, স্বামিন্, কতু সাম্রাজ্য-সন্তোগ ।  
 পরিহরি পাপ-কৰ্ম, এস ধর্ম-পথে,  
 নাথ ! বিলাইয়া রত্ন-ধন, এস করি  
 পলায়ন—যেথা নাহি স্বার্থ-কোলাহল,  
 দুঃশা-স্বপন্-ছল । এস, এ সংসার-  
 দূরে—গিরি-হৃদি-শোভী নিৰ্ম্মরিণী-ধারে,  
 বসিয়া দু'জনে, যথা কপোত-কপোতী—  
 গাব ধর্ম-গীতি । এস, দূরে—দাঁড়াইয়া  
 জনহীন বেলাভূমে, গাব সিদ্ধ-সনে  
 অনন্ত সে প্রেম-গাথা ।

রু ।

রাণি ! বুঝা আশা ।

এই হৃদি-সিদ্ধ, ঘোর প্রভঞ্নে করে

আলোড়ন !—অই মূছ অলির শুঞ্জন  
 না পারে পশিতে হেথা । ছিল বটে দিন—  
 যবে ও মোহন মস্ত্রে পারিতে নিবাত্তে  
 বাসনার দাবানল,—ধর্ম-কর্ম সব  
 পুড়ি যাহে এ হৃদয় করেছে শ্মশান ।  
 জ্ঞান না কি মহামায়া ! তোমারি কারণে,  
 কামনার দারুণ অনল জলেছিল  
 জ্বদে ? কি বুঝিবে তুমি —কত জ্বালা ছিল  
 তার !—সেই দাবদাহে, কি ঘোর আগ্নেয়  
 উৎস উঠেছিল—এই হৃদয় ভেদিয়া !!  
 পাইয়া তোমারে-সেই সে জ্বালা জুড়াতে,  
 "কার্য্যাকার্য্য নাহি ভাবি, জ্ঞান তুমি, কিবা  
 ভয়ঙ্কর কার্য্য আমি করেছি সাধন ।  
 পেয়েছি তোমারে ! কিন্তু, মিটে নাই সাধ—  
 শুধু কালকূট কণ্ঠে করেছি ধারণ ।  
 হও নাই ধর্ম-পত্নী—শুধু বাড়ায়েছ  
 দারুণ পিপাসা প্রাণে । করেছে পিশাচ  
 কে আমারে ?—সে ত তুমি !! দ্বাদশ বৎসর,  
 অতৃপ্ত এ বাসনায় ইন্ধন-সংযোগে,  
 বাড়ায়েছ কালানল । উচ্চাশা-অনলে  
 সেই, এবে এ বন্ধের হইবে আহুতি ।—  
 তুমিই নিমিত্ত তার—

ম ।

স্বামিন্ ! নিশ্চয় !

মজ্জিও না—মজ্জাও না আর । কর রক্ষা  
এ প্রলয় হতে । কিবা রাজ্য চাহ, প্রভু ?  
এই হৃদি-রাজ্য তব ;—কভু নাহি হেথা  
বাসনা-বিবাদ, নাহি সম্পদ-প্রমাদ ;  
পাবে নিত্য শান্তি-সুখা ।

কু ।

রাগি ! প্রাণেশ্বর !

এতদিনে বুঝেছ কি আপনার ভ্রম ?

ম ।

প্রাণেশ্বর ! করিও না আত্ম-প্রবঞ্চনা ।  
চাহে না—চাহে না দাসী কভু স্বর্গ-সুখ ;  
যাচে ধর্ম ভিক্ষা ধর্ম-পত্নী তব, নাথ,  
পূজিতে ও পদযুগ । পূরাও বাসনা—  
পত্নীর প্রার্থনা, প্রভু !

কু ।

প্রিয়ে ! প্রিয়তমে !

এস হৃদে—

( আলিঙ্গনার্থে হস্ত-প্রসারণ )

ম ।

কম, নাথ !—

কু ।

কমা নাহি আর ।

আর নহে, আজি পূর্ণ দ্বাদশ বৎসর ;  
এস প্রাণেশ্বর ! হৃদে ধরি, তৃপ্ত করি  
চির-তৃষা— ( পুনঃ হস্তপ্রসারণ )

ম ।

কম—কম, প্রভু ! রক্ষ'ধর্ম ।

র। বৃথা ধর্ম ধর্ম করি, এ বহ্নি ফুৎকারি  
দিওনা যন্ত্রণা আর । এস লো সুন্দরি !  
সুন্দর—সুন্দর—তোমা হেরিলে নয়নে—  
সকলি সুন্দর হেরি ! হইবে সুন্দর  
সব, মিটাইলে এ কামনা মম ; কিন্তু,  
দিলে বাধা, জলিবে নরক ॥ ক্ষমা নাই—  
ক্ষমা নাই আজি ! আজি প্রাণে কি তরঙ্গ  
করে রঙ্গ চারিদিকে ! এস লো সুন্দরি !  
এস প্রাণেশ্বরী !—

( বক্ষে ধরিতে পুনঃ হস্তপ্রসারণ )

ম। ( পশ্চাতে সরিয়া ) সাবধান ! শুন প্রভু !—

র। 'আবার—আবার ছল ?—কেন প্রবঞ্চনা ?  
কেমনে পলাও দেখি ; এই দাঁড়ালাম  
অবরোধি দ্বার । পুরাইতে মনস্কাম,  
অজি সব দিব রসাতল ।

ম। . . . . . তবু, কিন্তু  
নারিবে, স্বামিন্, বলে ধর্ম বিনাশিতে  
মম । তব করে পাপ-অসি, ধর্ম নাশি  
করে সৃষ্টি নরকের ; আছে মম করে  
ধর্ম-অসি, ধর্ম রক্ষি—দেখাইবে লোকে  
পুণ্য-পথে নারী-হৃদি-শক্তি কিবা । দাসী  
না হইবে দ্বিচারিণী !



ক।

বিশ্বাস-ঘাতিনি !

বুঝেছি—থাকিতে সেই উন্মাদ-অধম,  
না হ'বি আমার—জানিলাম সার। রক্ত  
দিয়া তার, গুপ্ত তোর প্রাণের পিপাসা  
দিব মিটাইয়া ।

ম।

নহি বিশ্বাস-ঘাতিনী ।

বৃথা কেন ছবিছ আমারে ? কি বুঝিবে—  
কি কঠোর ব্রত ধরি যাপিতেছি দিন।  
কেন আমি সর্বত্যাগী ? তোমারি কারণে ।  
তোমারি কারণে—হৃদে তোমা প্রতিষ্ঠিত,  
দলিয়া এ প্রাণ-মন—দমিয়া বাসনা,  
সাধি এ কঠোর ব্রত ! ভাবি দেখ মনে—  
ছিল ফুটি ফুল দুটি, বাল্য-প্রেম-সরে,  
পরস্পর পরস্পরে কি সুখ-স্বপনে—  
ছিল চেয়ে জীবনের ঞ্জিতারা সম ।  
কি দশা তাদের এবে !

ক।

ক্ষান্ত হও ;—জানি—

ম।

শুন শুন, প্রভু, নহি বিশ্বাস-ঘাতিনী ।  
কাল-ভুজঙ্গম-সম, বিষ-দন্তে কাটি  
ছিঁড়িলে কোরক দুটি ! জালি বিষে, দেখ,  
করেছ পাগল একে ; অস্ত্রে ছিঁড়ি নখে.  
ক্ষুদ্র ছিন্ন হৃদে তার চাহিলে বসিতে

স্বার্থে—অগ্নি ধর্ম্মে সাক্ষী রাখি বটে । কিন্তু,  
বাধি গ্রহি হাতে, প্রাণ নাহি যায় বাধা ।  
হ'ল বটে পতি-পত্নী সম্বন্ধ গ্রথিত ;  
কিন্তু কহ এবে প্রভু, কৈমনে অবলা  
বসাইবে ক্ষত-বক্ষে পতি ইষ্টদেবে ?

রূ । যথেষ্ট—যথেষ্ট, রাণি !—

ম । করেছ আঘাত,  
উঠে তাই প্রতিঘাত হৃদয় আলোড়ি,  
সে বালা-প্রণয়-স্মৃতি ধরি হৃদে, বাস  
পতি সহ—মহাপাপ ! তাই উৎপাটিয়া  
স্মৃতি মূল—লভিবারে নূতন জীবন,  
দ্বাদশ বৎসর ব্রত করিছু পালন ;—  
না মিলা'ল ক্ষত-রেখা ! কল্লোলিনী সেই  
গেছে শুকাইয়া—আছে. চিহ্ন মাত্র লেখা ।  
পূজি ধ্যানে পতিরূপ—সে লেখা মুছিয়া,  
বসা'ব, হে দেব ! এই জদি সিংহাসনে ;—  
এই রাজ্যে—

রূ । যাক্ সব রসাতল ! এস

এ হৃদয়ে—

ম । না—না, তুমি দেবতা আমার ।

পারিব না পাপাসনে বসাতে তোমারে ।—

[ বহির্ভাগে কোলাহল ও সহসা সশস্ত্র কৌজদারের প্রবেশ ।

রু। ( চমকিয়া স্তব্ধভাবে )

একি—খাঁ সাহেব ? কার' হেথা পশিবার  
নাহি অধিকার ।

ফৌ। জানি—ক্ষম অপরাধ ।

রু। এ যে অন্তঃপুর মম ; যাও রহির্দেশে ;  
কোথা রাণী ? ( ব্যস্তভাবে গমনোত্তত )

ফৌ। ( সম্মুখে আসিয়া ) কোথা যাও, রাজা ? বন্দী তুমি  
নবাব আদেশে—

রু। বন্দী !! কেন ? কি প্রলাপ  
বকিছ, সাহেব ?

ফৌ। কেন—নাহি জানি, রাজা !  
নবাব আদেশ ইহা ।

রু। মিথ্যা—মিথ্যা কথা ।

ফৌ। সত্য—দেখাতেছি তবে ।—

[ সঙ্কেত-শব্দ করণ ও দুইজন সশস্ত্র সৈনিকের প্রবেশ ।

চল লয়ে—বন্দী

রাজা রুদ্রপাল ।

রু। রুদ্রপাল নাহি যাবে ।

এ নহে নবাব-আজ্ঞা—বুঝিয়াছ ভুল ।—

ফৌ। কেন বুধা এ প্রলাপ ? শতেক সৈনিক

কল্লিছে প্রতীক্ষা তব । চল—রাজা ! এবে  
বুখা চেষ্ঠা,—বিলম্বিলে বাড়িবে বিপদ ।

র। কে আমি—জান না, মুঢ় ? আনিছ আপনি  
মৃত্যু আপনার—চল ।

কো । চল—বন্দী লয়ে ।

[ রূত্রপালকে লইয়া সৈনিকদ্বয়ের ও পশ্চাতে কোঁজদারের প্রস্থান ।

## চতুর্থ অঙ্ক ।

দ্বিতীয় দৃশ্য ।

স্থান—মুরশিদাবাদের অদূরে পরপার—ভাগিরথীতীরে  
নিবিড় বন—ভগ্ন-প্রাচীর দেবালয় প্রাক্ষন ।

সময়—দ্বিপ্রহর রাত্রি ।

রূত্র বেদীর উপরে ব্রহ্মচারী উপবিষ্ট ; পার্শ্বে কুমার কৃষ্ণবস্ত্র ও সম্মুখে  
চণ্ডদেব, উগ্রদেব ও সম্মাসীবেশে সমরলাল দণ্ডায়মান ।

ব। ( সমরকে উদ্দেশ্য করিয়া )

রক্তময়ী ইচ্ছাময়ী জগৎ-জননী

ডাকেন তোমারে, বৎস, জগন্ময়ী-রূপে,



উ ।

এস, ভাই !

দিন নাই । অই শুন আর্তনাদ ! অই  
পিশাচ যবন, হের, হাসে অটুহাসি  
মাতৃভূমি দলি ! এস, স্বধর্ম-রক্ষায়—  
স্বদেশ-পূজায়, হও ব্রতী, হে প্রেমিক !

কু । এস, নরহৃদি ! ভূমিপাল-শিরোমণি  
যাঁরা—তোমা করেন আহ্বান । মহারাজ  
কৃষ্ণচন্দ্র—পিতা রাজবল্লভ-প্রমুখ  
গুপ্ত-সভা হতে, প্রতিনিধি-রূপে আমি  
হয়েছি প্রেরিত, দিতে আশীষ তাঁদের ।  
ইচ্ছা সবাকার—হও যবন-উচ্ছেদে  
ইংরাজ-সহায় ।

স ।

পূজ্য ভূস্বামী সবার

লইলু আশীষ এই আমত মস্তকে ।  
নয়িলু বুঝিতে কিন্তু গুপ্তসভা কিবা—  
কি কার্য সাধিবে শ্বেত বিধর্মী বণিক,  
উদ্ধারিতে বঙ্গভূমি !

কু ।

শুন, বীর ! সহি

যবন-পীড়ন ঘোর, ভূমিপালগণ  
না পারি রহিতে স্থির—না নিরখি অস্ত  
প্রতিকার, করিছেন আহ্বান ইংরাজে  
সুগোপন ; তাঁই এই গুপ্তসভা । লক্ষ্য

এ সভার—ব্রিটিশের বাহুবলে বধি  
 যবন-অধমে, হিন্দুরাজ্য পুনঃ বঙ্গে  
 করিতে স্থাপন ।

স ।

“এ যে বাতুল-কল্পনা !!

বিধর্মী ব্রিটিশ-বলে হবে প্রতিষ্ঠিত  
 হিন্দুরাজ্য ?—হিন্দুধর্ম হবে সংরক্ষিত ?  
 হে কুমার ! ত্রমে মগ্ন ভূমিপালগণ !  
 যবনের স্থান লবে বিজয়ী ইংরাজ ;  
 দাসত্ব হইতে এক—হবে মাত্র অল্প  
 দাসত্ব-আশ্রয় ; হায় ! এই কি কামনা ?

ব্র ।

এ বৃথা আতঙ্ক, বৎস, কর পরিহার ।  
 শুন, মতিমান্ ! আহ্বানিতে ব্রিটিশেরে  
 ভারত-মঙ্গলে, কহিলেন জগন্মাতা  
 কালিকা আপনি—দীপ্ত-পাশ্চাত্য আলোকে  
 হবে দূর এ অঁধার ; নব বলে বলী  
 ভাগ্যশালী এ ব্রিটিশ করিবে ভারতে  
 শক্তির সঞ্চার পুনঃ ।—ধরি রাজদণ্ড,  
 শিখাইবে শক্তি-পূজা সমগ্র ভারতে ।  
 চাহি ’—আর্য্য-সূর্য্য-করে দীপ্ত ভবিষ্যৎ,  
 বর্ত্তমান এ তিমিরে আহ্বানি ব্রিটিশে,  
 হবে শক্তি আরাধিতে—হবে, হে ধীমান্ !  
 পালিতে এ প্রত্যাদেশ ।

স ।                      ১                      কুম, আর্ঘ্য ! ক্ষুদ্র

বুদ্ধি নাহি বুঝিবারে, কাল-গর্ভে ঘোর—  
কিবা ভবিষ্যৎ । যদি রাজ-নির্যাতন  
অসহ্য এতই, কেন বঙ্গ-প্রজাশক্তি  
নাহি করে নিজে—নিজ রাজার শাসন ?  
মোরা ধর্ম্যবলে লভি শক্তি—শক্তি সেই  
করিব সঞ্চার । কেন বঙ্গের সম্মান,  
নাহি করে আত্ম-বলিদান—জাগাইতে  
সদেশ-পূজার শক্তি ? হেন হীনতার  
কভু শক্তি না জাগিবে ।

চ ।                      ভ্রাতঃ ! নাহি লজ্য'

মাতৃ-আজ্ঞা । হের, সর্বভাগী যোগী মোরা ;  
যে কর্মে আমরা ব্রতী, কেন তাহে বিধা  
তব ? জন্মভূমি-তরে প্রাণ বিসর্জিতে,  
সহস্র ভৈরব মোরা প্রস্তুত সতত ।  
মাতৃ-বাক্য মূলমন্ত্র । মাতৃ-প্রত্যাদেশে,  
বৈদেশিক শক্তিযোগে, ভারত-হৃদয়ে  
হবে শক্তি জাগাইতে ।

স ।                      দেখ, হে সন্ন্যাসি !

জাগিয়াছে মহারাষ্ট্র, জেগেছে পঞ্জাব ;—  
জাগাও এ বঙ্গভূমি । ত্রিধারায় বহি  
শক্তি, দিবে ভগ্নভিত্তি ধ্বন-সাম্রাজ্য



কোথা ভাসাইয়া । কিন্তু পশিলে ভার্য্যে  
 বৈদেশিক মহাশক্তি, তেজে তার যাবে  
 জলে নবজাত শক্তি ছই—বঁলে যার  
 ভগ্ন-বল, ভয়ে ত্রস্ত হৃদাস্ত যবন ।  
 সার্ক শতাব্দীতে হ'ত যে কৰ্ম্ম সাধিত,  
 পশিলে পাশ্চাত্য বল—পঞ্চ শতাব্দীতে  
 হবে অসম্ভব সেই উদ্দেশ্য-সাধন ।

ব্র। শুন, বৎস ! মহাপাপ—ভ্রমে অবহেল।  
 মাতৃ-আজ্ঞা ; পাপে—মৃত্যু না আন ডাকিয়া ।

[ সহসা উগ্রদেব কর্তৃক শব্দানাদ শু চতুর্দিক হইতে ভৈরবদলের প্রবেশ ।

উ। মাতৃ-বাক্য এই ভ্রান্ত করিছে লজ্বন,  
 কিবা দণ্ড, কহ, ভ্রাতৃগণ !  
 ভৈ-গণ। ( ত্রিশূল উত্তোলিয়া ) বিদ্র হ'ক  
 পাপ-হৃদি সহস্র ত্রিশূলে ।

চ। শুন, ভ্রান্ত !

ভ্রমে মজ্জি, গুরু অবহেলি মাতৃ-বাক্য  
 করিলে হেলন—মৃত্যু তার প্রতিফল ।

স। নহি ভীত । কিন্তু ভীত—হৃদয়-সজ্জাত  
 সত্য বিনাশিতে । অই কে যেন কহিছে  
 উচ্ছে—এ বিশ্বাসঘাতকতা, এ ভীকৃত্য,  
 র'বে বঙ্গভালে চির-কলঙ্ক-রঞ্জিত !

এ স্নানতা এ ভারতে না হতে সাধিত,  
সহস্র ত্রিশূল অই পড়ক এ হৃদে ।

ব্র । যাও, বৎসগণ ! আত্ম-রক্তে নাহি হবে  
মাতৃভূমি-পূজা ।

[ সহসা ভৈরবদলের প্রস্থান ।

স । বিজ্ঞ দেব—কুম অস্ত্রে ।

মাগি অমুমতি পদে, হৃদয়-আদেশে  
সাধিতে এ মাতৃকার্য্য । দিতে বলি যথা  
কালিকা-খর্পরে, আর্ঘ্য, করে কামী রক্ষা  
ছাগ-শিশু, এ যবনে রক্ষিব তেমতি  
দিতে বলি নিজ করে মাতৃভূমি-পদে ।  
চলিলাম কস্মক্ষেত্রে ; যে কস্মে দীক্ষিত  
করিলে, হে দেব ! সেই স্বদেশ-পূজায়  
হইলাম ব্রতী—ভিন্ন পথে । এই পথে  
মৃত্যুই নিয়তি যদি, পাইব নিষ্কৃতি  
হইতে দাসত্ব নব । কর আশীর্বাদ,  
দেব, চলিল এ দাস ।

[ পদধূলি লইয়া প্রস্থান ।

কৃ । ভগবন্ ! যার

মৃত অবহেলি গুরু-আজ্ঞা—মাতৃ-আজ্ঞা,  
যবনে রক্ষিতে । এবে যবনের হিতে,  
এই গুপ্ত অভিসন্ধি করিলে প্রকাশ,

হবে সৰ্ব্বনাশ—হবে বিফল সকলি ।

ব । নীচতার নাক্ষি শঙ্কা কভু এ মানবে ।

রোধে নিয়তির গতি, শক্তি আছে কার ?

দিতে প্রাণ বলিদান; অবোধ সন্তান

ছুটে ভ্রমে ভিন্নপথে—পূজিতে মায়েরে ।

( ক্ষণেক চিন্তিতভাবে থাকিয়া )

যাও সবে—পূজ' গিয়ে মায়ে ।

[ প্রণাম করিয়া চণ্ডদেব, উপদেব ও কৃষ্ণবল্লভের প্রস্থান ।

ব । ( বেদী হইতে উত্থান করিয়া ) লীলাময়ি !

ভেবেছিলাম—পঞ্চ বর্ষ হ'তে এই দীর্ঘ

দ্বাদশ বৎসর, যারে করিলাম পালন

কঠোর সন্ন্যাস-ব্রতে,—কভু তার হৃদে

না পড়িবে সংসারের ছায়া । মূর্থ আমি

বাতুল-বাসনা -রোধি নিয়তির গতি !

গেছে সেই স্বপ্ন । সেই প্রকৃতি-পালিতা

চির-ফুল সন্ন্যাসিনী কপালিনী আজি,

হে জননি ; হেরি, মাঝে মাঝে স্বপ্ন দেখে

জাগি ! নাহি দোষ তার ; এ দোষ আমার ।

মাতঃ ! তব পদে, সময়ের করে সেই

বালিকার কর—দিয়াছিলাম বাধি যেই

ধর্মের বন্ধনে, মূর্থ এই—সে বন্ধন

ছিদ্র করিবারে—করেছিল যোগিনীর

স্বকঠোর ব্রতে ব্রতী কোমলা বালায় !  
 হায় ! ভ্রান্ত বৃদ্ধ এ যোগীয়ে, শ্রদ্ধা হইলে,  
 রঙ্গময়ি, ভব-রঞ্জে নর-নারী-হৃদে,  
 অজানিতে এ বন্ধনে কি শক্তি জাগায় !  
 লভিহু এ জ্ঞান । কিন্তু, কেন ও অবোধে  
 চালাইলে ভিন্ন পথে ? ভাগ্য-চক্রে ঘোর  
 ঘুরিছে সমর । কর কৃপা, কৃপাময়ি !  
 আর বার করি চেষ্টা ফিরাতে এ পথে ।  
 না জানি ভবিষ্য-গর্ভে, কপালিনী-ভাগ্যে  
 কি আছে নিহিত !—হেরি ঘোর অন্ধকার !!

[ প্রস্থান ।

## চতুর্থ অঙ্ক ।

তৃতীয় দৃশ্য ।

স্থান—মুরশিদাবাদ—নবাব-প্রাসাদ—সুসজ্জিত কক্ষ ।

সময়—সন্ধ্যা ।

সিরাজদ্দৌলার প্রবেশ ।

সি । এ জগতে শুধু প্রতারণা ! শুধু ঘোর  
 কৃতঘ্নতা !! আলিবর্দি অর্জিত রাজত্ব

এই ; পোষ্যপুত্র আমি দোহিত্র তাঁহার—  
 তাঁরি করে অশ্রুষ্টিত বঙ্গ-সিংহাসনে ।  
 স্বর্গীয় নবাবে পূজি, ইচ্ছা করি রাজ্য  
 ধর্ম্মে সুশাসিত ; কিন্তু পদে পদে বিঘ্ন  
 যত । করে স্পর্ধা, বলি আত্মীয়-বান্ধব  
 যারা—গুপ্তভাবে শত্রু সবে তারা ; খুঁজে  
 অবসর, গুপ্তভাবে হরিতে জীবন  
 মম ।—করে সুগোপনে চক্রান্ত সতত ।  
 বুঝিয়াছি, চায় সবে বসাতে দুর্ব্বলে  
 এক—বঙ্গরাজ্যাসনে ; বুঝিয়াছি, পাপে-  
 মগ্ন রাখি তারে ক্রীড়নক করি, চায়  
 যথেষ্ট প্রভুত্ব সবে । হবে না—হবে না—  
 থাকিতে সিরাজ তাহা বুঝেছে সকলে ;  
 তাই ইচ্ছে অধঃপাত মম । তাই ছিল  
 গুপ্ত অভিসন্ধি সবাকার—রাখে মোরে  
 বাল্য হতে ঘোর পাপ-নরকে ডুবারে !  
 করিয়াছি ছিন্ন মোহজাল, লভিয়াছি  
 রাজ্য ; সে প্রতিজ্ঞা স্মরি, করিব রাজত্ব  
 হৃদি-বলে—পূজ্য রাজ-অধিরাজ সম ।

[ কৌজদারের প্রবেশ ।

কৌ। ( অভিবাদন করিয়া )

বন্দে দাস, হে জনাব !

সি । ( চম্ভিত হইয়া ) কই—রুদ্রপাল ?—

এসেছে কাফের ?

ফৌ । বন্দী রাজা রুদ্রপাল ।

সি । আন হুঁরা সে কৃতয়ে ।

ফৌ । যে আদেশ, প্রভু !

[ প্রস্থান ।

সি । এই এক :নরাধম—বিশ্বাসঘাতক !!

ধিক্ মোরে ! ভাবি মিত্র, করেছিহু বাল্য

হতে এ অধমে দৃঢ় বিশ্বাস স্থাপন ।

ভেবেছিহু, রাজ্যভিত্তি রাখিতে সুদৃঢ়

মম—হবে স্তম্ভ এক এই রুদ্রপাল ।

যাহুকর সম, পাপ-প্রলোভন-ছলে—

কি যেন কুহক-স্বপ্নে, রেখেছিল পাপী

ভূত্বায় আমারে ! স্বপ্ন দিয়াছে ভাঙ্গিয়া

অভাগী মনিয়া । দিব ভাঙ্গি স্বপ্ন—পাপ-

উদ্দেশ্য পাপীর ।

[ শৃঙ্খলাবদ্ধ রুদ্রপালকে লইয়া ফৌজদারের পুনঃ প্রবেশ ।

আরে—আরে প্রতারক !

করি প্রতারণা—করি সত্তত ছলনা,

করেছিহু পদাঘাত পবিত্র বিশ্বাসে



দিয়াছে—দিয়াছে ভাজি, আরে নীচাশয়,  
সেই স্বপ্নে তজ্জা-ঘোর এবে, সে মনিয়া ।

রু। মনিয়া !! কে,—সে রাক্ষসী ?

সি। ছিল না রাক্ষসী ;—

ছিল প্রিয় ভগ্নী তোর—আমার প্রেমসী ।

আরে হিন্দু-কুলদ্বার ! লভিতে প্রসাদ  
মম—পূজিবারে মোরে, ছি-ছি ! পত্নী বলি’

ছিলি—দিয়াছিলি পদে ভগিনী আপন !

ছিলরে সৌরভ তার ; দিয়াছিল প্রাণ—

করি মুগ্ধ এই হৃদি । ভাবি, স্বার্থে—পারে

ঘটিতে প্রমাদ পরে, সে শঙ্কা ঘূচাতে—

চোর সম পশি মম নারী-অন্তঃপুরে,

বসাতে অবলা-বক্ষে—নিজ ভগ্নী-হৃদে—

খুলেছিলি কাল-ছুরি ! প্রেতাধিক এই

পাপ-কার্য্য ভয়ঙ্কর !! না পারি নাশিতে,

দিয়াছি সুজাতি—ক্ষিপ্ত করি ক্ষুদ্র সেই

প্রাণ ! আজি তার প্রতিশোধ !—দলি তোর

প্রেমসী ভার্য্যায় ঘৃণ্য কিঙ্করের করে,

দিব জলন্ত এ প্রতিশোধ !—প্রতারণা-

প্রতিশোধ !!

রু। কি—কি—আরে পিশাচ !—বর্কর !

নরকের কীট তুই ! সে যে দেব-বাহা



স্বৰ্গ-পারিজাত !! ছি ড়ি নথরে রসনা

তোর, রও—দিই অগ্রে যোগ্য প্রতিফল ।—

[ লক্ষ্মে সিরাজ-বক্ষে পতনোন্মত্ত ওঁফৌজদার-কর্তৃক ধৃত হওন ।

সি । কুকুরের বৃথা স্পর্ধা কেশরী-কন্দরে !

ভাবি দ্যাধু প্রেতাধম । পূজিবার ছলে,

কত পতি-হৃদি-বৃন্ত ছিঁড়ি—কত পূত

ললনা-প্রস্থন দিয়াছি স্ এই পদে

কতই উল্লাসে, কত স্মৃথ-গৃহ করি

চির-অন্ধকার ! ভাবি ভার্য্যার লাঞ্ছনা,

কেন, মূৰ্খ, ক্ষিপ্ত এবে ? দেখাও বোরত্ব

সেই—হেরি চক্ষে নিজ পত্নীর দলন ।

[ শরীরবন্ধক সেনানীর প্রবেশ ।

সে । জাঁহাপনা ! গুরুতর সংবাদ লইয়া,

এসেছে ব্রিটিশ-দূত ।

[ অভিবাদন পূর্বক প্রস্থান ১১৭

সি । ( ফৌজদারের প্রতি ) শৃঙ্খলিয়া পদ,

রাধ বন্দী করি বন্দীশালে ঐ কাফেরে,—

নীচ বন্দীদল সনে ।

[ প্রস্থান ।

রাজ ।

সিরাজ ! পিশাচ !

মূৰ্খ তুই ! বাধ—বাধ—মোরে বহ্নিময়

কণ্টক-শৃঙ্খলে ! তবে প্রতিহিংসা—ঘোর  
 প্রতিহিংসা-অগ্নিশিখা জ্বালালি হৃদয়ে !  
 এই প্রতিহিংসানবে, দহিয়া দহিয়া,  
 করিব অঙ্গার তোরে । থাক্ রে নির্কোষ !  
 ক’দিন রাখিবি করি বন্দী রুদ্ধপালে ?  
 বন্দী করিবারে তোরে, অই চন্দ্রনাথ  
 সন্ন্যাসীর সাজে ফাঁদ পেতেছে বিষম—  
 তোরি দল-বল লয়ে । থাক্ রে বর্ষর !  
 কর্ দস্ত দুই দিন আর । ক্ষুদ্র তুচ্ছ  
 তুই কট্টাধম ;—কভু না ডরে কৃতাস্ত্রে  
 রুদ্ধপাল । হা-হা ! কর্ বন্দী ; এই পদে  
 চুনি’ মুণ্ড তোর, দিব শৃগাল-কুকুরে ।  
 ফো । ত্যজ বৃথা উন্মাদ প্রলাপ । চল রাজা !  
 বিলাপ সম্বল তব—আছ যে ক’দিন ।

[ রুদ্ধপালকে লইয়া ফৌজদারের গ্রহান ।

## চতুর্থ অঙ্ক ।

চতুর্থ দৃশ্য ।

স্থান—মুরশিদাবাদ—ভাগীরথীতীরে নবাব-সেনানিবাসের  
বহিঃপ্রান্তভাগ ।

সময়—রাত্রি—প্রথম প্রহর অতীত ।

যোদ্ধৃবেশে সমরলাল দণ্ডায়মান ।

স । তমাচ্ছন্ন কৰ্ম্মক্ষেত্র বিস্তৃত সন্মুখে !  
ঘোর রক্ত-আবর্তে বিষম আবর্তিত  
কৰ্ম্মশ্রোত ! এ প্রবাহ অচিরে ছুটিয়া  
বিপ্লব-প্লাবনে, ভাসাইবে মাতৃভূমি ।  
হা জননী জন্মভূমি ! হেরিয়া হুর্গতি  
তব, কাঁদে প্রাণ—এই ভীম অসি-করে—  
দিহু কাঁপ কৰ্ম্মশ্রোতে কর্তব্য-সাধনে !  
দেখি, কিবা স্বদেশ-নিয়তি—কিবা নিজ  
নিয়তির গতি । ( চিন্তা, মগ্নভাবে পাদচারণ )

[ মোহনলালের প্রবেশ ।

মো । ( সমরকে চিন্তামগ্ন দেখিয়া স্বগত )

এয়ে ঘোর বনাচ্ছেন্ন

যুবকঃ হৃদয় অই ? ( প্রকাশে )

সমর ! কি চিন্তা

দহে বীর-হৃদি তব, এ ফুল নিশায় ?

কহ, প্রিয়, কেন হেথা—কিবা ভাবনায়

বিষাদিত এত ?

স ।

স্মরি স্বদেশ-দুর্গতি—

হেরি ঘোর অধোগতি ভীকু কাপুরুষ

বস্ত্রের সস্তানে, কঁাদে প্রাণ ! মর্শ্মোচ্ছাসে

কঁাদি তাই একাকী নির্জনে, বীরবর,

ভাবি কলগর্ভে মাতৃভূমি-ভাগ্য কিবা !

মো । স্বর্গাদপি গরীরসী জন্মভূমি তরে,

কঁাদে যার প্রাণ—মাতৃ-সুসন্তান সেই

মহাজন । হায় ! নীচতায় পূর্ণ বঙ্গ ।

ধরিতে এ রাজদণ্ড, নাহি সেই আৰ্য্য-

শক্তি ; ডুবাইয়া তাই জগৎ-পুঞ্জিত

সে আৰ্য্য-গৌরব—তাজি উচ্চ মহালক্ষ্য,

এবে মজাইয়া মাতৃভূমি, সিরাজের .

সর্বনাশে—করে বঙ্গ-কুসন্তান যত

চক্রান্ত স্থগিত । এবে রক্ষিতে নবাবে—

স্বদেশ-মঙ্গলে, এই কৃপাণ ধারণ ।

ধর, বীর, ভীম অসি, মাতৃভূমি-হিতে—

মহাশক্তি-সাধনায় ।

স ।

মাতৃমন্ড্রে, দেব,

দীক্ষিত এ দাস ।, এবে জননী-পূজায়,  
আসন্ন বিপ্লবানলে আছতি প্রদানে—  
স্বদেশ-অরাতি-রক্ত, ত্রীতী এ সম্মান—  
ধরি কাল-করাল-কুপাণ । বীরবর !  
আসিছে ব্রিটিশ বলী ; দেশ-বৈরী রাজ-  
দ্রোহী-দল, হয় যদি বিপক্ষ সহায়,  
কি করিবে একাকী নবাব—এ অকুল  
প্রলয়-পাথারে ভাসি ?

মো ।

সম্ভব—হইবে

বিপক্ষ-সহায় যত বিশ্বাসঘাতক ।  
কি করিবে পাপীকুল, থাকিতে আমরা  
ধর্ম-বলে বলী ? তুচ্ছ রাজদ্রোহী-দল ;—  
সমগ্র এ বঙ্গ যদি হয় সন্মিলিত,  
নারিবে স্পর্শিতে কতু কেশ সিরাজের ।  
অধর্ম নাশিতে, বীর-হস্তে ধর্ম-অসি  
হইবে বিজয়ী ।

স ।

তব বীরত্ব, বীরেশ;

এ বঙ্গে বিদিত ;—হবে বিদিত জগতে  
সুবর্ণ অক্ষরে । হবে ধন্ত শিষ্য তব ।  
জানি, তব বলি বলী বঙ্গের নবাব ।

মো । মাতৃভূমি-হিত্তে এবে যবনে রক্ষিতে ।

হও, বীর, বন্ধ-পরিষ্কর ; খোল খড়্গ

সুদীপ-পূজায় ।

( বজ্রাভ্যাস্তর হইতে একখণ্ড কাগজ বাহির করিয়া )

এবে ধরহ, সময় !

রাখিও যতনে তব পৈতৃক সম্পদ ।

[ সময়ের হস্তে কাগজ অর্পিয়া সহসা গ্রহান ।

স । ( 'সবিস্ময়ে চৈত্ৰালোকে পাঠ করিয়া )

নবাব-সনন্দ এয়ে ! এবে অধিপতি

আমি, রুদ্রপাল-অপহৃত সে বিপুল

পৈতৃক সম্পদে ! সেনাপতি ! চিরঋণী

মহত্বে তোমার । কিন্তু, আৰ্য্য, মাতৃকার্য্যে

ব্রতী আমি ; পার্থিব ঐশ্বর্য্যে মম নাহি

প্রয়োজন ।

( সনন্দপত্র ছিন্ন করিয়া দূরে নিক্ষেপ )

নির্দিষ্ট সময় গত । কোথা

পূজ্য ব্রহ্মচারী এবে ? না জানি কি কার্য্যে

আহ্বান আবার ! মাতঃ ! দেহ শক্তি হৃদে ।

( অন্তমনে ঘোর চিন্তায় পাদচারণ )

[ কপালিনীর প্রবেশ ।

ক । ( সময়কে দেখিয়া সবিস্ময়ে )

তুমি !! করে ধরি অসি, এ-কি-এ অদ্বুত

সাজে সাজিয়াছ তুমি—প্রেমিক উন্মাদ ?

রক্তে—ব্রাতৃ-রক্তে, ব্রাস্ত, করিবে জননী  
 পূজা ? ভেবেছ কি নিজ সন্তান-শোণিতে  
 হবে মার তৃপ্তি ? হায় ! একি আশ্চি ঘোর !  
 দিব না—দিব না—রক্ত-নরক-প্রবাহে  
 মজিতে তোমারে । এস ;—এ পথে রুধির  
 স্রুধু !—স্রুধু হাহাকার !—অশাস্তি হুকার !!  
 ত্যজি নর-কপাল-কঙ্কর-ময় এই  
 ঘোর রুধিরাক্ত পথ, এস—মহাপথে ;  
 এ পথে প্রেমের লীলা—শান্তির ঝঙ্কার—  
 আনন্দ-উচ্ছ্বাস স্রুধু ! এ পথে দাঁড়ায়ে,  
 জগৎ-জননী অই ডাকেন তোমার !  
 মহা প্রেমে করি মার মহাপূজা, কর,  
 বীর, বিশ্ব-ত্রিসংসার প্রেমে একাকার ।

( সবিস্ময়ে উর্ধ্বে দৃষ্টি করিয়া সমরের স্তম্ভিতভাবে দণ্ডায়মান )

( কপালিনী সহসা প্রস্থান করিতে, কিম্বদূর গিয়া,  
 পশ্চাৎ ফিরিয়া, সমরকে নিরীক্ষণ করত স্বগত )

আসিলাম ফিরাতে মানবে ; কিন্তু, এ কি  
 কি-যেন ফিরায় মোরে-কি-যেন কি-এক ।  
 মহা আকর্ষণে ! বল জগৎজননি !  
 অপরূপ একি সৃষ্টি দেখাও আবার ?  
 একি স্বপ্ন ! এ যে যেন এ জগৎ, ধরি  
 কি সুন্দর অই নর-দেবতা-মুরতি,

রোধি পথ দাঁড়াইয়া—করি একাকার  
স্বর্গমর্ত মম!

( উর্ধ্বে দৃষ্টি করিয়া )

কেন, মা, ভূলাও স্বপ্নে ?  
দাও শক্তি। কিরাও এ নরে মহাপথে—  
রক্তাক্ত এ পথ হতে।

[ প্রস্থান।

স। ( সহসা সম্মুখে দৃষ্টিপাত করিয়া )

দেবি! কোথা তুমি?

হায়! মায়াময়ি! অগ্নিময় রক্তাকরে,  
কর্ম্মপথ-চিত্র মম করিলে চিত্রিত  
বাহা—কাঁপে হিয়া। তব মহিমায়, দেবি,  
অন্ধকারে অন্ধ এই, লভি দিব্যালোক  
পেয়েছে জীবন। কিন্তু কঠোর কর্তব্যো,  
এ কঠোর কর্ম্মপথে ডাকেন জননী  
জগন্ময়ী—এই হৃদি-পদ্মাসনে বসি।  
বৃথা শঙ্কা তব। মাতৃকার্য্যে সমর্পিত  
এই প্রাণ; মাতৃকরে খেলিবে সন্তান—  
নাহি ভাবি কার্য্যাকার্য্য ভবিষ্যৎ কিবা।

[ ব্রহ্মচারীর প্রবেশ।

ব্র। বৎস! কি চিন্তায় মগ্ন এবে?



স । ( সচকিতভাবে প্রণাম করিয়া )

ভগবন্ !

ভাবি ভবিষ্যৎ, আছে দাস ক্ষুদ্রহইয়া  
তব প্রতীক্ষায় ।

ব্র । করি আশীর্বাদ, হও  
মাতৃ-সুসন্তান ! বৎস । আছে কি স্বরণে  
এবে, রাজা চন্দ্রনাথ—পিতৃবন্ধু তব ?

স । ( ব্রহ্মচারীর প্রতি বিশ্বয়ে দৃষ্টিক্ষেপ করিয়া )  
রাজা চন্দ্রনাথ !!—কে আপনি !!

ব্র । ত্যজ, বৎস,  
তাজহ বিশ্বয় ।—আমি সেই চন্দ্রনাথ ।

স । ( ব্রহ্মচারীর পদপ্রান্তে পতিত হইয়া )  
পিতা—পিতা—ক্ষম তব অধম সন্তানে ।

ব্র । সময় ! সময় ! উঠ, বৎস, প্রাণাধিক !

স । ( উখিত হইয়া সবিশ্বয়ে )  
পিতা, তবে কি সে সন্ন্যাসিনী কপালিনী—  
সেই ক্ষুদ্র যোগমায়া ?

ব্র । সেই—সে তনয়া  
যোগমায়া মম ; সেই—ধর্মপত্নী তব ।  
স্বর—পূর্ব কথা । ছিলে মম গৃহে তুমি—  
কিশোর বালক ; সেই পালিত সন্তান  
রাজপাল মোহে মজি, করি গৃহ দাহ

মন—হরে মন কল্যারত মহামায়ী ।  
 পূজা'রু সে রাত্রে ধরি হস্ত তব—ধরি  
 বক্ষমাঝে সে সিন্ধু কল্যায় ; নিশিষোগে  
 সেই—সেই যোগাঙ্গা-মন্দিরে, দেবীপদে—  
 তব করে পঞ্চম বর্ষায়া কল্যা-কর  
 দিয়াছিহু বাধি,—ধর্ম্মহুত্রে সুপবিত্র  
 বিবাহ-বন্ধনে । স্বর—সেই বিদ্যাচলে,  
 ছয় মাস পরে, সেই তব পলায়ন ।  
 তারপর সেই যোগমায়ী—

ਸ।

একি ! এ যে

সব স্বপ্ন বলি, হয় ভ্রম !!

31

ਸੁਪ੍ਰ ਨਮ੍ਹ ।

রোধিতে প্রকৃতি-গতি, করেছিহু স্পর্ধা  
 বৃথা । পালি শ্মশানে বালার—করি তারে  
 দীক্ষিতা সন্ন্যাসে, পরীক্ষার দেখাইহু  
 উন্নত তোমারে প্রধাবিত পাপপথে ;—  
 মাতৃকার্য্যে ধর্ম্ম-পথে ফিরাতে তোমার,  
 দিয়াছিহু উপদেশ বিমুক্তা বালার ।  
 ভেবেছিহু, 'মুর্থ আমি—করি আত্মজর,  
 শ্মশান-কুমারী সেই চির-সন্ন্যাসিনী,  
 দেখাবে আদর্শ মহা এ মর-জগতে ।  
 নাহি দোষ সে বালার ; পতি তুমি তার—

ইষ্টদেব নারায়ণ । ফিরাতে তোমারে,  
সৃষ্টির রহস্রে—স্বতঃ ফিরিছে বালিকা  
অলক্ষ্যে তোমাতে ! পিতৃকর্তব্য করিয়াছি  
আমি ; পতি তুমি,—কর এবে কার্য্য তব ।

[ প্রস্থান ।

স । ( ক্ষণেক শুদ্ধভাবে দাঁড়াইয়া )  
একি ঘোর সমস্যায় ফেলিলে, জননী'  
জগন্ময়ি ? হায় ! সন্ন্যাসিনি ! ভাবি দেবী,  
মহা উচ্ছে দিয়াছিহু স্থান । কেন তবে  
মানবী সাজিয়া, এবে ধরিছ মরীচি-  
মায়া ? অই দেবতা-বাহিত উচ্চপদ  
হতে, কেন—কেন নিম্নে আসিছ নামিরা ?  
ভাজি মম স্বপ্ন-ঘোর, দেখায়েছ মোরে—  
রমণী—জননী-মূর্তি ! এবে মাতৃরূপে  
করি নারী-পূজা ; মাতৃরূপে পূর্ণ মম  
হিয়া । নাহি স্থান এ হৃদয়ে । যাও ফিরি,  
আসিও না এ পথে ফিরিয়া, মোহছলে  
মজিতে আপনি, হায় ! মজাতে আমারে ।  
ডাকিছে কর্তব্য মোরে অই কৰ্ম্মপথে ।

[ প্রস্থান ।

# পঞ্চম অঙ্ক ।

## প্রথম দৃশ্য ।



স্থান—পলাশীক্ষেত্র—সুসজ্জিত নবাব-শিবির

সময়—অপরাহ্ন ।



নবাব সিরাজদ্দৌলা দণ্ডায়মান ।

দূতের দ্রুত প্রবেশ ।

দু। জাঁহাপনা ! দেখাইয়া সংগ্রামে বীরত্ব  
অদ্ভুত, পতিত মীরমদন হুঁকার ।  
যুঝিছে মোহনলাল বীর-চূড়ামণি  
ঘোরতর এবে ; যুঝে সঙ্গে রণরঙ্গে  
নির্ভীক সমর বীর—বিক্রমে কেশরী ।  
কৌশলী ক্লাইব এবে করি ঘোর রণ,  
হয়েছে পশ্চাৎপদ—হটিয়াছে দূর  
আত্মবনে ।

সি। ধন্য হিন্দু মোহন-সমর !  
তোমাদের বীর-কীর্তি হইবে কীর্তিত  
বিশ্ব-ইতিহাসে চিরদিন ; চিরদীপ্ত  
র'বে স্বর্ণাকরে সুউজ্জল, এই মহা-  
পলাশী-প্রাঙ্গনে ।

५।

কিন্তু, প্রভু, বিনা রণে

দাঁড়াইয়া মির্জাফর বঙ্গ-সেনাপতি,

ଲୟେ ବନ୍ଧ-ବିପୁଳ-ବାହିନୀ ।

सि ।

ମାଡ଼ାହସା

মির্জাফর ?—দাঁড়াইয়া চিত্রাৰ্পিত মম

## সেনাদল ? ধর্মদ্রোহী বিশ্বাসঘাতক

আরে বুদ্ধ প্রবঞ্চক ! পবিত্র কোরাণ-

স্পর্শে করি ধর্মের শপথ, কার্যকালে

এই প্রবন্ধনা ?

(মহাউদ্বোধে কণেক পাদচারণ করিত্না)

হায় ! নিরাশা পশিছে

হুদে ! তবে কি সিরাজ, থাকিতে বিপুল

### সহায়, মজিবে অসহায় প্রবঞ্চনা

ছলে ? না—না, যাব নিজে রণস্থলে । হেরি

অন্নদাতা রাজ্যেখরে, র'বে কি দাঁড়ায়

সেনাদল মম—পারিবে কি তারা কভু

দাঁড়াইতে প্রাণহীন পুস্তিকা সম ৭

দেখি এবে বারেক আস্থানি' সে বঞ্চকে ।

পারিবে কি বুদ্ধ ধর্মের পদাঘাতি, হাঁয়,

পদাঘাতি স্বভাতি-সম্মানে, দাঁড়াইতে

বিধর্মী বিপক্ষ-দলে ? কে আছে হেথায় ?—

দু। আদেশ এ দাসে ?

সি ।

যাও, দূত, রণস্থলে ।

সেনাপতি মির্জাফরে কহিবে সম্মুখে—

নবাব উদ্বিগ্ন তল্লাসাকাংক্ষা-মানসে ।

দূ । যে আদেশ, জাহাঁপনা !

[ অভিবাদন পূর্বক প্রস্থান ।

সি ।

ঘোর প্রতারণা !!

আরে কাপুরুষ প্রতারক মির্জাফর !

কতবার ক্ষমি প্রতারণা- কতবার

করেছি সাধনা, এই তার প্রতিফল ?

আরবার শেষবার, দেখি পায়ে ধরি

এ ঘোর সঙ্কটে ।

( উৎকণ্ঠিত ভাবে পাদচারণ )

[ মির্জাফরের সন্নিধনমুখে ধীরে প্রবেশ ।

মি ।

বঙ্গেশ্বর । তব আদেশে—

সি । ( উদ্বেগভরে চাহিয়া ও মির্জাফরের পদে

মস্তকস্থিত মুকুট রাখিয়া )

অর্পিতাম তব পদে, মোগল-গৌরব

এ বঙ্গ-কিরীট । কর—কর চূর্ণ পদে,

মোগল-প্রতাপ-দীপ্ত ও রাজ-মুকুট !

চূর্ণ পদাঘাতে, অই স্বধর্মী স্বজন-

মান—রাখি উচ্চশির বিধর্মীর পদে ।

দাও রসাতলে, ভুলি জনম আপন—

ভুলি ভূমণ্ডল-খ্যাত মোগল-সম্রাট,

মোগল-গৌরব অই !

মি।

বৃথা এ সংশয় ;

ধর এ মুকুট শিরে, বঙ্গ-অধীশ্বর

( সিংহাজের মস্তকে মুকুট অর্পিয়া )

অবশ্য হইব রণে মোরা শত্রুজয়ী ।

কিন্তু, অস্ত্র দিবা অবসান ; সারাদিন

রণশ্রমে, অবসন্ন সেনা-বল এবে ।

এ নিশায় লভুক বিশ্রাম সেনাদল ;

কল্য প্রাতে, হবে রণে বৈরী ধরাশায়ী ।

সি। কিন্তু, সেনাপতি, নিশাযোগে শত্রুসেনা

করে যদি আক্রমণ স্মৃশুপ্ত শিবির,

হবে বঙ্গে সর্বনাশ ;—হবে একেবারে

মোগল-গৌরব-রবি চির-অস্তমিত ।

মি। বৃথা এ আশঙ্কা । বৃদ্ধ আমি ; কিন্তু আছে

ভুজের বীর্য্য মোগলের । বঙ্গে হস্ত দিয়া,

পবিত্র কোরাণ স্মরি করিছ শপথ—

নিশ্চয় রক্ষিত হবে মোগল-গৌরব ।

দেহ আজ্ঞা, বঙ্গেশ্বর ! হউক হৃগিত

যুদ্ধ আজি,—সেনাদল ফিরুক শিবিরে ।

সি। সেনাপতি ভূমি ; শ্রেয় যদি ভাব, বীর,

যুদ্ধী এবে এ সময়ে করিতে স্থগিত,—  
স্থগিত হউক রণ । কিন্তু কল্যা রণে,  
অরি পূজ্য মাতামহে, রক্ষ' আত্মমান—  
স্বধর্ম-সম্মান নিজ ।

মি । নিশ্চয়—নিশ্চয় ।

চলিলাম এবে ; রহ নিশ্চিন্ত, বঙ্গেশ !

[ প্রস্থান ।

সি । কল্যা যুদ্ধে নিশ্চয় হইব বিজয়ী ।  
ব্রিটিশের বলদর্প দেখিব কেমন ;  
দেখিব কি করে মুঢ় প্রবঞ্চক দল—

[ দূতের দ্রুত পুনঃ প্রবেশ ।

দূ । প্রভু ! বীর-কুলমণি বিক্রমী মোহন-  
লাল হ'ন অগ্রসর, দলিতে অরাতি-  
দলে । ইচ্ছা তাঁর—ছুই চারি দণ্ডে আর  
উচ্ছেদি সমূলে অরি—করি একেবারে  
কাল যুদ্ধ অবসান, ভেটিতে বৈরীর  
দর্প রাজপদে ।

[ রায় দুর্জয়রামের দ্রুত প্রবেশ ।

হু । ( ব্যস্তভাবে ) বঙ্গেশ্বর ! তবাদেশে  
হয়েছে প্রেরিত দূত—করিতে স্থগিত  
যুদ্ধ অসম্ভব মত । না মানে আদেশ



দর্পিত মোহনলাল ;—বৃথা যুদ্ধে করে  
বলক্ষয় ।

সি । ( স্বগত ) ধন্য হিন্দুবীরণ ! কিন্তু একা  
এই বীর যুদ্ধে উঠমে কতক্ষণ ?  
বিদলিতে কল্যা এই ব্রিটিশের বলে,  
করিল শপথ মির্জাফর ; গিয়াছে কি  
ধর্ম্য তার ?

( প্রকাশ্যে ) যাও, দূত ! কহগে মোহন-  
লালে মহাবলে বলী—বীরত্বে তাঁহার  
চিরঋণী বঙ্গপতি ; কহ বীরবরে—  
বিশেষ কারণে যুদ্ধ করিতে স্থগিত ।

দূ । যে আদেশ, প্রভু !

[ প্রস্থান ।

সি । কল্যা ঘাইব সংগ্রামে ;  
দেখিব কি বল ধরে স্বৈতান্দ ইংরাজ ।

( সহসা পুনঃপুনঃ কামান-গর্জ্জন )  
স্থগিত সংগ্রাম ; একি ! কেন তবে এবে,  
অদূরে কামান-মুখে, মুহমুহ উঠে  
ভীমনাদ ? প্রতারণা-ছলা, গর্জ্জ ঘোর  
প্রলয়-ছক্কারে, আসে কি দহিতে বঙ্গ-  
ভাগ্য—মম ভাগ্য সনে ?

[ দুতের ছুটিয়া পুনঃপ্রবেশ ।

হায় ! বঙ্গেশ্বর !

রাজাদেশে ফিরিতে শিবির-মুখে বীর  
মোহন-বাহিনী, হুঃ হুঃ অরাতি  
না মানিয়া যুদ্ধনীতি, কৃতান্তের সূম  
ছুটিছে পশ্চাতে—আলি প্রলয়-অনল  
ভীষণ কামানে ! হেরি জয়ে পরাজয়,  
অধীর মোহন বীর,—অক্ষম ফিরাতে  
আর ছত্রভঙ্গ সেনা । সেনানী সমর-  
লাল, লয়ে নিজ ক্ষুদ্র বীর চম্—তাজি  
প্রাণের মমতা, ছুটে দীপ্ত উদ্ধাতেজে,  
রোধিতে ব্রিটিশ-গতি !

সি । ( বিস্ময়-বিষাদে ) কহ, কোথা মম  
সেনাপতি মির্জাফর ? কি করে সেনানী  
ইয়ার লতিফ এবে ? দলি পদে যুদ্ধ-  
নীতি, দলে মম বল-বিপক্ষ বঞ্চক,—  
তথাপি দাঁড়ায়ে সবে ? কেন নাহি করে  
গতিরোধ মুষ্টিমেয় ব্রিটিশ-সেনার ?

( রায়চুল্লভের প্রতি )

চল, রায় ! চল—তব সেনাদল লয়ে,  
নিজে আমি একবার দেখিব ইংরাজে ।

যাও, দূত ! কহ মম শরীর-রক্ষকে—

চালাইতে মম বলী রক্ষক-সেনার ।

[ অভিধান করিয়া দূতের প্রস্থান ।

চল—রায় !

হু ।

বঙ্গেশ্বর ! ছত্রভঙ্গ সেনা-

দল ! চাই ধৈর্য্য-বল এবে বীৰ্য্য-বল

দেখাবার এ নহে সময় ! চলে দাস

রোধিতে অরাতি গতি । কিন্তু, হে জনাব !

রাজার কর্তব্য এবে, রাজ্যের মঙ্গলে,

রক্ষিতে আপন প্রাণ । যাও, প্রভু, নিজ

রাজধানী, লয়ে নিজ রক্ষক সেনায় ;—

বেতেছি আমরা দলি এ ক্ষুদ্র অরাতি ।

( প্রস্থান করিতে পশ্চাৎ ফিরিয়া স্বগত )

দলিতেছি একেবার, মুঢ়, এই পদে

দর্পিত ও মুগ্ধ তব । বহ্নি-মুখে আর,

উড়িবে পতঙ্গ কতক্ষণ ?

[ প্রস্থান ।

[ শরীররক্ষক সেনানীর প্রবেশ ।

সে ।

বঙ্গেশ্বর !

প্রস্তুত রক্ষক-সেনা । কিন্তু, জাহাঁপনা

এ শিবির করি ভঙ্গ—ছত্রভঙ্গ সবে

করে পলায়ন ! শুন, প্রভু, হাহাকার—  
ঘোর আর্তনাদ ! এই বিশ্বজালা-মাঝে,  
পলায়িত রাজারুদ্ধপাল ।

সি ।

পলায়িত

বন্দী রুদ্ধপাল ?—যাক্ বিশ্বাসঘাতক ।  
নহে একা সেই ;—হায় ! স্বজনবান্ধব  
বারা—সবে প্রতারক, প্রবঞ্চক, ঘোর  
নরকের প্রেত । পূর্ণ প্রতারণা এই  
এ বিশ্ব-সংসার ! মূর্ত্তিমতী প্রতারণা-  
পিশাচিনী অই—হাসে ভীম অট্টহাসি,  
মজাইতে মোরে ঘোর রসাতল-তলে !  
' অন্ধকার ! এ আঁধারে একাকী সিরাজ !!

( ক্ষণেক উর্দ্ধে চাহিয়া স্বগত )

সত্য কি জয়াশা মম, নিশার স্বপন ?  
বিশ্বাসি বঞ্চক-দলে, নিজ মতিভ্রমে  
মজিছু আপনি । হরে জয়ী—ভাগ্যদোষে  
ঠেলিয়া বিজয়লক্ষ্মী পদে, পলাতক  
পরস্তপ বঙ্গ-অধিপতি -- পতঙ্গের  
ভয়ে । গিন্না রাজধানী, অর্থবলে পুনঃ  
সঞ্চয়ি মোগল-বল, রক্ষিব মোগল-  
রাজদণ্ড বঙ্গভূমে । হে রাজার রাজা  
বিশ্বপিতা ! দিয়া শক্তি রক্ষ এ অধমে ।

সে । বিলম্বে, জনাব এবে বাড়িবে বিপদ,

প্রস্তুত রক্ষক-চমু ।

সি । ( ব্রহ্মভাবে ) চল রাজধানী ;

এ মোগল-সিংহাসন হইবে রক্ষিতে ।

[ উভয়ের প্রস্থান ।

## পঞ্চম অঙ্ক ।

দ্বিতীয় দৃশ্য ।

— — —

স্থান—পলাণীপ্রান্তর—রণস্থলের এক প্রান্তভাগ ।

সময়—সন্ধ্যা ।

— — —

জনৈক মৃত সেনাদেহে ভর দিয়া আহত রক্তাক্তদেহ

সমরলালের বসিবার উদ্যম ।

স । ( অর্ধ উপবিষ্ট অবস্থায় ক্লিষ্টস্বরে )

উঃ ! জননী জন্মভূমি ! অই অন্তর্মিত

ঘোর দিবাকর-করে, পড়িছে ও ভালে

তব, চির-অন্ধকার-ববনিকা ! আর

না উদিকে দিনমণি এ বঙ্গ-আকাশে,

বিদূরিতে এ আঁধার বিভীষিকাময় ।  
 অই—অই বিশ্বতি-কুহেলি-মাথা মৃত্যু-  
 যবনিকা, পড়িছে—এ ভালে—আঁধারিয়া,  
 এ বিশ্ব-সংসার ! এস—এস, মৃত্যু ! আর  
 না পারি শুনিতে বিদ্বিতের জয়নাদ  
 বিজয়-উল্লাসে অই ! অসহ—অসহ—  
 এ দৃশ্য ভীষণ !! যাঁয় প্রাণ, জগন্ময়ি !  
 হল'না—হল'না, হায়, কর্তব্য সাধন ।  
 ( অবসাদে মূর্চ্ছিত হইয়া পতন )

[ দ্রুতগতিতে মোহনলালের প্রবেশ ।

মৌ ! এস, ঘোরা তমস্বিনি ! তমিস্র ঢালিয়া,  
 কর চিরমগ্ন তমোগর্ভে বঙ্গভূমি  
 এই । পোহা'ও না, হে শর্করি, দেখাইতে  
 এ জগতে, বঞ্চনা-বিদগ্ধ বঙ্গভাগ্য—  
 নরকায়িময় !

( রণপ্রাঙ্গণের চতুর্দিকে দৃষ্টিপাত করিয়া )

হায় ! হেরিহু এদিকে—

না মানি নিষেধ—দীপ্ত উল্লাতেজে ছুটি,  
 পশিতে সমর শূরে ব্রিটিশ-বাহিনী  
 ভেদি ! অই বিকলাঙ্গ শ্বেতাঙ্গ কতই  
 পড়ি হেথা, দেখায়—সে বীর-বীরস্বের

জলন্ত প্রভাব ! কিন্তু হায়, ভাগ্যবলে  
 বলী এ ব্রিটিশজাতি ! ক্ষণেকে যাইত  
 উড়ি—তৃণপ্রায় যারা এ ভূজ-প্রভাবে,  
 হা বঙ্গ-জননি ! অই ঠারা তব বক্ষে  
 করি পদাঘাত—তোলে বিজয়-পতাকা,  
 দর্পিত স্পর্ধার । ধিক্ ! স্বজাতি-স্বধর্ম-  
 দ্রোহী মুর্থ মির্জাফর ! মজলি যবন-  
 জাতি—মজাইয়া এ আশানে বঙ্গভূমি,  
 বঞ্চনা-ছলনে জালি নরক-আঁধার !  
 অসহ এ পাপ-প্রতারণা ! দাও, মাতঃ  
 ভাগিরথি ! প্রলয়-প্রবাহে ডুবাইয়া  
 এই বঙ্গ,—ডুবাইয়া বিশ্বাস-বারিধি-  
 গর্ভে এ বঙ্গের এ বিশ্বাসবাতকতা—  
 অই ঘোর কালিমা-রঞ্জিত ! যাই,—অই  
 নিরাশা-রাক্ষসী-গ্রাসে আশা কুহকিনী,  
 চমকি শিহরি, ডাকে রক্ষিতে সিরাজে ।

[ প্রস্থান ।

[ ধীরপদে কপালিনীর প্রবেশ ।

ক । হেরিছু পশিতে একা বীরে—বীরনাদে  
 ঞ্চেতাক্স-সেনায় ! হায় । আর না হেরিছু ।  
 রণরঙ্গ অবসান এবে ; কেহ আর  
 নাহি রণাঙ্গনে । শুধু ভীষণ আঁধার,

অস্থিহাসি' করে কেলি অঁধার উগারি !

অঁধারে ডুবিয়া, অই মৃত দেহরাশি,  
দেখায় বিকট রীত্বের পরিণাম !!

স। ( মূচ্ছাভঙ্গে শুষ্ককণ্ঠে অবসন্ন হইয়া )

উছঃ !—তৃষা !—তৃষা—প্রাণ যায় । মার কার্য—  
হল' না সাধন ।

ক। ( সচকিতে ) একি !—কে হেথা শায়িত ?  
কে তুমি মানব ?

স। পথিক এ—মৃত্যু-পথে ।

ক। একি!—একি !—তুমি !! তুমি স্বর্গের দেবতা—  
দেবতা আমার—তুমি ?

ক। আমি ;—তুমি কি সে  
দেবী—সন্ন্যাসিনী ?

ক। দেবি নহি—দেবী নহি,—  
নহি সন্ন্যাসিনী, দেব ! মানবী—মর্ত্তের  
নারী,—বাসনার দাসী । কেন চলিয়াছ—  
দিয়া ভাঙ্গি স্বর্গ-মর্ত্ত মম ? কেন হায়  
ইচ্ছায় আনিলে মৃত্যু ?

স। তোমারি কারণ :—  
রাখিতে তোমারে উচ্ছে ।

ক। আমারি কারণ !!  
(স্বগত) হা জননি ! কি করিলে ? কেন ভুলাইলে,



অবোধ কন্তায় এই মোহের মায়ায় ?  
বধিতে এ মহাজনে—কেন ফিরাইলে,  
বাধি ভাগ্য অই—এই তুচ্ছ নিমিতির  
সনে, মাগো, এ-কি-এ অলক্ষ্য আকর্ষণে ?  
হায় ! বধিলাম দেবতায় !!—

স । রও উচ্ছে ।

বড় জালা—তৃষা—জল ।—

ক । দাঁড়াও, হে দেব !

আনি জাহ্নবীর বারি ।

[ প্রস্থান ।

[ চণ্ডদেব, ব্রহ্মচারী, মহামায়া ও উগ্রদেবের প্রবেশ ।

চ । এই সেই স্থান ।

উ । এই স্থানে রোধিছিনু সে নীর শাদ্দূলে,  
পড়িতে ঝাঁপায়ে তুচ্ছ ব্রিটিশ-অনলে !

ব্র । অই হোথা, মহামায়া, শায়িত সে বীর ।  
কি-যেন স্বপন-ঘোরে, চলিছে ইচ্ছায়  
বীর—তাজি মরলোক !

ম । ( দ্রুতপদে অগ্রসরি ) সমর !

স । কে—তুমি ?

ম । আমি—মহামায়া ।

স । ( মন্তক তুলিয়া ) কি—কি—মহামায়াণ! সেই—

শৈশবের মহা ছায়া ? না—না,—নাই আর—  
সুই—মহামায়া । এবে—মহামায়া-রূপে,—  
মহা—মায়া ।—

ম । সমর ! সমর ! ধন্য তব  
নারী-পূজা ! ধন্য প্রেম—ভালবাসা !

স । দেবি !—  
শিখায়েছ মোরে—তুমিই—এ—ভালবাসা ।  
এই—মহা—ভালবাসা হতে, শিখিয়াছি—  
রমণী—রমণী নয়,— রমণী—জননী ।—

ম । সমর ! সমর ! আজি শুদ্ধ সংসার,  
শুন, বীর, আত্মজয়ী তুমি,—এবে তোমা  
“ভালবাসি আমি ।” ভালবাসি’, এ সংসারে  
হয়েছ সন্ন্যাসী ;—‘ভালবাসি’, বসিয়েছ  
হৃদে জগন্ময়ী মায়ে,—মহামায়া-রূপে ;  
‘ভালবাসি’, হেরিছ রমণী-রূপে—মহা-  
মহিমা-মণ্ডিতা মাতৃরূপা মহাশক্তি ;—  
তাই ভালবাসি । এস হে প্রেমিক ! এস,  
মাগ্নের সন্তান ! লয়ে এবে এই ক্রোড়ে,  
দেখাই ত্রিলোকে নারীপূজা-পরিণতি !!  
( সমরলালের মস্তক ক্রোড়ে লইয়া উপবেশন )

চ । দেখ’ রে জগৎ, নারীপূজা-পরিণতি !!  
দেখহ—দেবতাকুল, নারীপ্রেমে মজ্জি,—



স । (জল পান করিয়া) আঃ ।—আঃ—শান্তি—তৃষা ।

ব্র । কপালিনি ! নহ তুমি এবে সন্ন্যাসিনী ।  
 যোগমায়া কল্যাণতুমি মম ; পত্নী তুমি  
 স্বর্গগামী সমরের । সেই শৈশবের  
 বিবাহ-বন্ধনে, জেন, বৎসে, পতি তব—  
 এই বীর আত্মজয়ী ।

ক । ' পিতা,—পিতা, নাহি  
 জানি কিবা পতি—কিবা বিবাহ-বন্ধন ।  
 জানি—এ মানব—এ দেবতা—স্বর্গ-মর্ত্ত  
 মোর কবি অধিকার, রোধি এই পথ—  
 জ্যোতির্ম্ময় মহাপথ দেখান আমার ;  
 জানি—মা আমার নিজের, অলক্ষ্য বন্ধনে,  
 অই প্রাণে এই প্রাণ দিয়াছেন বাঁধি ;  
 জানি—অই দেব, ইষ্টদেব মম হৃদি-  
 সিংহাসনে ; জানি—এ দেবতা-অদর্শনে,  
 জননীর সে মহা বন্ধন ছিন্ন নাহি হবে  
 কভু কল্প-কল্পান্তরে ।

ব্র নিয়তি-রহস্য

এই, হে রহস্যময়ি, অজ্ঞেয় মানবে ।  
 হায় ! একি লীলা তব, লীলাময়ী মাতঃ ?

ক । (সমরলালের পদযুগ বক্ষে ধরিয়া)  
 স্বামিন্ ! দেবতা ! এই পদে—মহাস্বর্গ ;

এই পদে—মহা শান্তি মহা মোক্ষ মম ;

এই পদে—বাসনা-বিলয় ; এই পদে—

সৰ্ব-কৰ্ম-পথ মম হইয়াছে লয় ;

এই পদে—নারী-জীবনের মহাপথ ।

এই প্রেম-পদ বিনা, নাহি শক্তি নারী-

প্রাণে—উঠে উদ্ধে একা, মিশাইতে সেই

মহা প্রেমার্গবে । এবে এ পদ-পরশে,

অপক্লপ নবসৃষ্টি ধরিল সংসার !—

কোটি-চন্দ্র-বিভাসিত শান্তি-স্বর্গ কোটি

ভাতিল হৃদয় মাঝে ! এ পদ-পরশে,

সর্ব সাধ হ'ল পূর্ণ,—পূর্ণ এ জীবন ।

স । কপালিনী !—দেবি—তুমি । হায় !—দেবি ! কেন—

উচ্চ হতে,—আসিলে নামিয়া—নিম্নে ? যাই—

দেবি ! যাই—পিতা,—দেহ—পদধূলি । চির—

বিদায়—বসুধে ! যাই,—লও—জগন্ময়ী—

মহামায়া !—মা !—মা !—যা—ই—

( মূচ্ছিত হওন । )

ব ।

ধন্য বীর তুমি !

যাও, বৎস ! মৃত্যু কভু এ দেবত্ব ত'ব

নারিবে স্পর্শিতে । এ মহত্ত্ব স্তব্ধ ধরা ।

প্রবৃত্তি-সমাধি'পরি স্নুউচ্চ স্মেরু

সম মিবৃত্তির 'তব মহাস্তম্ভ হেরি,

স্তম্ভিত হয়েছো বিশ্ব ! ধন এ সাধনা ।  
 ফুল সবে—সুখে ঘাই এই মহাঙ্কনে,—  
 পতিত-পাবনী, শাস্তি-মুক্তি-প্রদায়িনী  
 পুণ্যতোয়া জাহ্নবীর পবিত্র পুলিনে ।  
 নির্দোষ জীবন-দাপ হইবে অচিরে ।

[প্রস্থান ।

## পঞ্চম অঙ্ক ।

### তৃতীয় দৃশ্য ।

স্থান—মসজিদ-সম্মুখস্থ পথ—অদূরে নদীচর ।  
 সময়—দিবা তৃতীয় প্রহর ।

রাজপাল ও মিরকাশেমের প্রবেশ ।

মি । দেখেছ নিশ্চয় ?

র । নাহি সংশয়, সাছেব !

মি । কতদূরে ?

র । নহে দূরে ; অদূরে লেগেছে

তরি । আছে মম চর তরঙ্গী পশ্চাতে,

নানা বেশ ধরি । নদীচরে গতিক্রোধ  
এবে । কোথা যাবে ? খাজ্ঞাভাবে উপবাসী  
বঙ্গের নবাব ।

মি । না—না, বঙ্গের নবাব—

মির্জাফর । সে সিরাজ—কুকুর অধম ।

রু । নিশ্চয়—নিশ্চয়, বঙ্গেশ্বর—মির্জাফর ।

মি । লয়ে সেনা, রহিলু অদূরে গুপ্তভাবে ।  
বাধিব সিরাজে আমি ; ধরিতে বেগমে  
দাউদ লুটবে নৌকা ।

[ প্রস্থান ।

রু । সাধি কার্য্য মম ।

সিৰাজ ! নিরোধ ! চির-পুত্তলিকা তুই  
আমারি এ করে ;—কোথা পলাইবি এবে ?  
প্রতিহিংসা ! মোর প্রতিহিংসা, রক্তশ্রোতে  
তোর, ভীৰু করিবে উন্মুক্ত উচ্চ পথ  
মম । অই না সিরাজ আসিছে অদূরে ?  
হা-হা ! মুর্থ, ভিক্ষকের বেশে, শোভে পদে  
অমূল্য পাত্ৰকা ! সঙ্গে অই না বেগম—  
প্রেমদী স্নানরী-তোর ?—ভিক্ষার্থীর যোগ্য  
বটে সাথী !—যাই, ধরি ফকিরের বেশ,  
জপ্তি জপমালা—বসি ধর্ম্ম-ফাঁদ পাতি ।

[ অন্তরালে গমন ।

[ স্ফমাত্ত পরিচ্ছদে সিরাজ ও লুৎফউল্লিসার প্রবেশ ।

সি। এস না—এস না, প্রিয়ে ।

লু। কেন—কেন, নাথ ?

সি। ছদ্মবেশে ভিক্ষার্থী সিরাজ, প্রিয়ে ! এবে,  
ও চারু চল্লিকা-রূপ হেরি, এ সংসার  
প্রবঞ্চনাময়, চিনিবে এ মেঘাবৃত্ত  
চাঁদে, প্রাণাধিকে ।—ঘটাইবে সর্বনাশ ।

লু। কহ, নাথ ! কহ, প্রাণেশ্বর ! রাজেশ্বর—  
পথের ভিখারী—অনাহারী ; এ হ'তে কি  
আছে আর সর্বনাশ ? যাক্ সব—যাক্'  
জীবন-সর্বস্ব মম ।

সি। আছে আশা, প্রিয়ে !  
কহে আশা মায়াবিনী, আছে এক আশা—  
বিহার-শাসন-কর্ত্তা হিন্দুবীর রাজা  
নারায়ণ । অদূরে আজিমাবাদে, মিলি  
বিশ্বস্ত ফরাসি বীর মুঁসো লার সনে,  
হিন্দুর সহায়ে, উদ্ধারিব বঙ্গভূমে  
অস্তমিত মোগল-গৌরব, প্রিয়তমে !  
যাও—যাও, প্রাণেশ্বর ! অনাহারী তুমি ;  
খাত্ত ভিক্ষা করি, ত্বর্য ফিরিব নৌকায় ।

লু। না—না, নাথ ! এ ভিক্ষায় নাহি প্রয়োজন ।  
ও চন্দ্র-বদন হেরি, হায়, এ চকোরী





প্রিয়তমে ! হবে, হায়, অকালে নিশ্চল  
 এ বন্ধে মোগল-আশা ! যাও, প্রাণময়ি !  
 লু। যাই—যাই, প্রাণেশ্বর ! নিশ্চয় সংসার,  
 হের, জ্বালি অন্ধকার, দেখায় চৌদিকে  
 বিভীষিকা ভয়ঙ্করী !! এস ফিরি স্বরা,  
 জীবন-সর্বস্ব মম কোথা দেবদেব  
 রাজরাজেশ্বর ! ডাকে কাঁদি কাঙ্গালিনী  
 রাজরাণী ; রক্ষ, নাথ, রক্ষ প্রাণনাথে ;

[ ধীরে প্রস্থান।

সি। কাঁদে প্রাণ । কিন্তু, অবলার দুর্বলতা  
 সাজেনা পুরুষে । হায় । ত্যজি রণভূমি,  
 ফিরিয়া নগরে- বিলাসিতা মুক্তহন্তে  
 অর্থবাশি, খুলি রাজ-ধনাগার : তবু  
 না পাইব একজনে দাঁড়াতে সহায়ে  
 মোর রক্ষিবারে পুরী ! স্বজন-আত্মীয়  
 যারা, দিয়া আশা লুটি রাজকোষ শেষে,—  
 একে একে একা, ফেলি বিপদ-পাথারে,  
 পলাইল সবে !

( অগ্রসর হইয়া সভয়ে )

আসে ফকির জনেক ;  
 দেখি ভিক্ষা মাগি । হা অদৃষ্ট ! কি কথায়—  
 কেমনে মাগিব ভিক্ষা, ভিক্ষুক-সকাশে ?

যায়—যাক্ এবে প্রাণ ; পারিবে না কভু  
এ ভিক্ষা সিরাজ । কিন্তু, প্রাণেশ্বরী—  
অনাহারী ! হা দয়্য বিধাতা ! কোঁপে পদ,  
না পারি দাঁড়াতে ক্লান্ত দেহে ।

[ ফলিরবেশে রূদ্রপালের প্রবেশ ।

অনাহারী—

দাঁড়াইয়া অন্তরে ।

রু । সুন্দর অতিথি  
তুমি ; সুপ্রসন্ন ভাগ্য মম । এস—কর  
পানাহার ।

সি । আছে সঙ্গে নারী অনাহারী ।  
হে ধার্মিক ! ধর্মস্থানে দেহ ভিক্ষা খাওয়া  
কিছু—হবে ধর্মলাভ ।

রু । করিয়া ভোজন,  
লয়ে যাও, হে সুন্দর ! খাওয়া ইচ্ছামত ।

স কৃতার্থ আতিথেয় তব ।

( স্বগত ) কোঁপে হিয়া মম ।

ধর্মদ্বারে, সাধুহস্তে বঞ্চনার শঙ্কা  
নাহি কভু ।

রু !

এস সাথে ।

( উভয়েরই মসজিদ ঘারে প্রবেশ ও কণপরে রক্তপালের পুনরাগমন )

ফাঁদে বদ্ধ ফের ;

রে মূর্খ সিরাজ ! দেখ—জলন্ত এ প্রতিশোধ ।

[ জনৈক সৈনিকসহ মিরকাশেমের প্রবেশ ।

মি । কোথায় সিরাজ ?

রু । রুদ্ধ এই মসজিদে ।

যাও—কবু বন্দী এবে নির্কোষ বর্ষরে,

ভাজি পাদাঘাতে তুচ্ছ রাজ্য-স্বপ্ন তার ।

[ সৈনিক সহ মিরকাশেমের মসজিদমধ্যে প্রবেশ ]

আজন্ম অর্চিত উচ্চাকাঙ্ক্ষা মম হবে

পূর্ণ এতদিনে—দণ্ডী সিরাজ-শোণিতে ।

[ কতপালের অন্তরালে অবস্থান ও সিরাজকে বন্দী করিয়া

মিরকাশেমের পুনরাগমন ।

কি । কোথা সে ফকির ? হেথা—সেই প্রতারণা !

কাশেম ! হে বন্ধু ! ছিলে মোর সোভাগ্যের

ভাগী ; এবে এ ভাগ্যের ভাগী হয়ে—হও

সহায় আমার । এ বন্ধন ছাড়ি, বাধ'

চির-কৃতজ্ঞতা পাশে ।

মি । রে ভীক ! নির্কোষ !

হা-হা ! ভুজঙ্গের গ্রাসে ভেকের ক্রন্দন

মাত্র সার ।

[ আবুলমুজিব-কেশ লুৎফউল্লিহাকে ধৃত করিয়া দ্বির দাউদের প্রবেশ ।

কোথা-বন্ধুগণ—রাজেশ্বর—

কোণেশ্বর মোর ? হের, প্রভু, এ ক্লান্ত  
দম্ব্য ক্ষুদ্র, করে মোর কি ঘোর লাঞ্ছনা !  
ছাড় মোরে, নরাদম ! না জানিস্, পাপি,  
করি স্পর্শ সতী-অঙ্গ, কি কাল অনল  
নিজ ভালে দিতেছি স্ জালি ! ক্ষুদ্র নীচ  
ভৃত্য তুই ; প্রভুপত্নী রাজেশ্বরী আমি ;  
রও দূরে, দুরাশয় ! না পারি সহিতে,  
হা নাথ ! হা লজ্জা ! পৈশাচিক এ লাঞ্ছনা,  
অকৃতজ্ঞ ক্রীতদাস-করে । জুড়াইতে  
জালা, তীক্ষ্ণ অসি দে রে এ বক্ষে বসারে । -

দা । ক্ষীতবক্ষে বসিতে এ অসি পায় লাজ,  
চন্দ্রাননে ।—বসিবে অচিরে, রাজ্যভ্রষ্ট  
অধম সিরাজ-হৃদে । হা-হা ! অগ্নিহীন  
অঙ্গারে, কেহ কি কভু আদরে, মানিনি ?  
এস, কমলিনি, দিব তোমা বসাইয়া  
মিরণ মুগাল-অঙ্কে শোভিবে সুন্দর  
অতি, লো সুন্দরি !

সি । ক্ষুদ্র কীট ক্রীতদাস !

আরে নরকের প্রেত ! ঘৃণ্য মুণ্ড তোর  
চূর্ণিব এপদে । ( লক্ষ্মত্যাগের বৃথা চেষ্টা করণ ) ।

দা ।                      হা-হা ! নাহিক বিলম্ব  
 নিজ মুণ্ড-পাতে । ভাঙ্গি স্বপ্ন—তাজ দস্ত,  
 বৃথাদস্তি, এবে ।

লু ।                      আলিঙ্গিত মৃত্যু, পতি  
 প্রাণনাথ-পদে, ছাড় মোবে, নরপ্রেত,  
 অম্পৃশ্য পিশাচ ! হায় নাথ । হা প্রণেশ ।  
 দস্যু ভৃত্যহস্তে যায় মান—যায় প্রাণ ।  
 রক্ষ—রক্ষ মোরে—

[ রোরুদ্যমানা বেগমকে সজোবে টানিয়া লহয়া মিরদাউদেব প্রস্থান ।

সি ।                      ধন্য রক্ষিবে তোমায়ে  
 এ বিপদে, প্রিয়তমে ! হোয়ো না অধীরা ;  
 ডাক, প্রিয়ে, এ বিশ্বের দণ্ডধর যিনি—  
 দয়াময় ধর্ম্মরাজে ! কাল বজ্রাঘাতে  
 প্রতাবক পাপীদল পাবে প্রতিফল ।

[ ক্রুদ্ধপালেব পুনবাগমন ।

ক্ল ।    ভুঞ্জ অগ্রে নিজ প্রতিফল ।  
 ( দূরে কৃত্রিম শত্রু নিক্ষেপ করিয়া )  
                                  চিনেছ কি,  
 মৃত ৭ নহি ধর্ম্মধ্বজী তাপস ফকির ;—  
 দাঁড়াইয়া মূর্ত্তিমান কুতাস্ত করাল !  
 দেখ্—নহে বন্দী ক্রুদ্ধপাল ; বন্দী মূর্খ  
 নিকোষ সিরাজ । দিতে ঘোর প্রতিশোধ,

ঘুরি চক্রে নানা বেশে ; করিব নিপাত

এবে, জালাময় চির মৃত্যু-অন্ধকারে ।

কা। ডাকে মৃত্যু । চল, ভীক, কোথা পলাইবি ?

পড়েছিন্ বহ্নিমুখে পতঙ্গ আপনি ।

সি। জানি—আছে মৃত্যু এ জীবনে । আছে ধর্ম,

জানিস্ রে পাপী প্রতারক ;

কা। থাকে ধর্ম,

হবে কবরিত তোর ছিন্ন মুণ্ড সাথে ।

[ সিরাজকে লইয়া প্রস্থান ।

( নেপথ্যে )

হিঃ হিঃ ! দেশে দেশে ফিরি, গোরে গোরে ঘুরি,

ঝেড়াই ছুটিয়া—তপ্ত ভ্রাতৃ-রক্ত আশে !

রু। কি বিকট অট্টহাসি !! আসে ছুটি কেবা

ও ডাকিনী !!—

[ বিকটহাস্তে উদ্ভাদিনো মনিয়ার ছুটিয়া প্রবেশ ।

ম। হেথা, ভ্রাতঃ ? এস—রক্ত দিয়া—

মিটাও দারুণ তৃণ—

( রুদ্রপালের বক্ষে সজোরে ছুরিকাঘাত ও

রুদ্রপালের পতন )

রু।

পিশাচী প্রেতিনী—

ম । ( রক্তাক্ত ছুরিকা হস্তে বিকট হাস্য করিয়া )  
 পিশাচী—প্রতিনী নহি ;—আপন ভগিনী ।  
 ভগিনী-সত্যস্বরূপ ছিঁড়ি—দিয়াছিল  
 যবনের পদে ; সে জলন্ত প্রতিশোধে,  
 দিলি ভাতৃরক্ত ভগিনীরে ।—হিঃ হিঃ ! যাই—  
 খুঁজি এবে প্রাণেশ্বরে ; সেই রক্তে—এই  
 রক্ত শিশাইয়া, মিটাইব সব জালা !—  
 বিরহ বিষম ব্যথা !! ঘুচাব উল্লাসে  
 প্রেমের পিপাসা—তৃষা—ঘোর রক্ত-তৃষা !!

[ বিকট হাসিয়া ছুটিয়া প্রস্থান ।

[ দুইজন সৈনিকের ছুটিয়া প্রবেশ ।

প্র-সৈ । কে পলায়—অই ছুটি বিকট হাসিয়া !—  
 ধর—ধর—রমণী-কাকামিনী ও যে ছুটে—

দ্বি-সৈ । ( পতিত রুদ্রপালকে দেখিয়া )  
 একি সর্বনাশ !! এষে রক্ত !—রক্তে ডুবি  
 রাজা রুদ্রপাল !!

প্র-সৈ । হত্যা !! ধর—হত্যা করি  
 পলায় ডাকিনী—

দ্বি-সৈ । থাম'—মৃত নহে রাজা ।—

রু । ( বস্ত্রগায় অতি কষ্টে উপবেশন করিয়া )  
 শয়তানি ! কি করিলি ?— অসহ্য এ জালা !



কোথা যাই ?—রক্ত ।—রক্ত !!—রক্তশ্রোতে রক্ত  
পথ !! অই রুধিরাতরঙ্গে, ধরে রক্ত —  
তমোময় মম কার্য্য-কলাপের ঘোর  
বিভীষিকা-ছায়া !!

( যন্ত্রণায় অস্থির ভাবে দাঁড়াইয়া )

‘ কোথা হতে রু ল সৃষ্টি,  
এ মুহূর্ত্তে নরক ভীষণ ! কি আঁধার !  
নরক ! - নরক ভয়ঙ্কর ! না বিধিস্—  
না বিধিস্ ভ্রাতৃহদি, রে প্রেতিনি, হাসি ।  
অটুহাস্ত বীভৎস বিকট ! কে আবার ?—  
তুমি - রাজা চন্দ্রনাথ ? না বাঁধ—না বাঁধ’  
বহুময় কণ্টক-শৃঙ্খলে আর । চন্দ্র-  
মণ্ডল-বর্ত্তিনী—দিবা-মন্দাব-মালিনী  
কে তুমি, রমণি, উচ্ছে অন্নে ?—মহামায়া !!  
এস, দেবি ! রক্ষ মোরে—নরক জ্বালায় !

( যন্ত্রণায় আকুল হইয়া ক্ষণপরে )

নরক ! নরক ! অটুহাস্যে নরকাগ্নি  
জ্বলি, ছুটে চারিদিকে কঙ্কাল-শব্দী  
প্রেতিনীর পাল অই—নিষ্ফেপিতে মোরে  
বিকট ভীষণ অই আঁধার গহবরে ।  
অই—অই অস্থিময় অর্ধদ ভুজঙ্গ-  
ফণা, ঘোর নিশ্বাস-গর্জনে কি গরল-

তরঙ্গ তুলিয়া, আসে অই দংশিতে আমারে।  
না-না—বাই—রক্ষা কর—যে আছ নিয়ন্তা—  
পতনোন্মুখ, ও দুইজন দৈনিক কর্তৃক পশ্চাৎ  
(হইতে ধারণ)

(ক্ষণেক মুচ্ছিতভাবে থাকিয়া ধীরে ক্ষীণস্বরে)  
 নিবিছে জীবন-দীপ!—ঘিরিছে অঁধার!  
 অঁধার সমাধি-স্তম্ভ—ঘোর ভয়ঙ্কর—  
 গঠেছি এ ক্ষরে! হরাশর—এই ঘোর  
 পরিণাম! বুঝি—আছে ধর্ম্ম। না—না, একা  
 অঁধারে এসেছি,—একা যেতেছি—অঁধারে।  
 আসে মৃত্যু—অঁধার জালিয়া অই,—বাই—  
 [মৃত্যু।

প্র-সৈ। মৃত রাজা কদ্রপাল।

দ্বি-সৈ।                      একি সৰ্হনাশ !

চল লয়ে ফোজদার সমীপে সত্বরে ;  
দৈখা যাক, হয় যদি কোন প্রতিকার ।

[ কজ্জপালের মৃতদেহ লইয়া প্রস্থান :

## পঞ্চম অঙ্ক ।

চতুর্থ দৃশ্য ।

স্থান—মুর্শিদাবাদ—মির্জাফরের প্রাসাদ-মধ্যস্থ

কারাগার ৫

সময়—নিশীথ রাত্রি ।

সিরাজদ্দৌলা বন্দীভাবে দণ্ডায়মান ।

সি । ( দীর্ঘনিশ্বাস তাগ করিয়া )

বিশ্ব পূর্ণ প্রবঞ্চনা ! হায় ! বঞ্চনায়  
এ ঘোর দুর্দশা মম,—সব আশা এবে  
অবসান ! ছিল আশা—উচ্ছেদি ইংরাজে,  
মোগল-রাজত্ব বঙ্গে করিয়া স্ফূট,  
উড়াব গৌরব-ধ্বজা ।—ফুরাল সে আশা ।  
উড়িয়া-বিহার-বঙ্গ-অধীশ্বর, আজ  
একাকী কারায় বন্দী ! প্রকাণ্ড ধরায়—  
এই ক্ষুদ্র কারা-কুপে, একাকী সিরাজ !  
স্বপ্ন সম এ জীবন এবে, কোথা যেন  
যেতেছে মিলায়ে ! দেখাইছে ভবিষ্যৎ—  
অদূরে ভীষণ অতীতের চিরঘোর

বিস্মৃতি অঁধার ! হায় ! কবরিত এবে,  
অঁধার সমাধি গর্ভে, জীবন্ত এ'আমি !

( অবসন্নভাবে কারাতলে বসিয়া পড়ন । )

[ ঘোরে কারাঘার খুলিয়া, দ্বারদেশে মিরণের প্রবেশ ।

মি । ( স্বগত ) দেখে মূর্খ রাজ্য-স্বপ্ন ॥ না ভাবে নির্বোধ  
দেখিতে কুরাল ক'লে হয়েছে সময় !  
আসিতেছি মৃত্যু লয়ে তোর, রে বর্বর,  
লইবারে প্রতিশোধ—প্রেমসীর তোর  
ঘোর দন্ত দর্প অভিমান । রূপ-দর্পে  
লুৎফলিসা—অভাগী মানিনী পদাঘাতে  
করিয়াছে তুচ্ছ এ মিরণে—ভাবী বঙ্গ-  
অধীশ্বরে ! অই বক্ষ-রক্ত-পানে হয়ে  
মাতোয়ারা, সে মানিনী-মান এ মিরণ  
করিবে দলন !

( প্রকাশ্যে ) হা-হা ! কি স্বপ্ন দেখিস্,  
মূর্খ ? খুলি নিকট কবর, দাঁড়াইয়া,  
মৃত্যু অই অট্টহাস্তে দিগন্ত কাঁপায় ।  
রে ফের সিঁরাজ ! মৃত্যু-পদাঘাতে, হবে  
চূর্ণ ক্ষণে ও মুণ্ড দর্পিত ।

[ সবেগে ভূমে পদাঘাত করিয়া প্রস্থান ।

সি । ( চমকিত ভাবে দাঁড়াইয়া ) অই মৃত্যু

আসিছে আশ্ফালি—আলোড়িয়া অন্ধকার !  
 নিস্তব্ধ নীরব উল্লসিত কারা-কূপে,  
 আয়, মৃত্যু, নীরবতা নির্জলতা ভাঙ্গি ।  
 অই আসে মৃত্যু । - অই আসে তরুর  
 সশঙ্কিত পদ-ক্ষেপে, ধীরে ধীরে ধীরে,  
 ঘাতকের শেষে মৃত্যু—রক্তালোকে আলি ॥  
 কে তুমি ?—হোসেনকুলি ॥ কলঙ্কিতা আবে  
 অন্তঃপূব-ধর্ম মম আসিছ কি লগ্নত  
 মৃত্যু-প্রতিশোধ ? এস—এস—ঈশ্বরের  
 সেই এক কলঙ্ক-কালিমা, দাও তুলি  
 কাল-অসি ধারে ।

[ ঘোরা হস্তে মহম্মদীবেগেব প্রবেশ ।

( বিস্ময়-চকিতভাবে )

কে—কে ?—তুমি ॥ তুমি তুমি  
 মহম্মদীবেগ ॥ তুমি আসিরাছ হেথা  
 নাশিতে আমারে শেষে ? তুমি—কেন—কেন ?—  
 কি করেছি ? বিপুল বিস্তৃত বহুধরা  
 এই ; এর কোন স্থানে—দূরে—প্রান্তভাগে,  
 নারিল কি তারা দিতে একটুকু ক্ষুদ্র  
 নিভৃত নিবাস ? রও, মহম্মদীবেগ !  
 তুমি—তুমি কি এসেছ, বধি প্রভু—পিতা  
 অন্নদাতা, করিতে অঙ্কিত নাম—অই

ঘেঁষর নরকের দ্বারে, কুধির-রঞ্জিত

জলন্ত অন্ধরে ? রও—দাঁড়াও—দাঁড়াও—

ম। থাক্ এ গল্পনা। ছিলে প্রভু ষতদিন,  
সেধেছি তোমা কাক্স-প্রাণপণে। এবে  
প্রভু, অন্নদাতা বেই, সাধেঁ কাক্স ভৃত্য  
এই তার ;—কার্য্যাকার্য্য ভাবিবাক্স, নাহি  
তার প্রভু অধিকার। হও হে প্রস্তুত।

সি। পাম্—থান্—থাম্, ছুরাচার ! রাজ্যেশ্বর  
প্রভু এই, কভু নাহি যাচে প্রাণ নীচ  
ভৃত্য ক্রাছে। রও—রও, পাপি ! একবার  
শেষবার জনমের মত, ক্বেথে লই  
মানস-নয়নে, সেই চির শোভাময়ী  
শৈশবের লীলাভূমি ফুল সুখ-লীলা-  
নিকেতন ;—সেই মম স্নেহময় মাতামহে ;—  
সেই লুৎ  প্রাণময়ী প্রিয়া  
প্রেমসীর স্বরগ- চিরকুল'  
প্রেমাকুল সুন্দর বদন।  
( ক্ষণ বিলম্বে )

এস—এস—

এস, মহাম্মদীবর্গ ! দেখাও জগতে,  
জলন্ত এ কৃতঘ্নতা !—উঠুক কাঁপিয়া  
বিশ্ব, প্রতারণা-পাপে !!

ম।

আর নয়—আর

নয়,—তুলিছে এ' ছারী।

সি।

এস—এক; না—না,

দাঁড়াও ক্ষণেক । অস্তিমের এই শেষ

মুহূর্ত্তে বারেক, অস্তিমের দেবতার

কাছে, করি লই এই জীবনের শেষ

কর্তব্য-সাধন । না করিস্ স্পর্শ এবে ;

দাঁড়াই ক্ষণেক, পাপি !

( জাহ্নু পাতিয়া করঘোড়ে উপবেশন ; ক্ষণপরে মহানদীবেগ  
কর্তৃক ছুরিকাঘাত, সিরোজের পতন, উপর্যুপরি  
ছুরিকাঘাত । )

আর না—আর না,—

যথেষ্ট—হোসেনকুলি ।—হল—প্রায়শ্চিত্ত—

রক্তে মম । রক্তে মম—মোগলের চির-

আশা—হল—শেষ ! অধুনা—<sup>১</sup>হেথাবিশ্ব—পূর্ণ—প্রতারণা !! ~~উঃ—উঃ—উঃ—~~ উঃ—উঃ—

( মৃত্যু )

ম। ( রক্তাক্ত ছোরা উত্তোলিত করিয়া )

হল শেষ কার্য্য ঘোর ! হল শেষ রক্ত-

লীলা !! একি—একি ? রক্তে—রক্তে এ জগৎ

গেল যে ভাসিয়া ! কোথা যেতেছি-ভুবিয়া !!

( কল্পিত হস্ত হইতে ছোরা পতন । )











